

The monthly magazine «North Star»

ВОЙВЫІВ КОДЗУВ

КОМИ
ЙОЗЛОН
ЖУРНАЛ

3 ' 97



ВОЙВЫВ КОДЗУВ



БЫД ТӐЛЫССЯ ЛИТЕРАТУРНО-
ХУДОЖЕСТВЕННОЙ
ЖУРНАЛ

3

МАРТ
(РАКА)
1997

ПЕТӐ 1926 ВОСЯНЬ

■
ЛЭДЗӐНЫ:

КОМИ
ГИЖЫСЬЯСЛӐН
КОТЫР

КОМИ
РЕСПУБЛИКАСА
ПЕЧАТЬ
УПРАВЛЕНИЕ

■
СЫКТЫВКАР

□ □ □

ТАЙӐ НОМЕРЫН:

Геннадий ЮШКОВ. Выль кывбуръяс.	3
Борис ШАХОВ. Овлісны-вывлісны. РоманлӐн мӐд юкӐн	7
Александр ЛУЖИКОВ. Менам аңделӐй. Кывбур	41
Юрий ВАСЮТОВ. ТӐдысь Савать Вась. Казьтылана висьт	44
Нина ОБРЕЗКОВА. Менам кывбуръяс.	60

ЭМ И ТАТШӐМ ВИДЗӐДЛАС

Э. Г. ВАСОИ-ВАЗОЛИ. Православие эз кыпӐд КомитӐ. ...	62
--	----

ВАЖ ОЛӐМЫСЬ

Александр ПАНЮКОВ. Ӑреп Микиталысь нимлун сӕйигӐн. Нӕбдинса ярманга.	67
--	----

ЧУЖАН МУ ТУЯЛЫСЬ

Владимир СИЛИН. ЗбыльмӐдтӐм проект.	73
--	----

МИЯН КУЛЬТУРАЫСЬ

Иван ПЛОСКОВ. Ур да шайт.	75
--------------------------------	----

ТОМ ПОЭЗИЯ ЙЫЛЫСЬ

Валерий МАРТЫНОВ. МӐвпалӐ ас ногыс.	77
--	----

ПОШТА КУДЙЫСЬ

Е. И. ЧУДОВА. ОрӐма зумыд орду.	78
--------------------------------------	----

□ □ □

СЕВЕРНАЯ ЗВЕЗДА



Ежемесячный
литературно-художественный
журнал



Учредители:

СОЮЗ ПИСАТЕЛЕЙ РЕСПУБЛИКИ КОМИ

УПРАВЛЕНИЕ ПЕЧАТИ
РЕСПУБЛИКИ КОМИ



РЕДАКЦИОННАЯ КОЛЛЕГИЯ:

Главный редактор

Михаил
ЕЛЬКИН

Ответственный
секретарь

Альберт
ВАНЕЕВ

Виктор
НАПАЛКОВ

Алексей
ОДИНЦОВ


Владимир
ТИМИН



Геннадий ЮШКОВ,

Коми Республикаса народнӧй писатель

Тавося март 14 лунӧ Г. А. Юшковлы тырис 65 арӧс. Чолӧмалам сійӧс тайӧ арлыднас, сиам бур дзоньвидзалун да виччысям виль гижӧдъяс.



Вежа кыдз

Коркӧ юрӧ воис сідз,
Сэся югзис збыльысь:
Емдін сиктӧ вежа кыдз
Пуктыны кӧ выльысь?

Важыс, коми олан пас,
Вежӧдіс быд тулыс.
Вежавидзана да ас,
Черысь-биысь куліс.

Мед и квайтсӧ сайӧ во
Кывтіс сэсянь кадыс,
Шусям асьнымӧн на со,
Эг на бырӧй татысь.

Коми садным эз на быр,
Эз ло ньӧти ковтӧм.
Ентӧ вежны абу дыр,
Видлы вежны ловтӧ.

Ме ог пычки гуся лёк,
Кос кабырӧн мыччась.
Да вот ӧнӧдз кыскӧ шог
Сійӧ вежа кыдзсыс.

Гашкӧ, пуктыны и эм
Емдін сиктас выльысь?
Мед и водзӧ уна нэм
Сьӧлӧм сетас збыльысь!

Памаӧй, бур мортӧй

Коми мусӧ кутысьӧй,
Памаӧй, бур мортӧй!
Миян рыття востымӧй,
Ася кыа бордӧй!

Тайӧ тэнад лэбалӧ
Инасьлытӧм лолыд,
Мед ог дугдӧй перйыны
Аслынымлы долыд.

Эн тэ лэдзлы йӧгралы
Паськӧдчыны тані.
Уна во тэ сулалін
Мӧскуалы паныд.

Веніс тэнӧ Сэпӧйд*
Водзас зібйив Спасӧн,
Кор тай сувтіс Емдінад
Тыра пыжа дасӧн.

Вайӧм няньсӧ сеталис
Ыштӧ аслас шаньсыс.
Эськӧ таӧдз Комисӧ
Йӧрмӧдлісны няньсыс.

Дона кыйдӧс куяснад
Он ӧд вежлась вӧрад.
Орис туйыд Ветӧад**
Югдін*** усьӧм бӧрад.

Сы вӧсна и комиыд
Сэпӧ дорыд сувтіс.
Тэнӧ, Ъдждыд Айкаӧс,
Сукляліс да увтіс.

Но эз быдӧн сибӧдны
Йӧзысь вайӧм ентӧ.
Лун эз кольлы водзасьтӧг,
Вир кысьтана вентӧг.

* С э п ӧ — тадзи нимтылісны Перымса Степанӧс.

** В е т ӧ й — Вятка.

*** Ю г д и н — Устюг.

Но эз быдён сетчыны
Сэпöйдлы бурөн.
Кодкö-й водзвыв гуаліс
Асьсö ловъя юрөн.

Кодлөнкö и колис на
Ыръян коми руыс.

Сы вöсна и сулалö
Öнөдз Коми муыс.

Сійөн тэнö-й сьылöдам,
Памаой, бур мортöй!
Миян рытъя востымöй,
Асья кыа бордöй!

Кевмöм

Мылышты, Мезöсöй, мылышты*,
Эн на став комисö ёр!
Важ повтöм руным на кылыштö,
Ас вöсна сулалам кор.

Мед кодкö увгö да камöдö,
Пöдтыны миянöс дась.
Эг на öд вунöдöй Паматö,
Эг на öд бырöй ми тась.

Лысьтам на ыджыда лолыштны,
Ковмас кö, шамыртны ки.
Ас муын ас гажөн олыштны
Югьдöс видзам на би.

Сöмын тай лов-вирыд чусавлö
Сыыс, мый урöсыд эм.
Комиыс комисö вузавлö,
Суклялö тані и сэн.

Сетчам кö, Омöлыс нылыштас,
Ланьтам кö — лоö нин сёр.
Мылышты, Мезöсöй, мылышты,
Эн на став комисö ёр!

Сöмын гöра-кöдза помсьыд

1

Сöмын гöра-кöдза помсьыд
Коми му вылад он пöt.
Öдйö усян аслад донсьыд,
Он кö мукöд уджсö тöд.

Катліс пыжөн юлөн йылас,
Тöвся лымйөн кыскис норт,
Вöрысь-ваысь содтöд вылас
Нэмсö босьтліс коми морт.

Сідзи олöмсö и кутіс,
Йöзö корысьөн эз пет.
Медся ыджыд влі шудыс —
Мед оз кодкö улö шед.

2

Аслас шодйөн олөм-вылөм
Колис бөрö, ис ни ру.

* Мезöсöй, мылышты — Ен дінö важся коми ногөн корана шыöдчöм.

Ворыс-ваыс эз ло сылӧн,
Эз ло сылӧн видз ни му.

Да и, помӧдз шуны кӧ нин,
Коми муыс эз ло ас.
Веськыд синмӧн ветліс кӧні,
Ӧні аслыс сылы тас.

Сылысь некод нин оз юав,
Мыйкӧ босьтны позьӧ оз.
Кодкӧ сыркӧдӧмӧн нуӧ,
Кодкӧ йирӧ, кызди воз.

3

Некор на эз усьлы тадзи
Ловья вывсьыс коми морт,
Бытьтӧ абу нин и ачыс
Му вылас, а сылӧн орт.

Кысь нӧ оландырыд югдас,
Долыдлуныд локтас кысь,
Он кӧ асьтӧ пыдди пукты,
Некыз дорйыны он лысьт?

Аслас йӧрӧ бытьтӧ йӧрмис,
Оз-ӧ мездысь кодкӧ лок?
Ме нин коми вылас скӧрми,
Да вот на вӧсна и шог.

* * *

Юкны позьтӧм пӧ Россия,
Ставнас ӧтувья — и пом!
И мед эн вӧв лэптӧм киа,
Эн лысьт паськӧдлыны вом.

Бытьтӧ огӧ чужан муын
Олӧй, кодӧ абу роч.
Бытьтӧ ланьтӧм пемыд руын,
Оз нин волы асыводз.

Кокни шунытӧ, мый сӧмын
Ӧтилаын усьӧ шуд.
Гӧгӧр йӧралӧмнад ӧні
Уна войтыртӧ он кут.

Этша босьтан выннад-лыднад,
Он кӧ вужнас йӧзтӧ берт.
Ӧти пӧртсьыд ӧти шыднад
Век Россиятӧ он верд.

Мед эз юксынысӧ ковсьы,
Колӧ сэтшӧм оланног!
И мед ӧтилаас овсис,
А эз мырдӧн — дой да шог.

Коз да пожӧм, сус да ниа
Судзӧдӧны енӧж шӧр.
Мед и сулалӧ Россия,
Кызди пӧртӧм сора вӧр.

Бурджык эськө вөлі, рочөн кө ме чужи,
 Кытөн гажой олі, ышнясьнытө кужи.
 А ме коми сиктысь коми анылөн пиыс
 И мен коми кывйыс гажаджык на биысь.
 Көдзыдыс-ө лыйсьө, вежөдыс-ө петө,
 Сөмын татөн овсьө, татөн лолөй шедө.
 Мед и овлө курыд, мед и овлө шуштөм,
 Абу на өд төрмөм, абу на өд вужтөм.
 Вунөдны кө асьтө, коді пө и лоан,
 Улө жө өд пуксян, матө жө өд воан.
 Медся кокни пөрны мукөдыс моз рочө,
 Уна дойысь мынан и он төдлы водзө.
 Да и важыс вылө синмыд оз нин воссыв.
 А ме коми руа и ог таысь соссы.

Эм-ө коми войтырыс?

Кусіс коркө voidөр-ө,
 Оні ловнас дудіс?
 Эм-ө коми войтырыс,
 Ыдъясьны нин куті.

Мый нө сөмын шусьөмыд
 Көнкө коми йөзнад?!
 Олам, быттө, гусьоник,
 Мед оз кодкө дөзмы.

Мывкыдлунным руа нин,
 Ланьтөмаось, жуйось.
 Олам чужан муаным
 Быттө меда туйө.

Лысьтам сөмын, ыштам кө,
 Чукөраөн гыны.
 Сыысь шогыс, ыштөкө
 Чегис сюрса лыным.

Век оз ыргы вой төлыд,
 Коркө-й волө тулыс.
 Эм кө коми войтырыс,
 Мый оз ассыс шулы?

* * *

Лыбө, вешйө сайөд пусыс
 Асья шондыслөн бан.
 Гажой бырө Коми мусыс,
 Мед и ола-выла тан.

Сійөн войколөн и ветла
 Кыськө чери кыйигмоз.
 Мыйкө шедлас кө, и шедлас,
 Оз кө нинөм, мед и оз.

Меным ветлөмыс и колө,
 Меным вөр-ваыс и горт.
 Бипур дорын шойчча лолөн,
 Бара мыйкө дыра морт.

Регыд пөрысьыд тай быран,
 Коркө синтө он и вост.
 Коми муас мед и пыра,
 Майбыр, гажтөм оз нин босыт.

Борис ШАХОВ



Овлісны-вывлісны

РОМАНЛӨН МӨД ЮКӨН

Лөг

"Если ты принесешь дар твой к жертвеннику и там вспомнишь, что брат твой имеет что-нибудь против тебя, оставь там дар твой пред жертвенником, и пойди прежде примирись с братом твоим, и тогда приди и принеси дар твой".

(Евангелие. От Матфея, Глава 5, стих 23, 24).

1.

Өльöш Ёгор Өгашгыас Пелысьельö ёнакодь сёрмисны. Но ыджыд мамысьяслөн ен ув пельöсладор öшиняс чувалыштис на шырби кодь югөр. Сідзкө, абу на удитöмаöсь водавны, оз ковмы унсьыс пальöдны. Керка дінö воысьяс сувтöдісны вöвъяснысö, чеччисны додьясьсыс.

— Лэдзасям, Анна. Оз на тай, тыдалö, узьны, — ыджыдджыкалысь пыдди тшöктис Өгаш Микол Митрей Анналы да ачыс шур-шар кутис лэдзавны пöрысьмöm нин, но век на шань Лысансö.

Гольснитис-воссис, кылö, кильчö öдзöсыс, и кодкö петис кильчö вылас.

— Кодгыас нö туй йöзыс? — кыліс кильчö вывсьяныс ыджыд мамыслөн гөлöсыс.

— Тайö ме, ыджыд мамö, Өгаш, Микол Митрей Аннакöд...

— Но, слава те, Господи, — ыджыд мам гөлöсын кыліс радлöm. — Со кодгыасöс Енмыс ыстöма. Слава те, Господи, слава те, Господи... Өгаш, вöлъяснытö гидняс йөртöй, а сийöс-көлуйтö посводзö пыртлöй. А ме час, сідзкө, ужнайтыштныд лöсьöдышта.

"Слава те, Господи" лөвтігтырйи, кылö, и бөр пырис ыджыд мамыс. Өгаш да Митрей Анна вöвъяснысö пыртисны гидняс, Өгаш кималаснас корсис лясни дорас вöвсö домыштанін, тапкөдыштис кинас лясниас, эм абу туруныс. Абу. Вот и бур, мед вöвъяс сідз на ыркалыштасны, бöрын петаваласны найöс юктавны да турунавны.

Пырисны керкаас. Сартаса биыс югзöдіс сöмын ен ув пельöссö да пызан вывсö. Ыджыд мамыс Наста чожиньыскöд ноксисны пачводзас сиська пу пöнар югөр улын. Көтшасас, полать улас öдва сьöдалісны морт мыгөргыас. Кыкөн ли, мый ли, кодгыаскö крöватяс пукалісны. Өгаш гортас моз джодж вомöныс прöйдитис полатьланьыс да

кутіс пөрчысыны. Друг өти мыгөрыс кватитіс сійөс пась пөлаөдыс да кутіс кыскыны асланыс. Өгашлөн сьөлөмыс эз жө тай чеччышт вомөдыс-а, сэтшөма повзис: коді нө тайө кватьласьө, роч шпана али мый?

— Ой, лэдз, сё лешак, мый тэд колө?! — видзчысьтөмысла лёк горшөн горөдіс Өгаш, кияссө лэптис дорйысыны.

А сьөд мыгөрыс эз лэдз Өгашөс, ачыс чеччис крөватьсьыс да петіс пөлать увсьыс. Сартаса би югөрыс югзьөдіс кватьласьысьылысь сьөд ускөн-тошкөн тырөм чужөмсө, дзугсьөм сьөд пратьяса юрсисө. Сөмын сьөд син гуранъясас пыдө дзевсьөм еджыд син бугыльясыс тыдалісны. Ыджыд мамыс пачводзас гора бөрддзис, кутіс лыддьөддыны:

— Сё господьой да-ий Енмөй, мый войнаыд вөчө мортыдкөд. Рөднөй воксө вед эз төд.

— Өгаш, эн мөй төд? Тайө жө ме, Косьта, — сетіс гөлөссө ускөн-тошкөн тырөм чужөма повзьөдысь.

Өгаш повтөг да сюсджыка нин видзөдліс Косьтаөн шусьысь вылө. А өд и збыльысь мыйкө выим Косьталөн. Сьөд синкымъясыс сьлөн. Синъясыс и, сөмын вывті нин пыдөдз найө вөйөмаөсь. И гөлөсыс быттьө Косьталөн жө, сөмын сибдалыштө. И бара Өгашлөн сьөлөмыс өддзис нөйтчыны морөс кудъяс, нюкыртіс морөспань увсө, некымын воөн чөжсьөм шогыс да здукөн чужөм радлуныс гөрддзасисны өти гөрөдө, дойөн зэвлісны Өгашлысь морөс пытшкөссө да разьисны-резыйштчисны кыз сьөд синваөн. Өгаш пөрччис пасьсө да джоджас и уськөдіс, сьывыштис воксө голя гөгөрыс, топөдчис морөс бердас да пельпом вылас юрсө уськөдөмөн ырзөмөн бөрддзис.

— Дона воканөй тэ менам... миян югыд ко-одзу-улөй... господьой да и Е-эн-мөй да... бөр на тай ловзьөдін тэ ми-иянлы... миянылысь дай сьөлөмшө-өрны-мөөс!.. Аддзин-кылін миянылысь шога-а-лөом-ны-мөс!.. — лыддьөдлөмөн кутіс ырзыны бөрдны Өгаш. — Куим во-о нін вед ми шо-огаал-лам... ва-жөн ча-ай-тім у-усьө-өмөн... уль му у-лын ку-йлысьөн!..

Косьта морөс бердас топөдөмөн пуксьөдіс бөрдысь чойсө лабичас, ачыс пуксис орччөн да шыльөдіс чойыслысь пельпом вылас куйлысь юрсө, зілис лөньөдны сійөс.

— Эн бөрд, Өгаш, ме ловъя да.

— Кы-ыдзи-и нө-й верма-а ку-ут-чысь-ныс!.. Сё зө-лө-төй-өй!.. Тэ вед мө-даар ю-у-гыдсыс воин!.. Мед ми-ян-лысь шоог па-альөд-ныс!..

Нормөма сьөлөмныс и пачводзын ноксьысьяслөн: и ыджыд мамыс Өгашлөн, и Наста чожиныс шлюпкисны-бөрдісны жө. Митрей Анна пөрччысьтөг на пукаліс порог дор лабичас, сөмын шоньд вурун шальсө лэдзөма пельпом вылас, сайөдчытөг жө чышкаліс синъяссө чышгян помнас.

— Эн, мися, бөрд сэссия, Өгаш. Адас эськө веськаллі, да эг жө на дзик мөдар югыдас. Германечьяслы пленө сюрлім да. Куим во сутшйөдчысь сутугаясөн гартлөм джуджыд потшөс сайын видзисны, гырысь из перйөдісны.

— Коньөранөй! — Өгаш эз на вермы лөньөдчыныыс да воксө пельпомъясөдыс шыльөдігмоз сыркьяліс. — Кык во няйт окопьясын туплясин да лыйсин, да куим во йөз муын бытшйөдчан сутугаясөн гартлөм потшөс сайын видзөмаөсь да... Колө вед вөлі ставсө терпитны... А ми дзикөдз нин надея воштылім...

— Ме эськө сэсянь кык письмө гижлі да...

— Нинөм гортөдз эз воы. И Изъядорө локтысь, и Изьваө пырысь саддатыяслысь юасям, юасям, а некод тэ йылысь нинөм оз төд, абу кыллөма ни. Изъядорсьыд вед миян куимөн война вылад усисны: Ёгор Петыр Ваньө, Вась Өльөксан, Трөш Никөн. Юөрьяс волісны. А тэ йылысь нинөм — гижөм юөр, ни висьталөм. Сэссия надея тэ вылө бьрны жө кутіс... Слава те, Господи, слава те, Господи!.. — Өгаш кыпөдчыліс лабичысь да ен ув пельөсланьыс бергөдчөмөн юрбитіс, бөр пуксис вокыс бердө топөдчөмөн. — Кыдзкө сэссия мынөмныд жө?

— Германияса революционерьяс мездісны.

— Сідзкө, сэні эм жө бур йөзүс?

— Эмөс, дерт, абу на этша и. Найө войналы паныд чорыда су-
лалөны. Миян пленнөйяслөн лагерө налөн медыджыдыс, Роза Лю-
сенбур нимыс, некымынысь воліс. Ёртьясныскөд. Миянлы революция
йылысь висьталіс, социализм да коммунизм йылысь да. Зэл ин-
тереснө. Сійө выль олөм вөсна, коммунизм вөсна найө и тышкасьөны,
коммунистьяс. Сійө, Роза Люсенбурьс рочнад, кызди ми комион, кужө.
Найө и мездісны миянөс ставнымөс. А сөмын миян лагерын сюрсыс
унджык морт на вөлі. А комиысь ми куимөн тшөтш веськалім, да
коймөд төлысь вылө нін петіс, кызди гортө писькөдчам. Төрыт Мыл-
дінысь Пищик Петыр Иван ям коллыксысьяскөд гортас муніс, а ми
вот Гораягысь Йөра Петыр Ольөксанкөд вежон жө нін тан виччысым
изьядорсясөс. Да ті со веськалінныд...

— Шудыс тай Прокө Марпалөн да Вась Столяөн вөлөма на, —
гөлөссө сетіс Митрей Анна, чеччис лабичсыс да ен ув пельөсланьыс
бергөдчөмөн некымынысь пернапасасис.

Ёгор Көсьта выныштчөмөн видзөдіс юрбитысь нывбаба вылө.

— Тайө нө тай Митрей Анна, буракө, вөлөма да?

— Ме, Көсьта, ме — Митрей Анна. Эн жө төд?

Митрей Анна воськовтіс Көсьталань.

— Збыльысь, сразу тө эг и төд пемыднад.

— А, колөкө, он на и төд. Ми вед вежсим жө. Олөмыд тай кус-
нөдлө и чукрөдлө, — быттө Аннаөс дорйөмөзмоз шыөдчис Огаш. —
Анналы вед тайө воясас сьөкыдыс мыйдөтөм кө сюрис жө нін. Емельыс
куим во сайын война вылсьыд локтіс, висьөмөн, да таво на гашкө
сөмын и мортъяммис. А таво сэсся челядсьө кыкнансө Анналысь Ен
босьтіс... Ота-мөд бөрсьяс неыджыд костөн... Шогыс нө...

— Абу жө на эськө, быттө, дзик чукрасян кад да, бур олөмөн
кө, — Митрей Анна матыстчис Ёгор Көсьта дорө да пыдди пуктана
копыртчыліс сылы. — Марпайды, бать-мамиды да чой-вокыды
выльысь ловзьөмөн да гортланьыд воөмөн, Ёгорович. Кузь нэм да бур
шуд водзө вылө тэныд!

— Аттө, Анна, — Ёгор Көсьта лабичсыс кыпөдчылөмөн нюжөдліс
Анналы кисө видзаасыны.

Митрей Анна сэсся пырис пөлать улас крөватын пукалысь дорө.

— Пемыдас оз тыдал, а Гораягысь Петыр Ольөксан пө да матыст-
чыла жө видзаасыны.

— Ме эськө тэнө, Анна, пырөмыдкөд тшөтш төді да, — дзик кир-
гана гөлөсөн шыөдчис пемыдас пукалысь Ёгор Көсьталөн пленысь
локтан ёртгыс.

— Гортланьыд воөмөн жө, Ольөксан, да Ен мед водзө видзас тэнө!
Татчөдз, слабөг, воөмныд да гортын нін позьө шуны.

— Да ми мыйөн Коми му вылө тувччим да медводдза коми сиктөдз
воим, да комион кутім сёрнитны — гортын нін быттө и лоим. Гер-
манскөй пленад ёна мучитісны да смекайтчисны миян вылын да
миянысь шудаыс, быттө, сэсся некод эз ло. Сымда радлуныс миян
первойтө вөлі. Эз и веритсыс, мый чужан муөдз бөр воим вит во
бөрын.

— Столяыд ёна жө нін, коньөр, шогсис, тэ вошин да. Усьөмөн жө
чайтіс да. Век на виччысис. Ми эськө важөн жө нін эг аддзысьлөй
да. Челядыд тай сэки дзоньвидзаөсь на вөліны-а. А өні сэсся ог төд.
Прокятөй висьөмыс, испанкаөн* тай шуөны, миянөдз воис да ту-
лыссянныс Изьядор вөлөстьсыс йөзсө ытшкөмөн ытшкыны кутіс,
торья нін челядсьө да пөрысьясджыксө. Оти тулыс-гожөмөн да арөн
шойнаным, гашкө, кык пөл паськаліс да. Сэтчө жө-й көдзас-пук-
тасьяссө ставсө кынталіс да-й... Енмыс бергөдчис миянысь.

— Страк вед мый керсьө. Изьядорын комын өти морт нін, лыдды-

* И с п а н к а — грипп висьөмөдн нимыс 1918—19 вося эпидемия дырйи.

лім да, престауітчыс таво, — вынсьодіс Анналысь кывьяссө Огаш.

— Абу тайө сөмын тані. Стау Коми му пасьта пөшти татшөм немінучаыс, — ньөжйөн висьталіс Көсьта. — Кынталөма жө көдза-пуктасьяссө, да висьомыс сідз жө пө ёна чирсө йөзсө... Сэсся нө гортын кыдзи? — юаліс чойыслысь Көсьта. — Мамө?.. Батьө?.. Марпа?.. Панте?.. Дзюладжыкьясыс?..

— Миян слава Богу на эськө бытгө ставыс да... Стауныс дзюнь-видзаөсь өнөдз. А Марпаыд сія миян — зарни ань. Отнас сійө, Панте да, век шуисны, мый Көсьта ловъя, аддзыяс да локтас. Марпаыд тэнад война вылө мунөм бөрын төлысь мысти и локтіс миянө. Эз батысьясө мун, а миянө локтіс. Керкаыд сідзи и суалө, тэнө, көзяинөс, виччысьө. Ветлас Марпаыд, кытшолтас гөгөр керка-картатө, сипталас ставсө да бөр локтө. Тэнө миянкөд тшөтш виччысьө. Сійө вот надеясө эз на воштыл. А Панте... Одякөд эськө найө лөсьыда олөны да...

— А кызд ськөд и лөка олнысө. Рам сьолөма да, бур да... Оз жө нін бара миян Емельяс моз мөдөс өбөдит.

— Пантеыд миян эськө збыльсь сэтшөм и эм да. Йөзтө радейтө. А тэ, Анна, ассыд Емельтө эн жө вывті омөльт. Дерт на, висьөмнад война вылсьыд локтіс да, сьолөмыс, гашкө и, чорзыліс. Оні сэсся бурдөдчыс нін, буракө, да кокниджык лө. Пантеяс таво тулыснас Мишөсө кладбище вылө жө нуисны. Дзик өтка пи вөлі да. Зэл лөсьыда бытгө-й быдмис, сизим арөса нін вөлі. А висьөм босьтіс да вежонөн-джынійөнөн и нюкыртіс детинкатө. Испанкаыс жө, көнкө, пөдтіс, проклятөйыд. Сэсся водзө Одялөн некод на эз чужлы-а. Ёна и Панте да Одя шогсьөны.

— Да, мый вөчан, — жалитана ышловзис Көсьта. — Панте тай ачыс вөлі шулас: “Ен сетө, Ен и босьтө”. Сэсся нө война вылсьыд унаөн нін локталісны?

— Локталісны. Пантетө вед босьтлісны жө, да во джын мысти и бөр лэдзлісны. Синьясыс сьлөн, вөлөм, лысьынысө оз шогмыны.

— Сійө томдырсяныс на, сідзкө. Вөралігад сійө унаысь вөлі оз инмы, — казтыштіс Көсьта ичөтджык вокыслысь кыйсьөмсө.

— Да, сідз, буракө, вөлөма. Изъядорсьыд медводз, гашкө да, локтіс матрос Ондрей Миш Педьө. Кольөм тулыснас весиг гөтрассны удитіс. Кырьядінысь зэв мича да шань Ульяна нима том нылөс вайис. Оні вед миян ставыс гудыртчыс. Старөстаыд абу нін, а сөвет пө кутшөмкө бөриймабсь. Медыджыднас вөчөмабсь Ешим Опонь Митрейөс. Сійө пө кутшөмкө партійнойөн лома да. А ещө сійө жө гөжөмнас комбед кутшөмкө вөчліс. Да сійө комбедыс вед быд сиктысь, кодлөн няныс вөлыштіс, чукөртісны да Пиля Педотлысь өти амбарсө мырддылісны да сэтчө чукөртөм няньсө и игналісны. Неуна сеталыштісны, кодъяслөн дзик нинөм муяс вылас эз во, а кольөмсө пө көсийөны сеталны тулысланьыс, мед пө тшыгла оз кулалны. Миян Марпа тай ёна скөралө Миш Педьө вылө, Сергей вокыслысь няньсө кушөдз мырддьөмабсь да.

— Сэтшөм ыджыд немінуча суис йөзтө да... Гашкө, сідзи и колө да... Оз жө вед найө ас вөснаыс сөмын зільны, — кыв сетіс Митрей Анна.

— Позьө жө вед вөлі налысь, гашкө, водзөсөн корны. Ас йөзыд эз на эськө, көнкө, лэдзны тшыгла кулны.

— Код төдас. Ставыс гудыртчыс бөрья воас да. Мужикьяс гөрдьяс да еджыдьяс вылө юкисны. Гөрдьясыс пө гөльяс вөсна тышкасьөны, а еджыдьяс пө озырьяс дор.

— Господьөй-Енмөй... Господьөй-Енмөй, — Огаш тэрмасьтөг цернапасасис да пыдісянь ышловзис. — Ставсө тайө миянө война вылянь вайөны. Ольош Микол первой вөла туйнас локтіс да шуйга кийс көртөд йылын өшалө. Абу немечьяс, а асланыс, еджыдьяс пө, любай, дойдөмабсь. Господьөй-Енмөй, өта-мөднысө, любай, дойдалны да виалны кутөмабсь. Му вежөмыд нін, буракө, и заводитчөма. Ольош

Миколод, висьгалё, гёрд армияын служитёма. Бумага пё выим, мед виль властыс сійёс вердіс-юкталіс да бурдодіс. Шушуньс Емелёв Петыр пё доймём кока сэтшём жё бумагаа и.

— Абу сійё му вежём, Ёгаш, а революция. Сідзкё, и миянын олём-сё вельмёдодымыс заводитчёма. Тадзи миянлы Роза Люсенбур и висьталліс, — витнан чуньнас Ёгор Косьта пыралліс тошкас да гыжь-лыштис.

— Кыдз нё абу му вежём, воканё? Сы мында во лыйёмён-кералёмён вир кистысны... Да ёні сэсся лыйтөг-кералтөг смертыс бара йёзсё бырөдө... Ме, дерт, ог төд, мый тиянлы шань Роза-Люсяд висьталліс, а...

— Абу, Ёгаш, Роза-Люся, — серөктіс Косьта. — Нимыс эськё Роза, а овыс сёлён Люсенбур. Сійё зэв ыджыд морт, революционер. Россияын Ленин, а Германияын сійё. Нёшта Карл да Липнет. Карла-Липнета. Найё кыкөн.

— Ме бара ог төд, воканё. Бур коть абу сійё Розаныд — тиянөс кё мездіс, дерт нін, сідзкё, бур. Но бабаясыд кё мужикьясыс ы-лөджык заводитёны пуксыны, өдвакё бур олём лоас. Миян вед, любай, Лизавета Павловнаыд виль властынад мужикьяскөд жё тшөтш ноксыны кутіс.

— Лизавета Павловна нё век на Изъядорын велөдө?

— Кык во нін эськё эз велөд да. Кольём во том мужичёй велөдыс воліс, а таво сэсся некод, буракё, эз лок. Школаыс туйыса. А Лизавета Павловна Изъядорын на. Эз ладмы налён Педот Васькөд олёмныс. Васьёс эськё война вылад эз босытлыны да. Лизавета Павловна дзола пыскөд пышыйліс Вась дорыс. Да Пиля Педотьяс, любай, писё мырддисны Лизавета Павловналыс, коньоройлыс... Опонь Митрей старөстаалігас на сійёс ас дорас гижысён босытліс, да ёні виль власть дорас сэні Митрейкөд, буракё, и камаңдуйтёны...

Пызан вылас ваявлём рыгтя нурьясянторйыс важён нин кушмис. Наста чожиньыс куимыс пешаас виль сартас крепитліс, а чоя-вока сёрнилён и помыс эз тыдав. Сөмын кор сартаса бисыс йирк улас гөвкьялыс тшыныс лэччис улөджык да кутіс синьяснысө сёйны, Ёгаш кватитчис:

— Ой, ыджыд мамөяслыс керкасё дзикөдз тшынодім, а быдторсё на колё висьталны. Вай водаламөй сэсся, аски миянлы колё водз чечыны. Нэмдінөдз ми лэччөдам грузнымөс да бөр кайитён и тшөтш мунам. Вичысьланнныд? Кадыд, небось, миян лоё. Став йывсыс висьтала. Ачыд висьталан, кыдзи пленад ті мучитчинныд и.

Кутісны водавны. Митрей Аннакөд пөлатяс кайём бөрын Ёгаш бара на кватитчис:

— А Петыр чождё да Ёньё нё көнөсь?

— Найё ая-пиа выльыс вөрө петтөдз коллысыны жё куим вөлөн Чердінөдз мунісны. Попов купечлы груз нуны да вайны. Сійё көсйысис нянь-сакарён вештысыны. Асьныс на арся прөмыс джынсө босытисны дай. Сэні вузаласны нянь вылө. Сэні пё абу кынталёма да няньыд уна. Кыдзи кё вед колё тайё сьёкыд кадсө мөд арөдз бергөдчыны.

— Ми вед Попов купечлыс жё грузсө нуам. Няньён жё көсйысис вештысыны. Ок-ок-ок, тайё сьёкыд олөмыс... Кыдзкө да мыйкө вед... Водөй жё, Косьтаяс. Куим лун мысти, көнкө, ми бөр локтам. Сэсся бара сэки пөттөдз сёрнитам. Ставсө висьтала. Коді куліс, коді чужис, коді гөтрасис... Быдторсө. Узьёй сэсся.

Ыджыд мамыс өбразяс водзын молитва шөпкөдігтырйи юрбитём бөрын кайис паччөрас да востіс юшкасө.

— Мед тшынсө кыскас, — негора, аслыс, буракё, висьталіс сійё да паччөрас и водіс.

Наста чожиньыс молитва шөпкөдыштём бөрын, кылө, дзужнитіс сартаса бисө пеша ворө, ва пиас да кайис гөбөч вылас.

Рытывбыд сартаса билон трачкочом да йозлон коть и термасьтог, но гора варгом борын керкаас сувтис пемыд чов-лонь.

2.

Огаш косяисис вокыслы ставсо, мый лоис Изъядорын тайо воясас, бор туяс висьтавны.

О-о-ой! Нель во чардон-бион, гымон-горон да тшынон-бусон Изъядорсянь ылі муясын кыссис война, а шуштөм йолгоаыс сылон локтис и съод вор шоро вошом сиктясодз орөм да чегьясьлом ки-кокъяса, сисьмом тыяса салдатъяскөд, кыйсьысь-горысьястог кольом семьяясө сьокыд оломон. У-уна борган съод парма ельясьы да ичот визув вор юясысь чукортөм ва кылөдис та кості Изьва ю. Коді муртавліс тайо воясас пыком шогыслысь ыдждасө, кыштөм синвалысь лыдсө, сьокыдуныслысь сьоктасө! Ставсө мой висьталан!..

Шуоны тай, йозыс по шуда ставыс откодя, а шудтөм быдон ас ногыс. Война шогыс вөлі отувья. А Елизавета Павловна выло усис аслас шог. Абу вөлома Педот Васькөд сылон шудыс. Мый Вась сідз эз и мусмы, позьо на вөлі терпитны, но отувья олөмыс налон эз артмы.

Регыд тыдовтчис, мый Лиза инькаыскөд ота-мөднысө оз гөгорвоны. Сэсянь и заводитчис. Да, Педот Васьыд вөлома мам пи, а абу Лизаөс дорысь.

Лиза да Вась узылісны торья жырйын, шөрас, отувья олан жыр да лавка костас. Сэтчө позьо вөлі пырны и кузь да паськыд посводсяньыс, колө кө, и отувья олан жырсяньыс, Лизаяс пыр. И лавкаө пыран-петан өдзөс вөлі. Лиза асланыс жырйын кызвын кадсө колляліс: локтан велөдан лун кежлас дасьтысис, кысис, вышивайтчис. Төлысь мысти Васьыс сылы ыджыд козин вөчис: дзик выль "Зингер" вурсян машина ньөбис, да сийө окотапырысь вурсис. Машиналон тэрыба да небыда шаргомыс лөньөдіс Лизалысь сьолөмсө. Гежөдика Васькөд ветлісны отеч Апанасейясө, корсюрө Епим Опонь Митрейясө вок чукорыскөд Усть-Сысоьлыкыс Лизалы ыстөм небыд коркаа нига лыддыштавны чукортчылісны. Чотіктылас-пыравлас Митрей школаас, Лиза дорө да вежавидзана видзаасьом борын юртас:

— Павловна, небыд коркаяс нигатө, журналон тай шуан, бара вайи.

Но сьорсьыс татчө, школаө абу вайөма, сөмын Кыръядінысь вайөм йылысь юөртө: пыраллы по, лыддышт мянлы интереснойджыкторьяссө. Артмис сідз, мый Елизавета Павловналы Изъядорын Епим Опонь Митрей вок чукор Гриша дядьыс да Марья ичинысь борын медматыса йөзон лоисны.

Мөдөд во Елизавета Павловна том ичмоняліс зумыд подула да топыд вевта, озыр, эмбурон тыр, уна вежөса керкаын. Нинөмысь майшасьны — ставыс эм. Сідз и ошйысис бать-мамыслы, гортас ветліс да. Коть эськө и аслас жалөванньөыс на тырмис, сідз нин кө, и сөян-юан и паськом выло, и мукөд эмбур лөсьөдны. Ковмас кө — и аслыс оланін кыпөдны. Но некодлы эз висьтав, ни эз петкөдлы, мый эз вөв сылон пытшкөсса радлөмыс, выль олөмнас нимкодясьөмыс. Педот Вась эз мусмы. Лизаөс эз отдортны ни кедзөвтны, но сийө гөгорвоис — эз ло тайо, озыр эмбурон тыр керкаас том көзьяйкаон. Айкаыс эськө пыр вежавидзана ськөд сөрнитіс, но энькаыс!.. Сьолөмнас кыліс, да и синъяснас аддзис энькаыслысь таркьялөмон ветлөдлөмсө. Торья нин бөрья кадас. Пыр гежөдджыка и гежөдджыка кутіс шыасьлыны монь дорас. И отчид, ыджыд видзө пырөм борын, ужнайтіганыс сэсся воссис да бузгис пызан сайын пукалысьяс юр выло асьыс лытшкөсас чукөрмом дөзмөсө.

— Ме тэныд, Лизавета свет Павловна, мяян том ичмонюшка, мыйкө көсья шуыштны. Тэ мөдөд во нін сэсся мяянкөд да аддзан, кыдзи ми олам-мырсям. Мяян дорө велалыштін и. Сэсся колө нін тэныд тшөтш босьтчыны да отувья уджсө бергөдны отсалыштны ми-

яны, — видзчысьмён шуыштіс Васьлөн мамыс. — Кыкөн кө ми, знькаа-моня кутам ставсё вочны, меным кык кокни лоё. Да и Васьёс мездыштам кутшомсюрё баба удж вочёмыс.

Лиза чошкёдчис: татшём сёрниыс эз на кыптывлы налён.

— Енмогысьён, мый ме верма, сійё и отсала.

— Мый нё он вермы, дзоньвидза том ичмонь! Ставсё горт гөгөрса баба уджсё верман. Пусыны-пёжасьны, чышкыны-мыськыны и, скётина, дёзьбритны и... Ме ёні ётнам юрпёла изки моз бергала. Ныр вылё усытёдз. Тянёс вед колё вердны-юкталны, дай вит мёс-кукань картаын баксёны да дас кык ыж-бая на гидйын няргёны дай. Налы ставныслы колё сёян-юан кыскалны.

— Ме вед, знька, ог жё кияс кресталёмён ёшинь водзын пукав.

— Эг на тай ньётчыд нянь зырёй ли пёдёнча вугйё ли кутчысьлыны кёсийём казяллы-а. Шуи нін тай, мися, кыкөн кө эськё ми ставсё вочим, майбыр на эськё вёлі.

Лизалён ёти здукён быттё кынёмыс дзикёдз пётіс — панясьныыс эз ло окота. Сійё видзёдліс Вась вылё, но верёсыс быттё знька-моня кост сёрнисё эз и кыв, азыма нятшкис-тяпкёдчис. А сылён мамыс со Лизаёс корё помёй ведра да пёдёнча вугйё кутчысьны. А Лиза, буракё, кыкысь сёмын и кутчысьліс пёдёнча вугьяс, мамыс тшёктыліс да. Сійё гортас Визюкнысё лысьтыны мамыскёд петаліс. Пуксис дзоляник скамья вылё, пёдёнчасё сувтёдіс Визюк кок улас да вёра нёньяссё душ-мёдысь кыскыштіс, а Визюк тай кы-ыдзи брунгас кокнас пёдёнчаас — пёдёнчаыс гиль-голь лэбзис, а Лиза муртса скамья вывсьыс эз усь.

— Тэ, шёк туг, эн нетшкы нёньяссё, а вёрасё небыдджыка шыльёд. Сэки и йёлсё сетас Визюкыд, — велёдіс Лизаёс мамыс.

Лиза выльысь сувтёдіс пёдёнчасё, шылькнитіс эськё быттё вёрасё Визюклысь нёнь йывъясёдыс, а сійё бара кокъяснас брунгис первой ётинас, сэсся и мёднас, и Лиза бёрддзис да чеччис скамья вывсьыс. Визюк бергёдліс юрсё, видзёдліс сійёс нёньясёдыс тракйысь вылё да кузя ымёстіс. Мамыс сэсся ачыс пуксис да лёсьёдіс пёдёнчасё, меліа такёдіс Визюксё.

— Талун Визюкыд оз на кёсийы тэныд йёвсё сетны, менё аддзё да. Мёдысь, — мамыс тэрмасьтёг кутіс чилсйёдыны йёвсё пёдёнчаас. Сэсся сідз Лизалён эз и лолы пёдёнчанас вёдитчёмыс — велёдчёмнад. И со знькаыс кёсийё сылы тувйыштны помёй ведра да пёдёнча вугьяс.

— Челядьёс велёдны, сідзкё, кыкөн жё кутам? — тёдлытёг мыйлакё дзик вежавидзтёг крапкис Елизавета Павловна.

Энькаыс Лизалён синьяссё паськёдліс, топыда нюмыртіс вом дорьяссё.

— Тэ тай... зэв вежавидзтём... жлеч вёлёмыд. Эг ёд ми тэно куш барунаявны босьтёй, — и Вась Пекла скёрысь чеччис пызан сайсьыс.

Васьыс Лизалён бара кыв ни джын эз шу. Лиза таркнитчёмён жё чеччис пызан сайсьыс да пырис асланыс жырйё.

Та бёрын регыд, ыджыд лун бёрын нин, но мёс-куканьяс луд вылё лэдзтёдз на, Вась Пекла и вайёдіс аслыс отсасьысьёс — чужан Керёс сиктсьыс томиник Иван Еленаёс. Елизавета Павловналы выль олысь кажитчис сакара ваён да выйён мавтём банйём шобді ковдум кодыён. Гёгрёсіник, небыдіник. Веж юрсиа да сэтшём жё синкымьяса, лежнёг дзоридз рёма баңдзибьяса. А вежавидзана да мелі и. Нюмьялыштёмён рама видзёдё Пекла вылё да быттё корё: "Колё кө мыйкё, тшёкты — пырысь-пыр шуркёда-шаркёда вёча". И збыльысь, водз асывсьянь сёр рытёдз тюръяліс керкатыс и керка гөгёрыс да збыльысь шуркёдіс-шаркёдіс став гортгөгёрса уджсё. Эз кө и мудзлы-а. Бур отсасьысьёс аддзёма Вась Пекла, дёвёль, кёнкё. Но эз бурмы сэсся знькаыс эсксянь, пызан сайын скёрысь сёрнитём бёрын. Вась Пеклалы Лиза быттё шондіа лунё вуджёр лои: позьё сійёс пыдди не пуктыны, а кымёра лунё и вёвсе оз казяв. Быттё

збыльсь оз тыдав керкаын ни ывлаын Лиза. Кызкө тай Лиза терпитіс ставсө: и сійөс кедзовтысь энъкасө, и мусмытөм верөссө. Виччысис... А мый виччысис, ачыс эз төд. Сөмын майшасьөмыс сьөлөмсьыс оз бырлы. Дерт кутшөмкө вежсьөм виччысис, тадз оз жө вермы нэмсө колявны. Төвнас, велөдчан во заводитөмсян кокниджык вөлі: челядыскөд сьөлөм вылас кокняммывліс, и аския урокъяс кежлө дась-тысигөн, мед сійөс бурджыка нуөдны, кадыс өдйөджык колис. И аслыс позьө вөлі и энъкасө, и Васьсө, и тюрялысь Еленасө не казавны. Эз и чайтлы, а Лизалысь сьөлөмсө бурөдысьнас айкаыс лоис: век, кор здук сюрліс, сёрнитіс ськөд небыда, вежавидзана.

Сьөкыдджык вөвлі Лизалы тулыс-гожөмъяснас. Град выв пуктас дөзьөритан уджө эськө Лиза кутчысис нин, и видз вылө кос турун куртны-чөвтны тшөтш ставныскөд ветлөдліс. А ытшкыны Пиля Педот мужичөйясөс медавліс. И чарлаөн нянь вундыны велаліс. Весиг чаптөн вартны. Зэв на ещө сылы и кажитчис: "Чуп-чоп-чап... чуп-чоп-чап..." Тадзи жө өткодя лунысь-лун и сьлөн олөмыс чупчопчаліс. Но косьөм кольтаясыс эштөны да и чапьясыс дугдөны лэбавны, и лөнө гумла вылын. И сьлөн, Лизалөн, коркө помасяс жө татшөм олөмыс...

"Зингер" машина воропас кутчысьлөм бөрын Лиза мынтөдчыліс аслас гажтөм и мустөм олөм йылысь думъясысь. Мастер вурсьысьөн нин сійө кывсис, да эз сөмын изьядорсяс, но и мукөд сиктъяссьыс нин — горягсяс, керөссяс, шушунсяс — озырджыка олысьяс локтісны Лиза дорө неыдждыд тубрасьясөн. А мукөдыс локтасны, пыравласны Пиля Педот лавкаө, нёбасны мича сатин ли, ситеч ли, а овлө и —вөсни ной дөра, да керкасыс петавтөг и матыстчасны Елизавета Павловна дорө. Енмогысьөн корөны дөрөм-гач ли, юбка-ковта ли, лөсьыд мича платтьө ли вурны. И айкаыс вашьялө, и Лизалы юрас быдсяма думъяс пырөмысь мынтөдчан удж. Да и нажөткатор на дай. Көть жалөванньөсы сьлөн тырмис, эз вөв дась нянь сөйысьөн, но содтөд сьөмторйыд оз жө муссө зырт.

Олөм вежсьөмыс Лизалөн кызкө ачыс, төдлытөг лоис. Эз регыдөн, а лоис.

Буретш война заводитчан вося первойя төлысьясас и заводитчис сійө. Васьөс сійө страшной война вылас нуны заводитлісны жө. Война первойя төлысьяс Изьядорысь да сы гөгөрсас сикт-грездьясысь өттшөтш дас квайт гөгыра и гөгыртөм том мужичөйөс нуисны. Изьядорысь Ёгор Көсьтаөс, Прокө Оньөос, Епим Опонь Емельөс, Ондрей Миш Гордиөс, Ольөш Вась Петырөс, Ольөш Тима Ваньөс. Накөд тшөтш и Лизалысь Васьсө. Война вылө мунысьяс и найөс кольөдысьяс Кыръядінө петісны верзьөмөн. Сьөд синваөн ырзөм-бөрдөм сөмын и кыліс сійө лунас. Став Изьядорыс сыркьяліс. Та мында йөзыс Изьядорын весиг ыдждыд лунө эз чукөрмывлыны. Ыдждыд лунъясад уна жө волывлөны мукөд сиктъяссьыд. Но сэки кыпыд руа йөз Изьядор кузя шывьявлөны, гажа йөз. А сійө война вылө первойя кольөдчан лунө Изьядор весьтын гөвкьяліс да личкис став йөзсө сир курыд шөг. Вась морөс бердө топөдчөмөн Лиза бөрдіс, эз вермы кутчысьнысө.

Васьөс Кыръядінөдз кольөдіс батыс, мед вөвсө сылысь бөр гортас вайөдны. Но вежон мысти найө бөр кыкөн локтісны. Докторъяс Васьлысь гырк пытшкөссьыс кутшөмкө висьөм аддзөмаөсь да бөр гортас бергөдөмаөсь. Вокуйтнысө пө сійө оз шөгмы. Тадзи тай батыс висьгаліс-а. А сиктын сёрнитісны: "Пиля Педотлөн кыз зепыс Педот Васьөс мездөма". Йөзыд вед мыйсө оз вермыны шуны да, сөмын кывзы найөс.

Төлысь кык кымын мысти Лиза и гөгөрвоис, мый олөм вежсьөмсө майшасяна виччысьөмыс, буракө, збыльмө: казаяліс төлыссяыслысь торксьөмсө. Да сэсся частө кутіс сійөс вукөдны дай... Сідзкө, Лиза сьөктіс... Бур тайө, али лөк — Лиза эз на төд, но вежөрнас гөгөрвоис: верөс саяд вед сэсся коркө-некоркө кагаыд, дерт, чужас. А сійө лөб

мамён да кутас быдтыны ассыс пи ли, ныв ли! Лоо сылён ра-
дейтана, төждысянтор, и оломыс лоас дзык мөд!

Висьталіс Васыслы да сылы быттьо нимкодъ жö лои, весиг му-
көддырсы дорысь меліаджык топөдліс Лизаөс да оқыштіс, а аскинас
мамыслы и батыслы висьталіс. Энькаыс торъя радлом эз петкөдды,
а вежсыны Лиза дорө төдчымөн вежсис: Лиза керкаас вуджөрысь,
буракө, бөр мортө пөрис. Энькаыс казавны и аддзыны нин кутіс
Лизаөс, эз пырыс видзөд. И сөйигьясө зіліс Лизалань чөскыдджык-
торьяссө матөджык вештыштны. Весиг завтрак-пажын-ужын костьясө
кутіс Лизалы вөзйыны чөскыдджыкторьяссө: коркө рыся йөв, коркө
пөжөма нөк, коркө нөкъя рысь да нөшта и сакаралыштөмөн на.

— Сөй, Лиза, эн виччысь миянөс. Тэ вед өні кыкөнөс вердан, —
рама тшөктіс энькаыс.

— А менө мыйлакө помся шома да сола сөянө кыскө, — висьгасис
Лиза.

— Сідз, сідз бабаястө нөбасигад. Ме тай Васьөс новлөдлігөн луд
вылысь шомкор вөлі нетшкыла да луд вылас и ватшка восөдтөдз. Сэ-
тшөма вөлі колө. Любай, пач пельөсысь сөйсө вөлі чуктөдла да
някляла. Час ме тэныд шома йөл вөча да шома көчан, кольөм восяяс
на эмышт да. Гашкө, видлан?

— Ой, колө! — радліс Лиза.

— Сэсся шома азя шыд лөсьөда. Нөкъялыштөмөн сійө зэл чөскыд.
И шома жө лоө и. Мый вылө ыштысьө тэнад быдтасыд, сійөс и лө-
сьөдам. Сөмын тэ висьтал меным.

А Лиза эз и чайтлы, мый Вась Пекла вермас лоны татшөм бур-
рөн да меліөн. Но Лизалы кажитчис, мый медьёна нимкодясис юб-
рысла айкаыс. Сійө лунас пажнайтігөн и шуис сы йылысь ассыс
кывсө:

— Сідзкө, өні сэсся тэныд, Лиза, колө ёна видзчысьөмөн олны. Эн
майшась, сьөкыдторьяс эн кватылал. Кор и мый тэд колө — асьным
вөчам.

— Сьөкыдторьяс лэпталны, дерт, оз кол, Ен мед видзас. Но дзык
жуйвидзөмөн виччысьны оз жө бара позь. Челядясигас сьөкыд
лоө, — пырөдчыліс сөрніө Пекла.

— Ме өд өг жуйвидзны тшөкты.

— Водзө кө Лиза кутас ассыныс жырсө идралны, чышкыны-
мысыкыны — сэтшөм буретш ноксьөм-песласьөмыс и кага вайнысө
кокнөдас. А мукөд уджсө ми Еленакөд асьным нин бергөдам. Онөдз
тай Ен отсаліс на-а, — эз вермы кутчысьнысө Вась Пекла да кру-
кыштіскодъ жө, быттьо, моньсө.

А гашкө и көсйытөг, төдлытөг сылөн тайө артмис, и Лиза эз, быт-
тьо, казав. Шуис тай айкаыс: эн майшась. Сідз и кутас Лиза овны.

Бокисянь видзөднысө оломыс Елизавета Павловналөн ньөти эз веж-
сы. Быд лун, вежалунысь да праздникясысь өтдор, петавліс школаө
да велөдіс челядьөс лыддысьны, гижны, артасыны. Гортас вурсис,
кысис, ассыныс Васькөд узылан жырсө чышкис-мысыкис да гажөдіс.
Видзө пырөм бөрын, кор ёнакодъ нин кутіс төдчыны рушкуыс, Ели-
завета Павловна аслыс урокьяс вылө ветлыны вурис: вөсни пемыдлөз
нойысь юбка, мича ситечысь да югыдлөз шөвк дөраысь веськыд,
костуйтөм ковтаяс, а гортас новлыны — паськыд коска кык платтьө.
Ыдждысь рушкуыс Елизавета Павловналысь эз ёна веж туша-модасө.
Сөмын быттьо бура, судзсьөмөн оломсыс справитчыштіс, чужөмыс
гөгрөсмыштіс и.

Лизалөн сьөлөм улас быдмысь-сөвмысь дитяыс важөн нин вөрө-
шитчис, тойлысьыштіс ки-кокеньяснас. Буракө, вөрзьөдчис петны лө-
сьыд да шоныд, но пемыдінсыс шонді югыдас гөжөм шөрас, турун
пуктыны петавтөдз на.

Өти рытө Лиза друг кутчысис кыкнан кинас кынөмас да кузя, да
гора ойөстіс. Пиля Педот керкаын ставныс шызысны. Энькаыс Еле-
наөс ыстіс Павла Наста бабөс корны, Пиля Педот котөрөн петіс

пывсянсö ломтыны, а Васьсö тшöктіс пывсянас ва катлыштны. Ачыс Пекла кольчис неыджыд костьясөн горзись монь дорас.

Котөрөн локтіс кашкысь Павла Наста да сувтыштытöг тювкнитіс пыді вежöсас, көні, кылö, горзіс рöдильничаыс.

Енмыс ачыс тöдö, мыйла выль мортсö вöльной свет вылас петкöдгөн татшöм дойыс колö. Сідзи тай шуöма да сідзи быд пöрйö сюрс, миллион рöдильнича-мамъяслы колö ыджыд дой пыр мунны, мед водзö Му вылын ыпъяліс олöмыслөн биыс. Кык часысь көнкö дырджык нин Елизавета Павловна мездысис дойсысь горзöмөн, шызёдіс Пиля Педот керка гөгөр сулалысь чöv-лөнсьö. Пывсяныс нин и ваыс ыджыд пöртъяс шоналіс, а Пиля Педотлысь да Васьлысь сьöлөмсö кырлалан горзöмыс эз на помасьлы.

Вась Пекла тэрмасьöмөн петалис пывсянас, вылыс джоджас вольсалис сөстөм рузумъяс, мөдар стен боксыс матыстіс ляпкыдіник паськыд лабич, рузумъясөн жö вевтис да паськыд таз тыр дэбыд ва лöсьöдіс. Сэсса Павла Настакöд Лизаöс киняулöдыс кутöмөн ву-джöдісны шоныд пывсянас.

Сё майбыр, пывсяныс Пиля Педотлөн вöлі, эз мукöдъяслөн кодь из горъя, кыз саён вевттысьсöм стенъяса сьöд пывсян, а трубаа пача, лөсийöм стенъяса, и вылыс и улыс джоджъясыс, и стенбокса лабичьясыс мичаа стружитöм кыз пöвьясысь. Пиля Педот öтар-мөдар стен бокьясас кык десятилинейной абажура карасин лампа йиркас тувъялөм көрт тув йылö öшöдіс да пывсяныс, майбыр, быттö гажа горнича лои. Югыд, шоныд, сөстөм. Абу на быдöнлөн и олан керкаыс татшöм. Господи, татшöм сөстөм да гажайнын кө выль ловъя лов чужас, дерт жö нин Му вылын сөстөм лола да шуда олысь лоö!

Сöмын вой шөр бöрын Лизалөн горзöмыс друг лөнис, и чöv-лөнсьö торкис лэчыд кага гөлöс: "Ава-аа! Ава-аа!" Гораа, сетчытöма юөртис вöльной светö, шондї югыдö аслас петöм йылысь ичөтик на, но морт.

Ая-пия важөн мудзисны виччысьнысö да буретш орччөн пукалісны медулыс кильчö пос вылас. Кылісны пузчужöм кагалысь лэчыд гөлөсөн авзöмсö, да Пиля Педот ньöжйөникөн чеччис пос вывсыс, асыввывлань бергöдчөмөн некымынысь пернапасасис.

— Слава те, Господи!.. — сийö чатөртліс юрсö асыввывсяныыс югдыштны заводитöм пемыддöз енэжас. — Тöрыгтя луныс колис век кежлö... Виль лун заводитчö, и виль морт чужис... Аттьöал, Вась, асыным Севышньöй Благодарнымöс... Мед асылыс, и луныс, и рытыс виль чужöм лоллөн олөмас шуда лоас.

Вась кыпöдчис жö пос вывсыс, куимысь пернапасасис.

Эз на ёна уна кадыс коль — пывсян көдждыс мыччысьліс Вась Пекла да корис:

— Вась, Педот, локтöй пыраллöй жö.

Пывсянас вöлі югыд — Пиля Педотлөн öшöдлөм десятилинейнаясыс югзёдісны быд пельöс. Пачсяныс оняліс шоныд. Пекла да Наста вöліны мыг кежсьыныс на, лезь юрсиясныс көтасьöмаось, бан бокьясöдныс, сьыліясöдныс визувтіс пöсь. Вöсни роч еджыд дöраөн шебрöдөм кельыд чужöма Елизавета Павловна куйліс вылыс джоджас. Синъяссö куньöма, киясыс вөрзёдытöг куйлісны еджыд шебрас вывтыс. Пырысьяслы воча бергöдліс юрсö, нюмдыштискодь да бөр кунис синъяссö. Павла Наста киас кутіс сөстөм рузум тубралөм ловъя ёкмьльсö: чужöмыс гөрд, синъясыс куньсаöсь, сöмын авзысь вомыс эз тупйысьлы.

— Пи тэныд, Вась, Лисавета Павловнаыд козьналіс. Сьökыд и дзонь-видза дитюкныд. На босьты киад.

Вась ёна видзчысьöмөн, полөмпырысь босьтіс сылы мыччөм рузум пиö тубыртөм авзысь ёкмьльсö, кутыштіс кыкнан ки вылас. Наста да Пекла кутісны юрбитны.

— Кузь нэм, бур шуд мед Енмыс сетас сылы, кузь нэм да бур шуд. Сет сэсса батьдыды, мед пöлыс тшöтш кутыштас ассьыс рөдсö водзö нуöдысьсö, — тшöктіс Павла Наста.

Вась мыгчис ловтя ёкмыльсö ки мышнас сингьяссö чышкалысь батыслы. Сійö босьтис да ки йылас жö кутыштис, сэсса и морöс бердас матыстлис, быттö топöдлыны кöсийс дона ёкмыльсö, сылысь рöд водзö нуöдысьöс, видзчысьöмөн бөр мыгчис коркö водзö ассысь пöльөн шуысьсö пöчыслы. Вась Пекла бөрдысь пузчужöм кагасö небыда топöдис морöс бердас да тшöктис ая-пиалы:

— Сэсса тi петöй татысь. Ми Настакöд тан эштöдчам. Елена мед самöвар пуктас. Лиза ёна муззис да гашкö мыйкö юыштас-сёйыштас.

Ая-пия бөр петисны пывсянысь.

— Вай жö, пиук, лавкаö пыралам. Ме восьта, а тэ пыраллы керкаас да кык стöкан вай. Сэтшöм ыджыд радлун мяян талун. Лизаыд тэно батыөн, а менö пöльөн вöчис. Пи вед тэнад чужис... А менам — пöльөн шуысь...

Вась стöкангьяснас пырис да батыслөн вузасян стойка вылас восьтöм кагор доз нин сулалис, да орччөн блюдйын преникгьяс.

— Талун абу грек... Абу грек тайö вичко винанас ловнымöс лөнбöдчыштны, асланым рöд водзö нуöдысь дзоньвидзалун вöсна вомö румка пöрöдны. Мамыс дзоньвидзалун вöсна нöшта, — думыштчöмөн кагорсö стöкангьясö сёлкөдигмоз мургис Пиля Педот. — Мед шудаöсь найö лооны...

Сiдз ая-пия, öтар-мöдар вузасян стойка саяс сулалöмөн и лөнбöдчыштисны гöрд вичко винанас рытывбыдгья майшасьöмнысь, содтыштисны радлунсö, вынсьöдисны шуднысь.

3.

Дзоляник мортлы Петыр ним сетисны. Петыр, Петя, Петрован... Öтсöгласөн. Вöзйис Пиля Педот. Пöльыс. Петыр лун водзын пö чужис да, чужан луныс и нимлуныс öтлаасöны. Лöсьыд пö лоö сійö лунсö сэсса пасгьявны. Кагасö пыртигөн отеч Апанасей эз жö паныд мун да сiдз вичко книгаас и гижис:

"25 июня 1915 года от рождения Христова родился Петр Васильевич Шомесов. Крестился 30 июня 1915 года. Отец Шомесов Василий Федотович, мать Шомесова Елизавета Павловна".

Елизавета Павловналөн сёлöм увсьыс чуктöм ичöлик Петюкыс и лоис сёлөн олöм гажнас. Кага вайöм бöрас, слава Богу, ни кагаыслы, ни аслыс некутшöм висьöм эз кöвгьясь, и вель велöдчан восьянысь коставлытöг челядöс ачыс велöдис. Школаас петавлигкості кагасö видзисны-дöзьöритисны энкьяыс ли, Вась Елена ли. Первойсö эськö Елизавета Павловна быд перемена дырйи котралис Петюк дорас. Но кор оз волю, век вöли зыбка дорас кодкö пукалö, либö моздорас кутö сылысь кагасö. И рузумгьясыс зыбкаас век вöлины косöсь. А энкьяыс чущгьялыштис, эз сёлöм сертиыс, буракö, вöв монгыслөн котралöмыс. И Елизавета Павловна велалис кольыны налөн тöждысьöм вёлö кагасö нёнбöдöмсянь нёнбöдöмöдз.

Ак, тöдис кö эськö Елизавета Павловна водзвыв, мый сёлөн вывти дöверитчöмыс бергöдчас сылы паныд лөкөн, лөгөн, предательствоөн. Казялліс вед эськö öтчыд, кор Петя кывгьяс шуавны кутис велöдчыны, кыз Петюк "мма-мма" шуис, и сы дорö Иван Елена матыстчис да зыбкасыс кияс босьтис Лизалысь Петясö, а сійö нимкодгья кекенгьяснас öвтчис да нюмгьялис. Ныж пуртөн кырыштис сёлöмсö Елизавета Павловналысь аддзылөмторйыс. Сійö эськö пырысь-пыр жö мырддис Еленалысь кагасö, но сёлöмас майшöдлан дойыс коли. И эз прöста. Кор Петя кокөн ветлыны кутис велöдчыны, сійö "лок, лок" корём вёлö кияссö водзö нюжбöдмөн тапиктис Иван Еленалань. Тайö майшöддис и повзбöддис Елизавета Павловнаöс.

И вот öтчыл!..

...Бöрыннас Елизавета Павловна швач вунöдис и эз нин вермы дум вылас уськөдны, мыйла сійö бөргья уроксö эз нуöд, а лэдзис челядсьö,

а ачыс чукөртис книга-тетрадьяссө да петис гортас. Көть быттьо не-
кытчö вöли тэрмасьнысö.

Пырис гортас да ёна чуймис: энъякаыс мыйлакө Петюклысь дзоля
пу кроватьсö петкөдöмаось Елизавета Павловнаяслөн узылан жырйысь
да сувтöдöмаось татчö, пусян-пöжасян öтувъя жырйö öшинь дорас. Бур
көть — гөгөрвоöмаось öшиньсö занавесавны. Сийö кок чунь йылас
матыстчылис кровать дорас: Петюкыс лöня узис. Орччөн туплясис йöв
тыра дзоляник резина нёня сулея. Кок чунь йылас жö, мед не садь-
мöдны узысь кагасö, мунис аслас вежöсö да ёна видзчысьöмөн, мед
эз дзуркнит, восгтис öдзöссö и... сийöс быттьо юрас нöшкөн кучкисны:
став вирыс, буракö, юрас шыбитчис син водзас вöсьöм серпасьыс.
Сылөн узылан кровать вылын мужикыс вожасьöма Иван Елена вылö!
Юр вежöрыс Лизалөн гудыртчис, синъяс улас усисны сöмын еджыд,
кыз баба лядвей да мужикыслөн улö-вылö кыпъялысь куш ситан
бекыс. Водзö Лиза ачыс нин эз вежөрт, мый вöчис. Этшсьыс петмөн,
вежöрсö воштймөн лөг шымыртис сийöс.

— Ак, тi, пеж скöтинаяс! — мый ки улас сюрис, сийö и кватитис
Лиза. А сюрöма öдзöс дорас орччөн сулалысь камад вылысь ыргөн
поднос да нетшыштис сийöс. Чашкаыс сэтись зиль-зель лэбзисны
джоджас, а Лиза кыкнан кинас юр весьтас кутöмөн кык вöськов чеч-
чыштис кроватьланьыс да швачкөбтис Педот Васьлы юрас. — Нн-на
тэныд, кыз ныра скöтина!

А сийö весиг видзöдлыны эз слöймы найöс суысь вылö — рудзмунi
да пидзöсöдзис лэдзöм гача жмуткысис джоджас. Лиза видзöдлытөг
выныштчöмөн тювгис подноссö кроватяс пласьткысьöм Иван Еле-
налань да котөрөн петис тайö пежалöм жырсьыс. Рuzумъяснас да
шебраснас, кызди удитис, тубыртис узысь кагасö, босьтис моздорас да
котөрөн чепöсйис керкасьыс.

Ывла вылас петöм бöрын нин сöмын Лиза сайкалыштис. Мый öнi
вöчны? Кытчö мунны? Бара Гриша дядьысьясö... кагаөн? Найö
примитласны көть мыйкö дыра кежлö. И сийö аслас быдгасөн ко-
төрөн-сорөн бара веськöдчис Гриша дядьысьясö.

Марья ичиньыс посводзас паныдасис.

— Мый нö, Лиза, бласлö Кростос, лоис? Чужöм вылад вежсьö-
мыд, — повзис ичиньыс.

Лиза пырис керкаас аслас вöвлöм пыдi жырйöдзис, кагасö пуктис
кроватяс, тиралан киясөн разис шебрассö да рuzумьяссö, лэдзис Пе-
тясö джоджас, и сийö мöдöдчис тапикасьны-тöдмасьны вель ола-
ниннас. Лизаос этшсьыс петмөн шымыртлöм лөгыс лэдзыштис, и сийö
пуксис кроватяс да сир курыд синваөн бөррдзис.

— Мый нö лоис, Лизук, кутшöм сэтшöм неминуча тэнö суис? —
Марья ичиньыс пуксис да кутис лөньöдана шыльöдны Елизавета
Павловнаос пельпомöдыс.

Лиза сутшкысис ичиньыслы пельпомас, эз вермы дугöдны сыркъ-
ялöмсö. Ставыс öтлаö чукөрмис Лизалөн сьölöмас ыджыд дойөн: и
мустöм морткöд олöмыс, и кедзөвтöмыс, и сийöс нем жалиттөг öби-
дитöмыс.

Коркö сэсся личалыштис жö Лизалөн сьölöмыс. Чышкалис синьяссö,
чужöмсö да вöлисти висьталис жö сэсся, мый лоис.

Марья ичиньыс кывзис вом дорьяссö топыда нюмыртöмөн, чöv
пукалыштис, небыда пуктис кисö Лизалы пидзöс вылас да вöлисти
шыöдчис:

— Дойдöмаось тай сьölöмтö, дитюклысь... Да абу на сийö сэтшöм
неминуча, мед тадзи вийсьыны. Олöмад быдторйыс оллö.

— Кыдзи нö абу!?! Ме ог тöд, мый мен öнi вöчны. Кыдзи сиктас
пета? Яндзимысла синъяс некыгтчö лоö воштыны.

— Тэныд нинöмысь яндысьны, абу тэ мыжаыс, — чорыда кыв көр-
талис ичиньыс. — Некод эз адззылы ни, мый лоис. Ассьыд кызди.
А мый вöчны? Кад коляс да ставыс на тiян ладмас. Кадыс шыльöдас.

— Нинöм оз ладмы! И сiдз вöли мустöм, да терпитi... И энъяка-

ыслысь кедзэвтӧмсӧ... А ӧні сэсся помся лӧг кутас петны. Некутшӧм кад тайӧс оз шыльӧд, ичиньӧ. Сӧмын кызди водзӧ овнысӧ? Коньӧрӧй меӧй...

— Кынӧмыд, кӧнкӧ, сьумалӧ. Нуръясьыштан, гашкӧ?

— Ог, оз ков. Гашкӧ Петяӧс кӧ вердыштны.

— Сідзкӧ, ме сійӧс вердышта, а тэ вод да шойччышт. Эн сэтшӧма шогсы. Ставыс, мися, ладмас. Гриша дядьыд локтас да ӧтвылысь думыштмам, кызди мый сэсся.

Елизавета Павловна куйліс крӧватяс Гриша дядьыс локтӧдз. Пузыльӧм сьӧлӧмыс эськӧ быттьӧ лӧныштіс, но морӧс пытшкас горшӧдзыс поздысьӧм лӧгыс да дойыс весиг здук кежлӧ синъяссӧ куньлыны эз лэдзны. Юрас помся бергалісны озыр Пиля Педот керкаын Васьыскӧд пӧшти нель во чӧжся олӧм серпасьясыс, а Елизавета Павловналӧн вежӧрыс ньӧтчид эз крукасьлы лов лэптан, сьӧлӧм гажӧдан серпасӧ. Пи чужӧмысь ӧтдор. А выльысь син водзас сувтласны Иван Елена батракалӧн еджыд лядвейыс да Педот Васылӧн, сы-ылӧн верӧслӧн вед! сэтшӧм жӧ еджыд, лайкьялысь куш сітан бекыс, да Лиза ымӧс-тӧмӧн кымынясыс, юрсӧ дзеблас юрлӧс улас. Куш озыр керкаыд тай оз на вӧлӧм сет кыпыд, гажа да шуда олӧмтӧ. Ок, мыйла Лиза радейтӧгыс петіс Педот Вась сайӧ верӧс сайӧ?! Мыйла?! Тӧдіс вед, мый оз радейт. Надейтчис, мый коркӧ мусмас? А оз кӧ мусмы, сэки мый лӧ? Кутшӧм олӧм лӧ Лизалӧн? Нинӧм водзӧджык думыштылыны Лиза абу кужӧма. Ӑні сэсся курав киссьӧм ватӧ, нылав асьыд курыд синватӧ! Ойя дай ойя, кызди водзӧ овнысӧ!?

Гриша дядьясыс локтісны рытланьыс нин — Михайлӧыскӧд Дзимбыр вой боковыс мусӧ гӧрӧмаӧсь да ид кӧдзӧмаӧсь, а дас куйм арӧса Ӑксиныс кӧдзӧмсӧ пиневтны нин удитӧма и.

Марья ичиньыс удитӧма висьтавын Лизакӧд лоӧмторсӧ, да найӧ Лиза дорӧ пырисны кыкӧн, пуксисны лабичас орчӧн куйлысь Лизалы воча. Лиза пуксис жӧ.

— Меным Марья ичиньыд висьталіс, — видзчысьӧмӧн заводитіс сёрнисӧ дядьыс. — Шойччышт, лӧньӧдчышт, сідзкӧ, миянын лун-мӧд... Мыйдта колмас. Кытчӧдз сьӧлӧмыд оз бурмы. Коркӧ вед колмас бӧр мунны...

Лиза пыдісянь шога ышловзис.

— Ме лунтыр тупляся... да ставсӧ нин... быдтор йылысь думайті. Сьӧлӧмӧй некор оз бурмы... Бӧр Педот Вась дорӧ ог мун!

— Тэ вед, Лиза, Педот Васылӧн вичкоын венчайтӧм гӧтыр.

— Мед! Сійӧ менӧ пӧръяліс! Ставсӧ, мый вӧлі, пежаліс! И вичкоын венчайтӧмнымӧс...

— Гашкӧ, прӧститны колӧ. Мужикьястӧ шыбӧлитӧдлӧ мукӧддырйи.

— Прӧ-ӧститны? Да бара ськӧд ӧти вольпасьӧ? Ен мед менӧ видзас! Сідз нин сійӧ меным эз мусмывлы, а ӧні куш татшӧм мӧвп-сьыс менӧ йирмӧг босьтӧ. Ме вед пышйи, сэсся некутчӧ вӧлі да. А ме патера бӧрья да сэтчӧ Петюккӧд петам. Ми вед ӧні кыкӧн.

— Да ол миянын, мыйдта кӧсьян да мыйдта верман. Тӧрам небось. Дырджык кӧ лӧӧ тиян торйӧн олӧмыд...

— Кувтӧдз! — чорыд гӧлӧсӧн стӧчмӧдіс Лиза.

— Вот... — падмис Гриша дядьыс. — Сідз кӧ вед кагаылӧн и аслад став кӧлуйыд сэтчӧ коліс. Ме ог тӧд, сэсся...

Лиза эз жӧ тӧд, буракӧ, лӧня пукаліс улӧ лэдзӧм юрӧн. Вель дыр кежлӧ сувтліс чӧв-лӧнь.

— А ветлыны кӧ кӧлуйысла? — юалигмоз чуйдіс Марья ичиньыс.

— Вот мый, — недыр мысти шыӧдчис Гриша дядьыс. — Первой ме сэтчӧ ветла. Батьыд пыдди ме первой Пиля Педотыскӧд сёрнитла. Пиля Педот эськӧ абу тӧлктӧм морт да, вежӧра. Гашкӧ, кыздзкӧ бурӧн сёрнитчам.

— Збылысь, ветлы и эм. Ог кӧ нӧ ми Лизаӧс дорйӧй, коді сэсся дорьяс? — нимкодъ лои Семӧ Марьялы, первой воськовсӧ аддзисны да.

Тима Гриша уджалан гачсö да дөрөмсö вежис да ужнайттогыс и мунис Пиля Педотгысö.

— Ти ужнайтой, менö эн виччысьой. Ньöжйоникнад вермас на и кузь сёрни лоны, — чөвтис Гриша дядьыс петигас нин.

А Марья ичиньыс велöдис:

— Сöмын эн, бара, скöрав да пинясь!

— Скöралöмөн да пинясьöмөн, öта-мöднымöс мыжалöмөн, дерт, татшöм делöйн нинöм оз артмы, — сöгласитчис Гриша дядьыс.

Збыльысь Гриша дядьыс дыр ветлис, часысь, көнкö, дырджык на — ужнайтны нин удитисны и пызансö идравны. Пырис Гриша дядьыс да пызан саяс пуксис. Марья ичиньыс пырысь-пыр пöсь шыд тасьтi да нянь куд пызан вылас вайис.

— Но? — пызан дорсыс ылыстчытöг Марья ичиньыс видзöдис верöс вылас.

— Ставсö лючки-ладнö сёрнитим. Вась Пеклаыс эськö ёна чушгьялö да, весиг сёрниö куччысьны көйылис. Но Педот сийöс бура чырыштис, да öдийö на и лөнис тай, — тэрмасьтöг панясигмозыс нин висьталис ветлöм йывсьыс Гриша дядьыс.

Елизавета Павловна пукалис ен ув пельöс лабичас, дядьыслы воча, да кывзис. Сийö сингьяссö лэптылис Лиза вылö, дженьыдика серöктис да лют-лёткерис юрнас.

— Ну-у, Лиза... Тэ, буракö, пуж петкөдлöмыд налы. Пельшарöс корлöмаöсь: юрыс пö Васьыслөн потöма, да гашкö пö юр вемыс вөрзёма на. Юр висьöм вылö пö тай элясьö-а. Ме эг аддзыл, вылыс судтаас пö куйлö. И Еленаыслы пö тшöтш веськалöмыд подноснад пельпомас... Абу пö некыт чөгöма, а лöz пö эм... Сия эськö эз жö петкөдчыллы да... Вот и воуйтöмыд! Но, дивö, Пиля Педот тэ вылö оз скöрал, Вась пö ачыс мыжа. Менам Пекла кө пö сидзтö суис, син бугыльясöс пö эськö перьялис. И бара жö сöглас, мый Елизавета Павловналы кадыд колö асас воны татшöм мисьтöм лоöмтор бöрад. Мед пö, колөкө, олыштас öтнас, пиыскöд. Лөньöдчыштас, бурдыштас да бөр локтас...

Елизавета Павловна öтарö-мöдарö юрнас довкйöдлыштис.

— Лиза, — водзö нуöдис сёрнисö Тима Гриша. — Öни тэныд сидзи колö, а водзö, бöрынджык сэсся аслыд тыдовтчас, кызди да мый вöчны. Вот. Ме тай шули, месяц, Пиля Педотыд төлка морт. Шуö, мый пö колö пиыслы да аслыс, мед пö волас да босьтас. Мед пö сöмын сёрөнджык волас, этшаджыклы нин көть пö йöзасям. Пеклаыс эськö бара суйсьылис, вельмöдны пö көсьян моньтö, сидзтö пö сийö мянöс кутас мыйөн сюрас, сийөн и швачкöдны. Но Педотыс мöдысь чорыда сийöс чырыштис.

Йöv панялöм бöрын нин Гриша дядьыс вöзйис:

— Йöзыс водаласны да и ветлам. Ачыд бөргьян, мый тэнад да мый колö. А ми Михайлököд тэд отсыштам вайнысö. Куимөн и ветлам...

Ставыс сидзи и артмис, зыктöг-шумтöг. Елизавета Павловналөн прамöя нин чукөрмылöма көлуйис, кыкысь ковмис Петюклөн кровать вöсна да "Зингер" вурсян машина вöснаыс велыны. А вурсян машинасö Пиля Педотыс ачыс чуйдис, босьт пö, мян некод сэсся абу вурсьысьыс. А юрид да кийд кө думайтöмөн мыйкö вöчöны, лекторгьяс йылысь думайтны кадыд этшаджык коляс. А Елизавета Павловна век кежлö сэсся татысь асьсö мунысөн лыддис да думсьыс атгöалис вöвлöм айкасö. Медулыс камод йөр пельöссьыс босьтис ситеч дора пиö тубыртöм сьöмсö — чукөртöм кык вося жалöванньöсö. Сьöмыд öни налы Петюккöд сгöдитчас, көть первой кадас, абу куш киаöсь.

Но лоöмторйыс тай вöлөм сöмын на шогыслөн мыччысьöмыс. Сир курыд, став олөмсö личкан шогыс Лизалөн водзын на влöма...

...Петыр лунö Тима Гришаясö асывсяньыс локтис вöччöм Пиля Педот. Вежавидзана видзаасис Тима Гришакöд, Семö Марьякöд, Елизавета Павловнакöд, Михайлököд, да шыödчис Елизавета Павловна дорö:

— Елизавета Павловна, корам тiянӧс Петрованыдлысь нимлун сѣйны. Талун вед сылы арӧс тыри.

Лиза чошкӧдчис, первой, мый юрас воис, вӧли мӧвп: “Кӧсйӧны сийӧс бара асланыс керкаӧ кыскыны”. И юрас ӧткажитчана качайтыштис.

— Сидзкӧ, ачыл кӧ он на вермы, мед Петрованыд пӧль-пӧчьясас гӧститыштас. Нимлун вед. Медводдза нимлун.

Елизавета Павловна падъялис, мыйлакӧ сьӧлӧмыс ӧддзылис тiпкыны. Лиза писӧ пуксьӧдис пидзӧс вылас, шыльӧдыштис юрсӧ.

— Ветлан пӧльыдъясӧ гӧститны, ассыд нимлунтӧ нямны? — мелiа юасис ичӧт пиыслысь Лиза, а збылысьсӧ эськӧ ассыс, лэдзыны абу писӧ Пиля Педотъясӧ.

— Ветлас, дерт, — вашъялис Пиля Педот.

И Елизавета Павловна босьтис моздорас писӧ да пыраллис пыдi вежӧсас.

Моздорас жӧ и бӧр петкӧдис Петюксӧ: выль дӧрӧмӧн и гачӧн пасьтӧдӧма, вылысас нӧшта лӧз рӧма кожаысь вурӧм пинджак кодь на и. Ставсӧ ичӧт мортыслы мамыс буретш вурӧма. Юрас дзояник картуз, кокъясас небыд кучикись вурӧм чӧрвӧньӧн кӧртыштӧм кӧмкотьяс. Татшӧм небыд кӧмсӧ Петюкы Гриша дядыс нин вурис.

— Но, дзонь бурлак нин тай тайӧ миян: гача, кӧмкотьяса, картуза. Со кыдзи мамыс Петрӧванӧс вӧчкӧдӧма. Нолтӧ, воы пӧльыс дiнӧ, — нимкодя нюмъялис Пиля Педот да нюжӧдис кияссӧ.

И Лиза киясь-киӧ сетис ичӧт писӧ Пиля Педотлы.

— Мед гӧститыштас... Рыгъядорыс вайӧданныд дай. Оз кӧ водзджык кут бӧрды.

— Бӧрды ог лэдзӧй... Ачыл тай вот он кӧсйы пыралны-а. Эн дзикӧдз чорзӧдчы, Лизавета Павловна... Олӧмад вед тай быдторыс овывляӧ. Бӧр лок... да бурасьӧй Васьыдкӧд.

Лиза нинӧм эз шу, сӧмын бара ӧткажитчана юрас качайтыштис.

Но ни пажынӧдз, ни пажын бӧрын, ни рыгъядорыс нин Петюксӧс эз вайӧдны. Елизавета Павловналӧн сьӧлӧмас пырис майшасьӧм, виччысьныс водзӧ эз нин вермы да Петюкла ачыс мунис.

Йӧрас пырӧм бӧрын нин Елизавета Павловна казялис Вась Пеклаӧс, а пырис керкаас да сӧни пукалисны сӧмын Пиля Педот да Васыс, да сылӧн чоя-вока — Иваныс да Катяыс.

— Шойчы, Лизавета Павловна. Буретш пӧсь чай шӧрӧ веськалин. Прӧйдит пызан саяс, — рама вочаалис Лизаӧс сылӧн вӧвлӧм айкаыс.

— Сӧрминныд да ме ачым Петяла локтi, — висьталис ассыс мӧгсӧ Лиза. А сьӧлӧмсыс гортас на пыравлӧм майшасьӧмыс эз быр.

— Нолтӧ, Иван да Катя, вӧлӧсьтад петалӧй. Сӧмын энӧй дыр, — ыстис батыс ичӧтджык челядьсӧ, и найӧ мӧдысь тшӧктӧм виччысьтӧг уйкнитисны керкасыс.

— Талун Петяыл ланьтис нин да мед узьӧ.

— Ме сидз нуа. Кагаыл мам моздорад оз садьмы, — мунис Лиза пыдi вежӧсланьыс, но ӧдзӧсыс сэтчӧ вӧлӧм игана. Ӑтчыл тойыштис ӧдзӧссӧ, мӧдысь — ӧдзӧссӧ, тыдалӧ, пытшкӧссяныс ключӧн игналомась. Лиза скӧрысь видзӧдлис Пиля Педот вылӧ. — Восьтӧй!

— Оз кол ӧни повзӧдлыны питӧ, мед узяс, — водзӧ рама сӧрнитис Пиля Педот. — И мед сийӧ танi олыштас. Пӧльыс да пӧчыс ордын сылы, небось, оз на лӧк ло.

— Восьтӧй, мися! Он жӧ вед, кӧнкӧ, мамлысь кагасӧ мырддыны кӧсйӧй?!

— Огӧй, дерт, мед Ен видзас сэтшӧмторсыс. Асьтӧ вот корам — бӧр лок гортӧ, эн янӧд миянӧс. Прӧстит Васьӧс лӧк вӧчӧмсыс, сийӧ тӧнӧ прӧститас дойдалӧмсыд. И олӧй, бурӧн да сӧгласӧн быдтӧй пиньтӧ, да водзӧ на чужтӧй. Выль керканыд дась нин, нель жыръя, майбыр, кӧть талун пет олны. Асланыд семьяӧн торйӧн кутанныд олны. Вась миян зиль морт, а тӧд оз жӧ дзоя жалӧванньӧ мынтыны — мый тiянылы, майбыр, не олнысӧ? Йӧзлы завидьтана, бурӧн кӧ, позьӧ олны. Да и ми отсыштам первой кадас кок йыланыд султны.

— Восьты, Пекла, — таркөдчыштис Елизавета Павловна өдзөсас. Ме төда — тэ сэни. Он кө өни сетөй пиөс, талун жө урядниккөд вола.

— Тэ, ныланө, урядникьясөн эн ползьөдчы! — чорзыштис нин гө-лөсыс Пиля Педотлөн.

— Эн сэсся, батьө, келмысь. Сылы первойсяныс вөлөм паськыд тасма колө, а ми лелькуйтим, — суйсис батыс сёрниө Вась. Лиза вылө видзөдис синкым увсяныс скөрысь.

— Ланьт! — скөрысь жө шлапкис кинас пызанас батыс. — Ме тэныд паськыд тасма аслыд петкөдла. — Сэсся бара Лиза дорө шыөдчис: — Тэ Васьлөн вичкоын венчайтөм гөтыр, миян монь, и тані тэнад олан позйыд, тані и колө питө быдтыны. Көсьян кө шыбитны Енмөн сетөм мужиктө, сідзкө и питө дась шыбитны. А сійө вед тиян өтувья. И он кө бөр лок, Петрованөс тэныд ми ог сетөй. Сійө тэныд нинөмла, а миянлы сійө рөд кутысь да рөд водзө нуөдысь. А көсьян кө зык кыпөдны — аслыд жө лөк вылө вөчан. Васьөс пельшар лечитис. Сылөн ставсө пасьялөма, кыдзи вөлі сійөс дойдалөма. Колмас кө вед, ми ставсө казгыштам. Еленалысь лөз пельпомсө и. Тадзи дойдалөмсыд бурсө нинөм на виччысьны. Васьлөн юрыс өнөдз висьяслө. Быттьө зыксьыны кө кутан, висьтала.

Лиза пуксис өдзөсдорса лабичас, тупйис кияснас чужөмсө да сійөс суысь бурасьлытөм шогсьыс бөрддзис.

— А ме чайтi... Но кутшөм жө чорыд, жалиттөм сьөлөма морт тэ вөлөмыд!

— Да, Ен сэтшөм сьөлөм сетөма. Бурьяскөд ме бур, а лөкьяскөд лөк!

Лиза гөгөрвоис, мый талун сылы Петюксө оз сетны, и сійө шога, бөрдигтырийи мунис дядьбьясьсө.

Пиля Педотьясысь пиыскөд пышйөм бөрын Елизавета Павловна уна думайтис, мый водзө вөчны, кыдзи овны. Сійө гөгөрвоис, мый Изьядорын водзө челядьөс велөдөм йылысь сёрни оз вермы лоны. Чайтис, мыйөн төвся туй сувтас, мунас пиыскөд, гортас. Сэсянь нин гижас училищө, мед кыткөкө мөдлаө велөдны ыстасны. Од Пиля Педотьяс Лизалы яй сьөлөмас көрт тув тувйыштисны, сира гезйөн мөз Изьядорө домалисны. Гожөмбыд, гашкө, быд асыв и рыт Лиза кытш-лалис Пиля Педотьяслөн керка гөгөр йөр потшөс пөлөныс, кыйөдис писө. Ассьыс рөднөй писө кыйөдис! Веськалис кө эськө Петюкыс мамыс киө, нөбөдис жө эськө сійөс татысь да, усйысисны эськө Изьядорысь подөн көть вөлөн. Тырмас смелуныс и выныс Лизалөн. Но дзевисны сылысь дона сьөлөм чуктөдсө топыд иган сайө, ывлаас весиг, гашкө, оз лэдзлыны да. Отчыд сөмын ылісянь аддзылис дзоля писө Катя мөздорысь. Кильчө вылас петкөддис. Но казьялис Лизаөс потшөс сайсьыс да бөр тювкнитис посводзас, гольснитис-игналис пытшкөссяныс кильчө өдзөссө. Сы бөрын петалис кильчө вылас ачыс Пиля Педотыс.

— Эн шөйт-кытшлав көин мөз миян керка гөгөр, Лизавета Павловна! Миянөс эн янөд и асьтө эн мучит, а лок көлуйнад бөр. Талун ме кора на, а дырджык кө он лок, гашкө, сэсся и корны ог кутөй! А Петрованөс пышьялысь мамыс ог сетөй!

Та бөрын Лиза гежөдджыка нин да гусьөнджык кутис кыйөдчыны, а надеяыс мездыны Пиля Педотьясысь писө кутис чинны и чинны, а сьөлөмыс измыны. Изьядорсаяс өтияс дивитисны Лизавета Павловнаөс, учительшаөс. Дерт, мужиктө колө кутны ас киад, мед эз кыскыны сійөс мутиясыс бокрын уллюньясьны. Но пышйыны та вөсна вичкоын венчайтчөм мужик дорысь!.. Мөдьяс эськө и жалитисны Лизавета Павловнаөс. А Педот Васьөс да торья нин Иван Еленаөс, яндысьтөм синмөс, мыжалисны лоөмторсьыс. И Пиля Педотөс да Трипан Пеклаөс накод тшөтш. Позьө мөй мамыс мырддыны рөднөй писө! Дзик нин сьөлөмтөмөн колө лоны мортлы, мед тадзи вот мучитны том мамөс, учительшаөс! Но некод, Гриша дядьыс да Марья

ичиньыс кындзи, дорйыны ни отсавны эз кӱсйы. Йӱз семья костӱ суйсӱмьд нинӱм бурсӱ оз вай. Некодлы.

Елизавета Павловна урядник дорӱ эз мун. И отеч Апанасей дорӱ эз ветлы. Тӱдӱс, мый сылы батюшка та пӱрйӱ шуас: Ен пӱ тӱянӱс ӱт-лаӱдӱс асланыд вӱля серти, да Ен жӱ сӱмын вермас торйӱдны. А Лиза ачыс пышйис. Артмӱ, Енлы паныд мунис.

А вот Опонь Митрей дорӱ, сюсь мывкыда морт дорӱ ветлис, накӱд важся лыддысьбӱмьяссӱ дум вылас уськӱдӱс да. Ӑни сийӱ мӱдӱд во нин сиктын старӱстаалис да гашкӱ-й мыйкӱ и вермас вӱчны.

— Пуксы-шойччы, Лизавета Павловна, — мелӱа вочаалис Лизаӱс Опонь Митрей да эз виччысь сылысь сӱрнитны заводитӱмсӱ, а ачыс, пач водзас табак кӱшельысла чотӱгытылӱг да чигаркасӱ гартӱгмоз, босытис сӱрни визьсӱ. — Тӱда... Ме эськӱ тӱда жӱ тӱнӱ суӱм неминуча йылсыд да... Кодӱ оз тӱд...

Митрей кыскыштис табак тшынсӱ морӱс пытшкас да бӱр пӱ-льыштис и ныр пырыс тшӱтш лӱдис кыкнан розьӱдыс, чукиртлис пась-кыд плешсӱ.

— Педот Вась кодь кырсалысь мужикъястӱ сӱмын плетялӱмӱн позьӱ велӱдны. Но кодӱ плетялас? Батгыс кӱ оз...

— Пиля Педот эськӱ первойсӱ бытгыӱ скӱралӱ вӱлӱ сы вылӱ да... А ӱни сийӱ ылӱдӱмӱн пиӱс пышйӱдӱс да оз сет, — муртса кывмӱн шыӱдчис Лиза.

— Ме вед пыраллӱ Пиля Педот дорӱ. Вӱлӱ сӱрни. Мыжаыс, дерт, Васыс, а вот и вичко, и закон на дор. Пиля Педот тайӱс гӱгӱрвоӱ. Тӱ пӱ вед ачыд он кӱсйы сӱтчӱ бӱр мунны... А найӱ корӱны...

— Ачым!

— Мый нӱ сӱсся водзӱ кӱсъян вӱчны, Лизавета Павловна?

— Ог тӱд... Сӱмын челядгыӱ, Апанасевич, водзӱ велӱдны ме ог вермы. Сийӱ керкаас пырны ог вермы... Да, пиий абу аскӱд... Кыдзи кута мукӱдӱс велӱдны?

— Д-да... дерт... Оз ло кокни.

— Гижӱй, Апанасевич, училище сӱветӱ да мед мӱд велӱдысьӱс ытасны.

— Колмас, кӱнкӱ. А тӱ нӱ сӱсся кыдзи?

— Кыдзкӱ вед... Вурсыштны йӱзыслы кута да мый да... А та-тысь ӱни мунны питӱг ог жӱ вермы. Верма кӱ, дерт, пиӱс бӱр ас дорӱ босытны, пырысь-пыр жӱ эськӱ и мунӱ татысь да.

Опонь Митрей гыжъялыштис баябӱжсӱ.

— Лок ме дорӱ гижысьӱн. Писарӱн. Кыргъядинын миянлы писар чин кӱсйӱны сетны жалӱваннӱӱн. Дерт, жалӱваннӱӱыс оз ло дзык велӱдысьлӱн ыджда, но татӱни олны тырмымӱн жӱ. Сӱсся водзӱ вылӱ дум выим Кыргъядин улысь петны да ас вӱлӱстьӱн олны. Гижан уджыд танӱ уна лоӱ. Ӑни нин абу этша дай. Вась Иванлӱн Дзоля Тимаыс ӱни пасьялӱ, но прамӱя гижны, ни артавны оз куж. Ӑни нин миян ӱкмыс грезд да пӱчинок, сӱ комын кык кӱзйство, гӱран-кӱдзан муыс 130 десятинаысь унджык да виддзыс витсӱысь унджык десятина, мӱскыс куимсӱ дас кык, кыксӱ дас квайт вӱл, а мыйдтӱм ыжыс!.. Ставсӱ вед колӱ пасйыны, лыддыны, артавны... Со, шуам, выль велӱдысьтӱ кӱ корны, колӱ гижны... Он вед быд пӱрйӱ отеч Апанасейӱс либӱ пельшерӱс кор, старӱста морт... А Дзоля Тималӱн сямыс абу. Но, мый шуан? — веськыда нин юалис Лизалысь Опонь Митрей.

Лизавета Павловна падъялыштис неуна да ньӱжйӱн вочавидзис.

— Ме сӱглас, Апанасевич.

— Колмас вед грездыс-пӱчинокъясӱд корсюрӱ ветлыны.

— Мед, ме ог пов.

— Вот и бур. Аски асывсыныс жӱ, сӱдзкӱ, и лок. Став кабалая-сыс миян Вась Иван керкаын мӱдарас. Сӱдзкӱ, выль велӱдысьтӱ коран письмӱ первой и гижам. Меным майбыр лоӱ тӱкӱд уджавны-сӱ, — радлис сиктса старӱста.

— Локта.

Опонь Митрейкӧд сёрнитӧм бӧрын морӧс пытшкас Лизалӧн тӧкӧтӧ быттӧ личальштис-разьсис, буракӧ, кутшӧмкӧ дзольник гӧрд.

Лиза висьталис Гриша дядьысьяслы Опонь Митрей дорӧ ветлӧмсӧ да ськӧд сёрнисӧ.

— Опонь Митрейыд зэв шань морт, — кыв кӧрталис Лизалысь висьталӧмсӧ Тима Гриша. — Торъялӧ томджык вокъяссыс, быттӧ абу ӧти бать-мамлӧн. Пӧлыс, Кирӧ Епимыс кодь пӧ тай, шулывласны пӧрысь йӧз. Вокъясыс абу сэтшӧмӧсь. Торъя нин Емельыс да Васыс лёк ӧбичааӧсь. Гашкӧ, Михайлӧыс нӧшта, сийӧ лӧсьыд детина жӧ быттӧ. Мый сӧглас сетин Опонь Митрейлы — сийӧ бур. Тани нин колмас пийдысь быдмыштӧмсӧ виччысьны. Век вед оз дзевлавны, быдмыштас да ачыс мамыс дорӧ кутас кыссыны. Ловъя ловтӧ он на сідз кут. Сэсся ас кежсьыд кӧ окота лоӧ олны, тӧлся туй султӧм бӧрын миян Ӗгрӧ Павел бӧр кӧсийӧ семьянас Висерас мунны. Керкаыс вылькодь на кольӧ. Сэтчӧ позяс овмӧдчыны. Миян пайысь эськӧ кӧтӧ мыйдта тани ол да, аслыд на вед, кӧнкӧ, окота оллӧ ӧтнадӧн кольчыллыны. Мед некод кок улад эз гарты, пельтӧ эз сьӧдмӧд. Унанад вед он быд пӧрийӧ ас окотасьыд шойччышт.

“Гриша дядьыс сьлӧн ставсӧ жӧ гӧгӧрвоӧ”, — дядьсӧ аттьӧалана думыштис Лиза, а гора шуис:

— Сӧглас кӧ сетас, ме ньӧбны на верма.

— Сьӧрсьыс вед Висерӧ оз ну керкасӧ, сёрнитчам. Рӧдня ӧд.

Медводдза вӧла туйӧд и петис Изъядорысь Эжва вылӧ Вась Павел семьянас, а сийӧ керкаӧ овмӧдчис Елизавета Павловна. Аслас керкаӧ. Тӧлысь мында Лизакӧд тшӧтш олис гаж пыдди Гриша дядьысылӧн дас кык арӧса нылыс — Оксинь. Бӧрынджык Оксинь тшӧкыда жӧ кутис вольтыны Лиза тьӧтыслы и отсасыштны, и гӧститыштны узылӧмӧн. Сідз ньӧжйӧникӧн Елизавета Павловна велалис ӧтносӧн овны, мырдӧм дона пиукыслысь быдмӧмсӧ виччысьны.

Ӧтчыд чужлис надея, мый виччысьӧмыс Елизавета Павловналӧн регыд помасяс: Иван Елена пӧ кыз рушкау нин ветлӧдлӧ. Асланыс кӧ кага чужас, гашкӧ, Петюксӧ сылысь оз кутны дзевлавны. Но Иван Еленаыд, яндысьтӧм синмыд, Педот Васьлӧн венчайттӧм бабаыс сылы... ныв вайӧма. А нылыд нӧ Пиля Педотлы кутшӧм водзӧ рӧд нуӧдысь?! Сідз Елизавета Павловналӧн чужлӧм гуся радлуныс Иван Елена ныв чужӧмкӧд ӧттшӧтш и бӧр кувсис.

4.

Сьӧкыд олӧм суис изъядорсаясӧс. Сьӧкыд висьӧм-олӧм. Да эз вед сӧмын изъядорсаясӧс, а коми муын олысьясӧс унджыксӧ, небось. Нель во кӧнкӧ ылі роч муын мунис-гымалис война, а помтӧм-дортӧм парма шӧрын, гулыд ягъяс бокрын, югыд визув юяс дорын быдмӧм да сӧвмӧм медся ӧн верстьӧ коми мужикъясӧс нуисны няйт окопьясын мый вӧсна кӧ да мый ради кӧ ловъя вылысь сисьмыны, пуляснарядясӧн лыйны-вийны, ки-кокъяснысӧ чегъявны, пагӧдан газӧн пӧдтыны. А бабаясныс, мамъясныс-чойясныс, да ичӧтджык вокъясныс да пияныс колисны став кокни и сьӧкыд мужик уджсӧ бертны, сьӧкыд висьӧм-олӧмсӧ венны. Быть вед, ловъя мортыд кытчӧ воштъян. Югзыштлис нин надеятор — Россиялӧн медся ыджыд карас, юркарас, сартӧ пӧ, Господи прӧсти, чӧвтӧмаӧсь, да надейтчисны, мый ӧта-мӧднысьяслысь му вылас вир кисьтӧмыс пӧ, гашкӧ, дугдас. Но Енмыс тай оз на век, кызди йӧзыс кӧсийӧн, сідзи вӧч, ас ногыс на. Кызди сылы, Енлы колӧ. Ставсӧ тӧдысьыс да ставсӧ вермысьыс оз, дерт, кут грекӧ вӧйӧм йӧз вылӧ видзӧдны, на бӧрся мунны. Кытчӧдз нӧ Му вылын олысь йӧзыд эськӧ вермасны нуӧдны и Асьсӧ тшӧтш, сетчас кӧ!?

Енмӧй, Енмӧй, прӧстит жӧ бара йӧзтӧ, мый найӧ оз быд пӧрийӧ гӧгӧрвоны, мый вӧчсьӧ. Мыйла нӧ сы мында во воуйтӧм бӧрын и роч

и коми муын вир кистьомыс эз дугды? Воалыштисны нин и Изъядорысь, и Керöсысь, и Шушуньсы, и Гораягысь мирöвöй войнавыса салдатыс, кодъяс ловъя колисны да вермисны бöр локны асланыс муса гöтыръясныс, дона бать-мамъясныс да челядьныс дорö... Да, страк босьтö налөн висъявлöмъясысь. Германчыяскöд вокойтöмъсы, быттьöкö, эськö, дугöдчöмаöсь, да асьныс öта-мöдныскöд заводитöмаöсь тышкасны. Революция пö. Гöляс да озыръяс, гöрдъяс да еджыдъяс вылö юксьöмаöсь. Зэлöдчöмаöсь да, сьölöмъяснаныс чорзьöдчöмаöсь да, öтияс мöдъясыслысь кöсийöны озырлунсö мырддыны, а найö оз кöсийны сетны. Скöрысла пö герчкöны пиньяснаныс, би киньяс пö лэбöны синъяссыныс. Енмöй, Енмöй, мыйла нö татшöм ыджыд неминучасö ыстгн роч му вылö? Ва-ажö-өн нин вед став лёкыс и бурыс роч мусьыд коми муö вуджö. Тэ жö велöдан, мый оз ков завидьтыны да чукöртны аслыд муывса озырлун — му вылад сийöс и сим, и воз гаг бырöдасны, и шыпъяс гусявласны... Мыйла нö, сіджкö, öтияс вузвысисны мырддысьны, а мöдъясыс оз кöсийны мынтöдчыны асланыс озырлуныс, мый таладор югыдас сöмын симö-вошö? Велöдöмтö оз гөгöрвоны? Али сийөн и ыстгн та ыджда неминучасö, мед ми гөгöрвоим?.. Неминуча бöрся неминуча изъядорсаяс юр вылö со усьö.

Сийö, роч муын йöз лёкалан 1918 вося, гожöмын Изъядор гөгöрса сиктъяс весьтын гежöда мыччысьліс гажа шондi — дугдывтöг, энэж кушмывтöдзыс шливгис кодзыд зэр. А дугдывлас кистьны му вылас — бырлö жö, буракö, сэтысь ваыс, и изъядорсаяс юр весьтын воссылас оз ярьюгыд шондiөн шонтöм лöз энэж, а кутшöмкö кодзыд, быттьö летöм вурунысь зэвтöм руд вевт, код пыр шондi югöр му вылас оз писыт. Эз гажöд ывла вылыс ни быдмөгъясöс, ни кайясöс, ни зверь-пöткаöс. Ыджыд майшасьöм букуш лунъясыс вайлісны йöз сьölöмö. Надейтчыштiсны на: гашкö, көть пö арланыс шондiыс вичмöдыштас ассыс жарсö кодзыд войвыв муыслы, но... эз: успенньöсян* кутiс пöльтны чизыр вой тöv, разöдiс зэра кымөръяссö, кутiс кодзыднас косöдны ывла вывсö да зэлöдны кодзыдсö. Успенньö бöрын коймöд асывнас чеччисны да найö син водзын воссис дзикöдз сьölöм нюкыртан серпас: муыс дзоньнас вевттысьсöма еджыд пужийөн. Му вылын став быдманторсö кынтiс-пыдзыртiс. Нянь, ни арнас, ни тулыснас кодзöм, эз удит воны. Веж шепъясыс, коньöряс моз сьöдöдiсны, олöм кутысь нуртöг тусьясыс колисны. Эз удит быдмыны картофель, скöтлы тырмёмөн выйöдз эз чукöрмы турун.

Гашкö ставыс: и йöзлөн тышкасьöмыс, и "испанка" висьöмыс — йöзсö жалиттöг жö виысьыс, и кынтöм муыс — ставыс, кыдзи гижöма Евангелиеын, öтувтöм "Божье наказание", Енлөн öлөдöмыс: "Входите тесными вратами, потому что широки врата и просторен путь, ведущие в погибель, и многие идут ими, потому что тесны врата и узок путь, ведущие в жизнь, и немногие находят их..." Прöстит мянöс, Енмö! И менö, и Öдяс, и Сергейöс, и Митрейöс, и Емельöс, и Гордиöс..."

Ёгор Панте лыддьöдiс батъясныслысь нимъяссö казтьывтöг. Енмыс тöдö, кодъясöс сийö казтьывлö, кодъяс вöсна юрбитö-кевмысьö. Панте лыддьöдiс, лыддьöдiс-шöпкөдiс копрасьöмөн юрбитигтыр: "Да будет воля твоя и на земле, как на небе... Твоя есть сарство и сила и слава во веки. Аминь".

Быдлунъя олöм йылысь мөвпалигтыр, асья молитвасö лыддиг-шöпкөдiгкостi, Öдя удитiс жö нин чеччыны да Пантекöд орччөн пидзöсчанысьöмөн кутiс клёнгыны-юрбитны жö. Вась Марья, Пантелөн тьöщаыс, паччöрас на, кылö, кадысь кадö пыдiсянь ышлолалiс. Дас сизим арöса Семö пиыс гөтрасьöм бöрын нывбаба синмö шыбитчанаа рушмис. Эз вöv сылы сьölöм сертиыс том пиыслөн керöсса челядтьöм том дöва Савать Анна вылö гөтрасьöмыс. И озыр овмöс

* Успеннью — вичко праздник, август 28 лунö.

эськө сылы верөсыс лёк ногөн кувсьом бөрын колис: озыр, вёла-мөска керка-карта, тырмымөн паськыд видз-му. Позьё овны-вывны да водзё озырмөдчыны. Чужан сиктсыс мунөмыс, да ассыс квайт арөсөн ыджыдджик баба выло томсян гөтрасьомыс Вась Марьялы эз вөв сьёлөм серти. Пөчөн шуысь Мишөйс Одялөн да Пантелөн сылы олөм гажөдысыс лои-а. И кольөм тулыснас, сийө кувсьом бөрын, Вась Марья ачыс тшөкыда кутис висьласыны. Сэтшөма нин сийө Мишуксө радейтлис да лелькуйтлис! А бырис-кусис сись моз Мишук, да то морөс вылас, то юр вылас — помся кутис элясыны. Водзджык на вед и Одялы и Пантелы видзчысьомөн гарыштавлис, мый пөчөн шуысь-ясыд кө пө эськө унджыкөн вөлины, гажаджык на пө эськө вөли. Эз на тай Енмыс удит унджыксө сетны. Отик шань детинкаос козьянвлис, да и сийөс бөр босьтис.

Панте водзджык помалис асья молитвасө да пожйыштис чужөмсө өдзөс дорас ошалысь сюра мыссян дозйысь, сэсся сюялис пачас рытсыныс пыртлөм пес плакаяс, кыпөдчылис гөбөч вылөдзыс пач юшкасө восьтыны кайлыны, но паччөр вывсыныс тьощаыс шыөдчис:

— Эн кай, ме час юшкасө восьта.

Панте пачас пес пиас сюйыштис биалөм сямөдтор. Одя помалис асья юрбитөмсө, кышалис сарапансө, мыссис да кутис гольөдчыны пач водзас чугун-тасьтясөн, тельскөдчыштис көшнас ва пельсаас. Панте вештыштис өшинь занавессө.

— Ывлаыс лөзөдыштны нин кутөма. Ме ветла Көча рас бокусь капканьяс виддалны. Сэзь вөли, да көчьяслы вед быть котрал. Ен кө веськөдлис, колөкө, и капканьяс вылти на. Локтигмоз Кыддза-ельө кежала, езьясыномөс видзөддыны. Пырис ли эз кодкө, а весалыштны колө. Кынталис вед, дерт, тайө луньясө.

— Гашкө, ме тшөтш ветла?

— Мый нө кыкнас кутам катласыны. Тэ вөчасян керкасө ломтышт локтигкежлө. Ош Митрөпанлы камодыс дась нин пөшти да мичаджыка ортсыяныс серлалыштны да краситыштны колө. Рудзөг пызьөн мынтысыны көсийсис, пуд мында шуис.

— Кольыштөма на, сідзкө, арся мырддьялөмөн чукөртөм бөрас?

— Зиль да озыр йөзылдөн, дерт, көнкө, дзедасьясас кольыштлис. Ассыныс семьясө вердны да водзө гөрны-көдзны налы вед колө жө. Сөмын өлөддис, мед пө, бара, оз жө йөзась миян та кузя сөрнитчөмыс.

— Огөй жө, дерт, сикт пасьтала кутөй горзыны та йылысь, — кыв көрталис Одя да пызан вылас сөй кружка тыр ульөв да ид нянь тор вайис. — На, нурьясышт, он кө көсий пөсь шыдтө виччысыштны.

— Ветла, татчө вед ог дыр.

Панте ид нянь сорыс юис йөвсө да кутис көмасыны-пасьтасыны: кыз сера дөраысь вурөм кузь гөленя тони нямөдөн көмалис, важиник ыж ку пась пасьталис, сылы-голя гөгөрыс гартыштис шабдi кудельысь печкөм ён сунис йылө көч бөжъяс йитөмөн вөчөм шарп, кытсюрө лысөм жө нин кузь пеля көч ку шапкаасис. Посводзас неуна падьялыштөм бөрын лазьясис, лаз козьянас сюйыштис вөрө ветлан черсө — гашкө, езсө виддалигас-лөсьөдигас мыйкө керыштны ковмас, а лаз морөс пытшкөс зептас неыджид сера дөра мешөк — чери кө шедас. Посводз пельөссыс босьтис шуйга киняулас лызьсө, веськыд кияс койбедьсө да петис ывла вылас. Югдыны нин заводитөма. Панте тэр-масьтөг лэччис Изьва вылө, вөла туйөдыс вуджис мөдарас да кыр йылас кайөм бөрын сувтис аслас лызь туй вылө.

Лызь туйыс сэсся ачыс нуөдис Пантеос кытчө колө: бадь кустьяс пөлөн петис видз вылас, вуджис видзсө да вөр боктыс вөляысь, тэр-масьтөг кокниа ислөддис лызьяссө. Ньывкөсъясаинтыс лөсыда шливкнитлис горув, и паныдсө восьлалис кокниа, содтөд выныштчытөг. Дзикөдз югдис. Панте радлис, мый Ен сылы сетө вын да эбөс тазви вот кокниа, мудз төдтөг шливкьяны сылөн. Сингьясыс нимкодьясьоны гьөрзөм, быгттьө вөснин эзыс сунисьясысь кьом прөшвиясөн баситчөм бадь да льөм кустьясөн, кызд пуясөн, пельясыс кывзөны орчча вөрыс-

лысь геждо трачкӧдчыштысь чӧв-лӧньсӧ. Мед эськӧ и водзӧ тадзи лоӧ. Сё пасибӧ — Ӧдякӧд гоziӧдiн-ӧтлаалiн да... Мича да шань анькӧд... Радейтыськӧд да... Зiлькӧд да... Мишӧным вот... А кыз бара-й дзик шог тӧдтӧгыс... Жебмам вед, да йӧзлысь шогсӧ ог кутӧй кылны да... Мишуктӧ мянлы ыстылiн да... Но милӧстыд кӧ лоӧ, бара на кодӧскӧ ыстан... Тэнад вӧляыс... Небесаын и Му ылын... Кӧсьтаӧс со бара мянлы ловзӧдiн... Слава те, Господи... Во веки...

Пантелӧн лызьясыс важ лызь туйӧдыс гылыда шливкъялісны. Сiдз жӧ кокниа лӧбалісны Пантелӧн думъясыс, а Кӧсьтаӧ крукасисны мӧвпъясыс, да сьӧлӧмас пырис майшасян вуджӧр: "Куш кучикыс и лыыс Кӧсьталӧн кольӧма. Сы мында лӧксӧ, коньӧрӧй, терпитӧма, а важ кодъыс на быттӧ. Сiдз на век быттӧ збоялӧ. А мыйкӧ вежсьӧма... Сьӧлӧмыс, буракӧ, чорзьӧма. Кутшӧмкӧ выль олӧм йылысь сёрнитӧ, а висьталігас скӧралӧ озырджыктяс вылӧ. Кутшӧм выль олӧм нӧ? Олӧмас, Енмӧн ловзӧбӧдмянь, век сiдзи вӧлі: ӧтияс озырджыкӧсь, мӧдьяс гӧлджыкӧсь. Сiдзи век и лоӧ. А Кӧсьта, сёрни сертиыс, мыйкӧ кӧсйӧ ачыс вежны... Ен сӧмын вермас мянлысь олӧмсӧ вежны... Кыдзи ыджыдджык воксӧ кутны олӧмас лӧк, вильскӧб туй вылӧ кежӧмысь, Енлы эскан туй вылӧ веськӧдны? О, Отче наш, отсав Кӧсьталы, не введи во искушение да избави сийӧс от лукаваго. Твое есть сарство и сила и слава веки. А менам вынӧй-эбӧсӧй, ни вежӧрӧй оз тырмы сы вылӧ. Мед жӧ бара сiдз лоӧ..."

Егор Панте пӧрччыліс кушенча кепысьсӧ да паськыда пернапасасис. Збылысь, ӧна и таялӧмаӧсь кӧчьясыс, Кӧча раскӧдзис на гӧгӧр вӧлі кӧч кок туй. Кык капкан кӧчьяс сюрӧмаӧсь. Но и слабог, оз кушӧн Панте гортас лок. Капканъяссӧ выльысь окталӧм бӧрын сийӧ кыкнан кӧчсӧ водз да бӧр кокъясӧдыс кӧв йылӧ кӧрталӧмӧн пельпом вомӧныс ӧшӧдiс мыш саяс.

Езьяс дорӧ кежалан туйыс Кыдза ёльӧдз тасянь на, кӧнкӧ, верст мында вӧлі, а дась таялӧм лызь туйӧдыд Панте здукӧн воис. Кӧчильясыс на кӧ сылысь русӧ кыпӧдiсны-а, вомгорулас сьылан мургитырай тай шливкйис-исковтiс. И бара удача: куим гымга лӧптлыіс, да куимнанас чери пырыштӧма. Мед, абу кӧ уна, а шедӧма. Гымгайяссӧ выльысь вӧйталігкості чериясыс кынмыштӧмаӧсь. Панте мешӧкас суйис кык весыт кузя вит налим да нель ком. И гортас бӧр локтiс вомгорулас сьылан мургитырай жӧ.

— Кык кӧч, вит налим да ком чери вайи, — нимкодпырысь юӧртiс Панте керкаас пырис да. — Посводзӧ коли.

— Но, слабог тай, Енмыс сетыштӧма на, — сiдз жӧ нимкодья вочавидзис и Ӧдя. — Пӧрччысь да пуксы пызан саяс, пӧсь шыдтӧ час вая. Кынӧмыд, кӧнкӧ, ӧна нiн сьумаліс.

— Эз на эськӧ торъя да.

— Ме вӧчасян керкатӧ ломтышгi. Неважӧн петалі, да шоньд нiн.

— Сiдзкӧ пемдытӧдзис ме сэнi ноксышта, — тэрмасьтӧг панясигмозыс сёрнитiс Панте. — А рытланьыс Кӧсьтаясӧ петаллам.

— Петаллам.

— Ме локтигӧн мый думайтi. Ӧти кӧчсӧ да черисӧ юква пумӧн налы петкӧдам, — Панте юалана видзӧдiс Ӧдя вылӧ.

А Ӧдя сулаліс пачводзас шуйга кисӧ киняулас суйыштӧмӧн, а веськыднас щӧкаас мыджсьӧмӧн, видзӧдiс панясысь Панте вылӧ радейтана синъясӧн.

— Петкӧдам, дерт. Миян и кӧч яйыд на эм, и черитор выим вӧлӧга вылӧ. А кор на Кӧсьта вӧрас петас да кыйсянъяссӧ лӧсьӧдас.

— Кӧсьта эськӧ сийӧ сюсь да. Кос вылас на тай элясьӧ.

— Кыдз нӧ он элясь, любай, шыкӧн кӧ коскад сутшкаласны, — жалитана довкйӧдышгiс юрнас Ӧдя.

— Сiдз тай вӧлӧма, висьталӧ. Пленид, буракӧ, абу на ма сийӧ.

— Ид нянь торыыс сийӧ тэныд да мый он сей? — казьяліс Ӧдя.

— А ме яй сорыс шыдсӧ панялі да пӧтi.

— Сей, Панте, сей. Миян вылӧ кӧ кутан видзӧдны, кокйӧртӧ ӧдий

ородас. Коді нō сэки мянōс пыкысьыс лоō? Сей, Пантюш. Йолнас сей, — кевмысяна нин корис Одя.

Панте кывзысис шань гōтырсō да йōвсō ырскигмоз някляліс сылы вайōм няньсō.

Вōчасян керкаас вōлі шоныд и югыд: кык пōвста, олан керкаын кодь жō гырысь ошиньяс бура кутісны шоныдсō и керка пытшкōссō югдōдісны ывла югыднас. Тайō дзоляник да ляпкыдіник кильчō-повдзтōм керкасō Панте гōтрасян первой воас на и думыштліс, кор Вась Марья да Одя петкōдлісны, кутшōм струментьяс кольōма Иван Петырлōн кувсьōм бōрас. Уна вōлōма сылōн, вōчасысылōн, струментыс. Дзонь пыж вылō на дась пōвьяс вōлі сараяс и. Важмыштōма нин, дерт, вōлі, но пыж вōчны шогмис на. Сэк сійō и думыштіс вōчасянін лōсьбōдōм йылысь. Сараяс нō уна-ō вōчасян? Гожōмнас ещō позьō на сарай одзōссō гурйив восьтōмōн. А ар-тōвьяснас, кор буретш унджык кад позьō вичмōдны вōчасьōм вылō? Пемыд, кōдзыд, нōшта и сарай тырыс турун — кутшōм вōчасьōм. Батыс да Кōсьта отсалісны и вōрсō дасьтыны и срубсō да керка вевтсō лэптыны. И артмис кык сыв пасьята да куйм сыв кузьта зэв лōсьыд вōчасянін. Дзоля пачыс шонтіс, и пач плита вылас позьō вōлі ва шонтыны. Майбыр! Сійōн на медясō Ёгор Панте регыд кутіс кывсыны бур вōчасысьсōн. Пыжыс пō сылōн медсюся тювкōс, кураньяснас турун медкокни куртны, ошинь курич-рамаясыс топыдōсь. Весиг озыра олысь йōз шуōны, мый Ёгор Пантелысь пō и шкап-камодьяссō да диваньяссō, вōчас кō, позьō горничаясō сувтōдны. И доньясигас пō некор Ентō оз вунōд.

Сідзи и эм. Сэксянь Ёгор Пантелōн вōчасōн быдсяма вōчасян струментыс чукōрмис-содіс: и керасян-лōсасяныс, и пилитан-стружитаныс, и пискōдан-розьōданыс, и... Ставыс век лэчыд, ёсь. Стен пōлōныс ставсō аслас лōсьбōдōм местаō суйыштōма-ōшōдōма да корсысьтōг босьтō, кор кутшōм струмент Пантелы колō. Дерт, и кужанлуныс Пантелōн кыптіс. Сійōн и видз-му овмōссō, гашкō, водзō эз паськōдны да. Мый Иван Петыр вōчлōма да кольлōма, сійōс и водзō вōдитōны. Онōдз тай кык вōв да куйм мōска-кукань вермисны кутны-а. А Пантелōн вōчасьōмнас нажōвитōм сьōмыс тырмис и нянь-сов да чай-сакар вылō, и йōз дорысь не лēкджыка кōмасьны-пасьясыны. Весиг и чōжыштны на вермисны.

Пантелōн киясыс вōчисны какод эштōдан уджсō, а юрас бергалісны и бергалісны быдсяма мōвпьяс... Ставыс ладнō. Ставыс бур... Но таво... Сьōкыд лоō тōв-тулыссō вуджны, ок, кутшōм сьōкыд. Со Изъядорын кыдзи нин тшыгьялōны, идзас сора кач сейōны. Куканьсō, кōнкō, налы ковмас жō начкыны: туруныс этша чукōрмис, а вōлōгаыд тулысланьыс кыдзи ковмас. А, гашкō, и пōрысьджык мōссō тшōтш... Уна-ō нō йōв оні Мишатōгныс колō? Йōлыд эськō колō да... Сійō на медся колана вōлōгаыс...

— Пемдіс нин да мыйкō аддзан на? — торкис Пантелысь мōвпьяссō Одя.

А Панте весиг сылысь пырōмсō эз кывлы — Одя сысянь киōн судзōдмōн нин сулаліс юр вылас плавгōм вурун шалля.

— Малася на тай мыйкō-а. Пемдіс эськō да. Уджыс быгттьō менам эштіс жō-и. Аски югыднас ещō видзōдла.

— Лок пажнайтны, — корис Одя.

Панте кисō лэптыліс, шенасьыштіс.

— Рыгнас мōдысь колмас дзоляника ломтыштны, мед краситōмыс вōляысь косьмас. Лок петам и эм, талун кежлō тырмас.

Одя петіс Панте водзын, а Панте петōм бōрас топыда пōдлаліс одзōссō да бергōдіс пуй калічсō — игналіс одзōссō вощьōмысь.

Пажнайтём бѳрас нюжмасьтѳг и мунісны Панте да Ѳдя Кѳсь-
таясѳ, мичаджыка пасьтасісны да. Панте кѳчсѳ тубыртіс сера дѳраѳ
— бѳр кокьясыс сѳмын неуна чурвидзыштісны, да тубрассѳ кіняулас
босьтіс. Ѳдя ічѳтік рузум піѳ жѳ тубыртіс кын черісѳ: куим налім
да кык ком.

Кѳьгьяслысь выль керка пытшкѳссѳ югзѳдїс пызан вылас су-
лалысь кока семілінейнѳй лампа. Красітѳм джодж пасьталаыс воль-
салѳмаѳсь мича серьяса джодж дѳраяс, ѳшіньяссѳ и пѳлать вывсѳ
вевтѳмаѳсь зѳв жѳ мича занавесьясѳн. Сэтшѳм жѳ занавесьясѳн и
пачводзсѳ бытѳѳ ѳѳз сінгьясысь сайѳдѳмаѳсь. Керкаас шоныд,
югыд, гажа. Татшѳм керкаас пырас да мортыдлысь, абу кѳ пырысьыс,
дерт, лѳк кѳйысь, сьѳлѳмсѳ гажѳдан, лѳньѳдан ру шымыртѳ. Панте
да Ѳдя ен ув пельѳс водзас орчѳн улѳдз копрасьѳмѳн куимысь
пернапасасісны.

— Бур дзоньвидзалун тіянлы, — юрбітѳм бѳрас видзаасіс Панте,
відзѳдліс, кытчѳ пуктыны тубрассѳ да порог дорас джоджас и коліс.

— Шойчѳѳ-шонтысьѳй. Дженьыд кока гѳсьгьяс вѳлѳмныд, — воча,
шмонітѳмѳн видзаасіс Кѳсьта. Сіѳѳ пукаліс лабичас, пызан помас,
лампа дорас матынджык. Утьгьясны заводітѳма. Орчѳн ськѳд кы-
сянѳн пукаліс Марпа. — Марпа муртса на удітіс пызан ідралны.

— Мі дзік жѳ на сѳмын пызан сайысь. Панте пемыдѳдзыс Ош
Мітрѳпан камодѳн ноксіс да тіянѳ сідз пукалыштны локтім, — Ѳдя
корсьысис жѳ сіннас, кытчѳ пуктыны асьыс дзѳлянік тубрассѳ, эз
адзы да шыѳдчис Марпа дорѳ, коді кысянсѳ лабичас нін пуктіс. —
Та нѳ гѳснечтор вайим да, Марпа, кутшѳмкѳ доз вайлы пуктыны.
Панте асылнас капкангьяссѳ відлалны ветліс, езсѳ тшѳтш да, кык кѳч
да чері шедыштѳма.

— Оз нін кол вѳлі миянлы вайны, аслыныд на, кѳнкѳ, абу лишнѳй,
— шуис, а пачводз занавесьяс саяс Марпа ветліс німкодья вашгьяліг-
тырїи. Сѳні гольѳдчыштїс да Ѳдя дорѳ локтіс дзѳлянік чуманѳн. —
Этатчѳ, гашкѳ.

— Кысь эськѳ лишнѳйыс да, дзѳляніка тіянлы свежѳй черінас
номсасьыштны. Куим налім да кык ком, — Ѳдя разіс тубрассѳ да
кын черісѳ пуктіс чуманас. — А миянлы оз на позь злясьны. Слабог,
Ен сетѳ да Панте быд лун кост мысьт на свежѳй черітѳ вайыштілѳ.
Кѳч яйтѳг арсяньыс эг кольѳй ні.

— Сѳ майбырѳй, Марпа гажѳдѳма да гажѳдѳма керкатѳ да горні-
чаысь на гагаджык, — ошкыштїс керканысѳ Ѳдя.

— Асьыд гортѳ вед сѳсья кыдзи кужан, сідзи и лѳсьѳдан, — ра-
ма вочавідзис Марпа, но эз вешты ошкыштѳмсѳ — сылы німкодѳ
жѳ вѳлі ошкыштѳмыс. — Занавесьяссѳ тайѳ ставсѳ Сергей вокѳ
козьналліс. Джодж дѳраяссѳ эськѳ ставсѳ ачым кыи да. Кѳсьтаѳс век
виччысы.

— Шань батѳ-мамыдлѳн тай и ныв-піяныс шаньѳсь, майбырѳй, —
водзѳ ошкіс Ѳдя.

— Евангеліеын сідз и шуѳма: всякѳй добрѳй дерево пѳ добрѳй
плоды пріносіт, — сѳглас содтіс Панте.

— Пѳрччысьѳй вай, лічѳдчѳй, — коріс Кѳсьта гѳсьгьясѳс да бѳкѳ
жѳ пуктіс утьгьянсѳ. Судзѳдїс лабичсьыс табак кѳшельсѳ, гартыштїс
чігарка да лампа стеклѳ вылысас нюжѳдчѳмѳн вель дыр упкіс-ѳзтіс
чігаркасѳ, а ѳзїѳм бѳрас первѳйысь горша кыкыштѳмысь дыр
тшѳкьяліс.

— Арнас лѳчкѳн кыйыштілі сіасігмоз, но сьѳлаыс таво этша, во-
тѳсыд эз артмы да. А рѳштводз поводдяыс ѳна небзыліс да и кѳчыс
ѳмѳля жѳ шедїс. Ѳні сѳсья кѳдздѳдыштїс да веськалѳджык нін, —
тѳрмасьтѳг пѳрччысігмозыс висьталїс вокыслы Панте аслас кыйсян
делѳяс йылысь. — А ылѳджыксѳ зверь-пѳтка кыйны ог нін ветлы.

Лыйсьбѡн кыйѡм, сингъясѡй вѡлѡм ылѡдлѡны да, менам оз ладмы. А пищальтѡгъд вѡрад гажтѡмджык жѡ.

— Пищальтѡг вѡрын кыйсьѡм, дерт, гажтѡм олѡм, — сѡгласитчис Кѡсьта. — Мен эськѡ колѡ жѡ вѡрѡ петалны да, со куйм вежон нѡн гортын бокъясѡс пѡжа. Кыйсян кѡлуйѡс эськѡ ставсѡ жѡ нѡн вид-лалѡма и лѡсьѡдѡма да.

— Сы мында во мучитчин да тшыгъялѡн да, буракѡ, куйм вежонѡн он на дзыкѡдз бурд. Энт на тѡрмась, вѡрыд оз на пышый, ставыс на тѡнад водзын, — жалитис-лѡньѡдис верѡссѡ Марпа.

— Сэсся вед баба сьылѡ вылын ог кут сы дыра пукалны.

— Сы йылысь тѡ и думайтны эн лысьт, некод сьылѡ вылын он пукал. Ставыс миян ѡтувъя: керка-карта, вѡл и мѡс, видз и му. А тѡтѡг менам вит во нинѡм эз вѡл. Тѡ ловзин, да и ме ловзи. Кытчѡдз дзыкѡдз он бурд, сѡтчѡдз и кутан бурдѡдчыны. Бурдан да, небось, он на кут бокъястѡ пѡжны да жуйявны, ставыс на тѡдѡны Ёгор Кѡсьтаѡс, — чорыда шуис, лѡньѡдис Кѡсьтаѡс Марпа.

— Чужѡм вылад тай эськѡ важ кодъыд нѡн кутѡн лоны да... Шань да, мича да... Коскыд нѡ? — Ѧдя сингъяссѡ вештывтѡг видзѡдис Кѡсьта вылѡ.

Кѡсьта тшѡкъялѡг моз серѡктис.

— И дзоньвидзалуныс, и мичлуныс и — ставыс миян колѡс нѡйт окопъясѡ, германияса лагерьясын немеч штык йылѡ.

— Кадыс да Енмыс ставсѡ бурдѡдас, — Панте пернапасасис. — Важсыйс сюсьджыка кутан вѡралны.

— Эк, Панте, Енмыд буретш кор колѡ, некор абу. Сы мында лѡкыс му вылас, сѡкыдыс, мучитчѡмыс. Оз тай отсал. Быттѡ нинѡм оз аддзы и нинѡм оз тѡд, мый вѡчсьѡ.

— Дона воканѡй, эн тадзи сѡрнит. Енмыд быдлаын, быд здукѡ мѡянкѡд, ставсѡ тѡдѡ и ставсѡ аддзѡ. Эскыны сѡмын колѡ Сылы, сѡки Сѡйѡ век тѡкѡд и лѡѡ.

— Кѡн нѡ, сѡдзкѡ, Сѡйѡ вѡлѡ, мыйла эз отсал, кор гырысь из перья-нѡнысь лагерѡ пыригѡн мѡянлы немеч часѡвѡйяс быд дасѡд мортлы коскѡ штыкѡн бытшкѡлисны? Меным куймысь сюрлѡ. Мыйла лѡдзис пищальтѡм йѡзсѡ бытшлалны?

— Ме тѡкѡд, Кѡсьта, ог вермы вензъыны: тѡ уна ветлѡн, уна тѡдан, быдсыма сѡкыдыс тѡд сюрлѡ. А ме нѡ мый? Изъядорсянь Ку-лѡмдѡнѡдз лѡччылѡ жѡ тай-а. Но Ентѡг мортлы оз позь. Ентѡг мѡянѡс немѡнуча бѡрся немѡнуча кутас суны. Дьявѡл вермас.

— А ми вед огѡй же ентѡг, мѡян асланым Ен. Абу Исус Крѡстос, Германияын Роза Люсенбур, а Россияын Ульянов-Ленин пѡ.

— Господи, прѡстит воканѡс татшѡм кылъяссыйс, — шѡпкѡдис аслыс Панте да пернапасасис. А Кѡсьталысь гораа юалѡс: — А найѡ нѡ небесаынѡсь жѡ?

Кѡсьта коса, увтыртыштана серѡктис:

— Найѡ ми моз жѡ му вывтѡ ветлѡдлысьяс. Но-о-о, вежѡра юраѡс. Тѡдѡны, кыдзи мѡянлысь олѡмсѡ выль ног котыртны, мед му вылас ставыс шудаѡс вѡлѡны. И на бѡрся мирса став уджалысь йѡзыс, гѡля олысьясыс, мунѡны. Найѡс коммунистьясѡн шуѡны. А Ульянов-Ленин нѡшта и большевик.

— Ме ог тѡд... сѡтшѡм енгъяссѡ... И ог кѡсый тѡдны. Ѧти Ен мѡян, да сьлѡн Исус Крѡстос пиыс.

— А ме тѡдмѡда. Ме ачым ѡнѡ большевикъяскѡд жѡ кѡсьта выль олѡмсѡ тшѡтш котыртны отсавны.

— Некод оз вермы небесаѡ кыпѡдчѡм Енмѡс вѡйпѡдны, ни вѡйпны, Тайѡ великѡй грек. Сылы колѡ эскыны, сѡлѡмад кутны, Сѡйѡ велѡдѡм серти олны.

— Кодѡ меным оз отсал, сылы ме ог вермы эскыны. Сѡйѡ меным абу.

— Пантюш, эн ыджыдджык вокыдкѡд вензъы. Сылы сѡтшѡма на

колө шойччыны да бурдодчыны, — кык вок вензьом костө суйсис
Öдя, мед дугодны налысь вензьомсө.

— Ме вед ог венззы. Ме сөмын шуа, мый оз позь сьолөмын
Ентөг олны. Ентөг олігөн некор лолыдды кокниис оз сюрлы. Ентө кө
вунөда, ме пыр и кула. Енлысь бур шуалөмгыяссө лыддыштла да пыр
и кокняммө.

— Ол, вокө, ол Öдядкөд, эн бара кул. Дыр олөй. А ми Марпакөд
ас вылө кутам надейтчыны.

— А ме вед, Косьта, эска жө Енмыдды.

Косьта мукөддырся дорысь дырджык видзөдліс орччөн пукалысь
гөтыр вылас, сэсся ичөтджык вокыс вылө.

— Эскөй, колөкө, во-мөд мысти, оломсө вежам да, аддзанныд, Ен
али асьным вермам бурмөдны оломсө.

Сёрниис ори, кызкө эз ло лөсьыд. Код төдас, коді эськө босыт-
чы сёрни висьсө водзө нубдны, эз кө керкаас сувтлөм чөв-лөнсьө
торк пос помас гын сапөгыяс роскөн пыркөдөм, сэсся кильчө пость-
ясылөн дзуртышталөм шы. Кодкө найөясө локтіс. Пырис Опонь
Митрей.

— Бур рыт, — пөрччис шапкасө да видзаасис сійө керкаын
пукалысьяскөд ставныскөд өттшөттш. — Косьтаясын гөстыяс вөлө-
маөсь. Мися жө, югыд биаөсь.

— Пуксы шойччы-шонтгыс, Апанасьевич, — пыдди пуктана во-
чавидзис Марпа.

— Ме бөрө-водзө. Косьта дорө.

— А висьталісны, Кыргядинө пө мунөмыд? — юаліс ли висьталіс
ли Косьта. Гөлөсас тай шенззыштөм кыліс-а.

— Ме пажын гөгөрын вои сэтысь.

— Но, өдйө тай. Пуксыштлы, — корис и Косьта.

— Ог. Öндрей Миш Горди дорө на колө мен пыраллыны. Колө
чукөртчылыны талун. Сёрни выим.

— Мый йылысь кө?

— Сэні висьтала. Совет керкаө чукөртчам. Абу кө некутшөм эновт-
лыны позьтөм удж, эн ёна манитчы. Ме Пиля Öндрей Мишгыясө
пыралла дай муна сэтчө.

— Колө кө — локта.

— Колө, Косьта, колө! — Опонь Митрей дженыда, но стрөга
төдчөдіс чукөртчывны коланлунсө.

— Локта. Манитчытөг, — сідз жө дженыда вочавидзис Косьта.

— Сідзкө, виччысям, — шапкаасигмозыс нин Косьтаөс өлөдіс
Опонь Митрей да сідз порог дорсыс ылыстчывтөг, ни пуксышт-
лытөг четіс.

Опонь Митрей петөм бөрын Косьта пыр жө кутіс мөдөдчыны.
Сыкөд тшөттш пукалысьяс шемөсмисны.

— Опонь Митрей нө ыджыдыс тэ вылын али мый, зэв тай чо-
рыда быттө тэкөд сёрнитіс? — рама юаліс вокыслысь Панте.

— Митрей миян коммунистьяслөн партячейкаөн веськөддысь. А
миян, коммунистьяслөн, чорыд дисциплина.

— Тэ нө коммунистьяскөд тшөттш али мый?

— Да. Ме тай висьталлі нін: менө мездісны немортөдз воөмысь,
кулөмысь германияса коммунистьяс, а тані ме ачым пыри боль-
шевикьяслөн партячейкаө. Кута мукөд коммунистьяскөд тшөттш гөль
уджалысь йөзсө нартитөмысь мездыны. Вьль, шуда олом вөсна
тышкасьны.

Пантелөн дойөн ёвкнитіс сьолөмыс, сійө төддытөгыс пернапасасис.
Панте кывліс нин коммунистьяс йывсьыд. Антикритьяс пө найө,
Енлы паныд мунөны, судзсьөмөнджык олысьяслысь пө овмөсьяссө
ставсө көйөны мырдыны да став йөзсө өтгудырө гудыртны да
сідзи овны. Со батысьяслөн вит чоя-вока да ставныслөн асланыс
семья, асланыс овмөс. Кыдзи нө Енлы эскытөг да өтгудыртчөмөн

позяс овны? Грек. Грек тайо. Да и йозлысь мыйкo мырдявны ыджыдсыс-ыджыд грек.

— Ентoм туйыд вед, воканoй, некытчo бурoдз оз вермы вайoдны. Сьoкыд oлoм кoсьян аслыд бoрйыны, да мукoдoс сэтчань нуoдны? Ен жo мед бара видзас тэнo став лeксыс, — рама да кыз-мый вермыс небыдджыка сиис Кoсьталы ичoтджык вокыс.

— Тэ, Панте, аслад ен дoрo мeнo эн кыскы. Тэнад юрад сoмын ен да батюшка-поп, а ми ас вежoр да вын-эбoс вылo мыджсям. Ладнo, тi пукалoй на, а ме ветла. Мoдысь сэсся.

— Кoсьта, тэ эн на весиг бурдныд удит... Гашкo, оз на кол тэр-масьны... Дзикoдз бурдoдчан дай сэки тыдолтчас, мый вoчны, — видзчысяна, полoмпырысь кoсийс кутны верoссo Марпа.

— Сэсся тэнад юбка улын кута водзo пoжсьыны, мужик! Абу вед дзик вермытoм висьысь, вoрo со мoдoдча, — Кoсьта петис да крапкис oдзoссo.

— Эн eна шогсьы, Марпа. Кoсьталы, дерт на, сьoкыд жo, некор сийo ки-кокьяссo кресталoмoн эз пукаллы, — бoсьтчис бурoдны жу-гыльмoм Марпаoс Панте. — Енлы кутам кeлмысьны, мед ставыс бур лoo. Миян мешoкын вель уна кoч бoж выим, да Oдя паськыдджык шoныд кoртoд Кoсьталы лoсьoдас кoссo шoныдын видзны. Шoныдыд бурдoдас. Мен тай сьылi гoгoр кoрталны вoчис да красуйтча-а — небыд да, шoныд да. Дзoляник бoжтор кoчильoн, а, сeмoкoсьтыд, лoсьыда, буракo, шoнтo сылысь ситансo, — серoктис Панте. — А Кoсьта вылад эн скoрал, Марпа.

— Да ог ме скoрал, а жалита, — синьяссo чышкалыштис Марпа. — Сэсся кутшoмкo ячейкаo пырoма да... Ентo дзикoдз oтдортo да... Сьoлoмoй сы вoсна и висьo.

— Сийo вед и вoйдoр, томджык дырйиыс, эз eна эскыл. Енмыс милoстя, прoститас миянлы ставсo.

— А ме сэтшoм шoныд кoртoдтo Кoсьталы аски и вoча. Куим ли, нель ли, видзoдла, сунис йылo йита да oтилаo вура. Шoнтас, небoсь, кoсьястo, — кoсийсис Oдя.

— Ми сэсся мунам жo, — кутис пасьтасьны Панте.

— Сэсся водзo частoджык пыралoй. Кoсьталы вед сьoкыдiнад да дзeскыдiнад дыр oлoм бoрад бур лoo.

— Пыраллам, дерт, ог на кутoй oтдортчыны.

— Пантелы сoмын колo видзчысьoмoнджык... Oни вед кокни дoз-мoдны Кoсьтаoс. Сы мында ас вывтыс шог да сьoкыд нуис, — coдтис Oдя. — Енмыд oд сьлoн пытшкoсас эськo эм на, кoнкo, да, кoть и збoялыштo.

— Ог кут сэсся водзo аслам сeрниясoн дoзмoдчыны. Ставыслы Енлoн вoля. Мед оз дoзмы да видзас миянлысь Кoсьта-мученикoс.

Панте шапкаасьтoдзыс пернапасасис, сы бoрся и Oдя да Марпа, и гoсьтыяс Марпалoн да Кoсьталoн мунисны гортас.

6.

Дас сизимoд вoся ноябрь тoлысь помын, кор Россия пасьтала гы-рыся вoсьлалис Октябрьскoй революция, Изьядoрын мирскoй скoд вылын бoрйисны сельскoй управление: старoстаoс, кык кандидатoс да вит милиционерoс. Быд ыджыдджык сиктын мед вoлис асланыс милиционер. Старoстанас бoрйисны Епим Oпoнь Митрейoс. А Oпoнь Митрей корис аслыс oтсасьысьнас кольны Елизавета Павловнаoс. Эз нин писарь пыдди, а вель должностын — секретарoн. Oпoнь Митрейлoн лoи ззв грамотнoй, вежoра oтсасьысь — Елизавета Павловна. Майбыр, нывбабаыс быдторсo кужo гижны и артавны — шог абу. Мед став гижан уджсo, вель властьлысь индoдьяссo oддзoдны, Oпoнь Митрей вoзйис сельскoй управлениeсo вуджoдны Елизавета Павловна oрдo, Вась Павел керкаса oвмoдтoм жырьяс. И ыджыд бур

вöчис Елизавета Павловналы: казенной пёс лоö, и содтöд сьöмтор вичмас öткөн олысь нывбабалы. А Елизавета Павловна, сöмын шы- ась, — быд здуко удж вылын лоö. Сийö татшöм шуöмыслы весиг рад лоис: мыйла сылы öтнаслы та ыджа керкаыс! Пыр и сöгласитчис, дон йывсьыс весиг эз юав. Во мысти — дас көкьямысöд вося ноябрь помын жö, гождьмнас Усть-Сы сольскса уездной Сöветысь эсэрьясöс дзикöдз вöтлöм бöрын нин, Изъядорса сиктъяс бара шызылысны: бöрйисны, Кыръядин вöлөстьö пырысь изъядорса гöль крестьяналысь сиктса Сöвет — Изъядорский сельский Совет крестьянской бедноты шусис. Сöветас бöрйисны дас öкмыс депутатöс — быд грездысь кык- куим депутатөн да пöчинокъясысь öтик депутат. А Сöветнас юра- лысьөн бара на колисны Епим Опонь Митрейöс. Сöветсö бöрйины волис Кыръядин Сöветысь юралысьсö вежыс Пименов. Сийö жö котыртис Изъядорын большевикъяслөн Коммунистической партиялысь ячейка, кытчö пырисны куим морт: Епим Опонь Митрей, Епим Опонь Вась Да Епим Опонь Емель Уляшевъяс — куим вок. А ячей- канас веськöдлысьөн индिसны медыджыд воксö — Митрейсö. Сийö водз- джык на, Кыръядинын, гижсьылис большевикъяслөн партия шленö.

— Вот, öни тi лоинныд Изъядорын борльшевистской партиялысь визьсö нуöдöмысь кыв кутысьяс, танi выль олöмсö котыртысьясыс. Партиялысь быд тшöктöм и шуöм кыв шутöг олöмö пöртысьясыс. Тайö ыджыд кыв кутöм. Колö уджавны, мед унджыкөн пырисны миян радö — сэки кокниджык лоö большевистской партиялысь визьсö кутны.

Тадзи веськыда и стрöга кыв көрталис партячейка котыртысь, ставсö шуöм да гижöм бöрын...

Кöсьта мöдöдчигкостi Опонь Митрей удитöма Пиля Öндрей Мишгясö пыравлыны — Гордиыс тан жö нин вöли — да пукалис пызан саяс. Пызан помас пукалис Елизавета Павловна — сы водзын вöлины бумага листъяс, чернила доз да ручка. Митрей да Елизавета Павловна пукалисны öтпöлöсөн, а лабичас пукалысьяс абу на пöрччысьöмаöсь, оз көйыны ли. Сöмын пась кизьяссö разялöмаöсь.

— Но вот, öни ми ставным, — юöртис Кöсьта пырöм бöрын Опонь Митрей. Виччысьыштитсi Кöсьталысь пуксьöмсö да водзö висыталис. Зэлöдчöмөн, кывгьяссö корсявны сувтавлöмөн. — Ёртгяс! Талун кежлö... большевикъяслөн Коммунистической партиялөн изъядорса партячейкаын квайт шлен. Бöръя чукöртчылöмсянь... быдмис куим морт вылö: ранитчöм бöрын лечитчыны гортас локтитсi Гöрд Армияса командир Туланов Гордий Михайлович. Большевикъяслөн партияса шленö пырöма Гöрд Армияын. И немеч пленысь гортас воём Игушев Константин Егорович. Сiя шленö гижсис танi. Танi жö гижсис Уляшев Михаил Апанасевич. Сэсся менам пасйöма Сöвет власть да большевистской партия дор сулалысьясöс — дас кык морт. Талунъя чукöртчылöм вылö ме некодöс эг кор, Лизавета Павловнаысь кындзи. Лизавета Павловна кутас гижны миянлысь сёрнияс да шуöмгьяс. Тадзи колö. А талун колö миянлы ас костын на сёрнитыштны. Ме көсья тiяны юöртны медбöръя лоöмторгяс йылысь да сёрнитчыны, мый колö миянлы водзö вöчны. Сэсся колö сёрнитчыны Кыръядин вöлөсть улысь петöм да ашöр Изъядорса сикт Сöвет котыртöм йылысь. Сэсся кодлөн кутшöм сёрни кыптас, сы йылысь и сёрнитам. Кодлөн кутшöм вöзийöм лоö?

Лабичын пукалысьяс нинöм эз вöзийыны.

— Сидзкö, ёртгяс, вай пöрччысьлöй, нельзянныд шоныд керкаас гöна пасьяснад. Сёрниным вермас нюжалны.

— Тэ нö нельзымөн көсьян миянöс тан кутны? Ме недыр кежлö локтитсi, войöдзыс танi пукалны ог кут! — сразу вокыслы воча сувтитсi Опонь Емель.

— Тэ, Емель, ассыд лёк öбичатö шыбит! Кытчöдз лыддян асьтö партияса шленөн, пукал, а петан — киритам! Ме тэнö эг мырдөн суй! — чорыда öлöдiс ичöтджык воксö Митрей.

— Ладнӧ, пӧрччыслам. Но эн ёна дыр, позыӧ на и дженьыд-джыка сёрнитны, — эз кольчы бӧръя кывтӧг Емель, но пӧрччысыс.

— Ланьт, мися, пукал чӧла! — скӧрысь тшӧктіс вокыслы партячей-каӧн веськӧдлысь. — Сідзкӧ, водзӧ тадз. Ми быд чукӧртчылігӧн став сёрнисӧ и шуӧмъяссӧ кутам гижалны. Гиж, Лизавета Павловна, сёрни гижӧд; нумер один... Абу, нумер два нін тайӧ миян лоӧ. Первойыс Кыръядінӧ муніс. Сэсся уліас гиж...

— Ме тӧда, кыззи сёрни гижӧдтӧ гижны, — Елизавета Павловна чернила дозъяс перӧсӧ чутійӧдлӧмӧн гижис Опонь Митрей висьталӧм бӧрся.

— Ладнӧ. Значит, уліас: Изъядорса ячейка РКП(б) шленъяслӧн чукӧртчылӧмысь. Сэсся пасйы, кутшӧм талун лун. Эмӧсь: квайт шлен. И гиж миянӧс ставнымӧс. Сэсся гиж: **сёрнитанторъяс**. Сэсся гижам, мый йылысь кӧсйылім сёрнитны. **Первой**. Кыззи сійӧс и пасйыны? Ладнӧ, гиж тадзи: талунъя текущӧй политической момент Коми муын и Изъядорын. Висьталысьыс, значит, ме. **Мӧд**. Асшӧр Изъядорса гӧль крестьяна депутатъяслысь Совет котыртӧм йылысь. Вот тадз. А кой-мӧдсӧ мый шуми? А, да. Гиж: **Коймӧд**. Уна сикас. Нолтӧ, кодӧ татшӧм сёрнитанторъяс вӧсна, лэптӧй китӧ.

Митрей ачыс медводз кисӧ лэптис, но и лабичын пукалысьяс пӧшти сыкӧд жӧ ӧтшӧтш лэпталісны.

— Сідзкӧ, кылзӧй, мый ме кӧсйи висьталны. Емель водзвыл ползис, но ме дыр сёрнитны ог кут, асьныд тӧданныд, кыззи Изьва йылын йӧзыс олӧны. Унджыкыс идзас да кач вылын. Вежавожын да Ягкӧджын пӧ тшыгла кулӧмаяс нін эмӧсь. Абу дивӧ. Мый комбед арнас чукӧртліс, ми сійӧс сеталім нін торъя сьӧкыда олысьяслы. Отсалны водзӧ нинӧмӧн. Йӧзыс мӧсьяс кутісны начкалны. Асьныд тӧданныд, кыззи семьялы мӧстӧг олны. Эжва йылын дзик жӧ миян моз и: няньнысӧ и картофельнысӧ кынталӧма, и найӧ некутшӧм отсӧг сетны миянлы оз вермыны. Діурӧдз тӧвся туй писькӧдім, надейтчим Ляпинысь нянь вайны, а ставныс бӧр локтісны куш додъясӧн — Ляпинтӧ, сэтчӧ чукӧртлӧм няньнас и ставнас, еджыдъяс босьтӧмаӧсь. Тайӧ абу на ставыс. Печӧра улсянь бара жмитӧны еджыдъяс. Чилим босьтӧмаӧсь, Изьва вылысь нін кык сикт босьтӧмаӧсь. Гӧрд отрадъяс пӧ оз вермыны кутны, вынныс еджыдъяслӧн унджык: пушкаясӧн, пулеметьясӧн зырӧны. А Из сайсянь пӧ генерал Колчаклӧн еджыд отрадъяс жмитӧны. Печӧра йылысь некымын сикт нін босьтӧмаӧсь, на лыдын Якша. А Мылдінас... Чукӧртӧмаӧсь уна мортӧс, воюйтан арлядаясӧс Гӧрд Армияӧ босьтны, а найӧ бунт лэптӧмаӧсь: ӧткажитчӧмаӧсь служитны Гӧрд Армияын Совет власть дор. Виалӧмаӧсь и военкомсӧ, и Советын уджалысьясӧс, и коммунистыясӧс. Бунтыс шыбитчӧма мукӧд сиктыясӧ: сәні кулакъяс веськӧдлӧм улын сідз жӧ Советъяссӧ бырӧдӧмаӧсь, коммунистыясӧс виалӧмаӧсь. Зэв уна йӧз пӧ пӧгубитӧмаӧсь. И Мылдин ӧні контрреволюционнӧй кулакъяс кыин. Еджыдъяс дор воюйтысь ыджыд отрад котыртӧмаӧсь. Бунтсӧ лэптысьяс асьныс командуйтысьӧс пуктӧмаӧсь... Шуисны, кутшӧмкӧ пӧ Пищик... Иван ли, Петыр ли... Пленысь жӧ неважӧн воӧма.

— Кыззи, кыззи? — чошкӧдчис Ёгор Кӧсьта.

— Пищик кутшӧмкӧ.

— Пищик Петыр Иван?

— Сідз кӧ и шуисны-а...

— Вот сволочь, но и сволочь! — этшсыс петмӧн скӧрмис Ёгор Кӧсьта.

— Тэ сійӧс тӧдан али мый?

— Тӧда бара, тшӧтш пленын вӧлім, тшӧтш Роза Люсенбурлысь сёрнияссӧ кылылім, тшӧтш локтім... Ӑти кыл вӧлі сылысь кльӧщитӧг он вермы перйыны... Еджыд контра!.. Ещӧ и командир, сволочь!

— Вот татшӧм талунъя текущӧй политической момент. Вай сёрнитӧй, мый кутам тайӧ моментас вӧчны.

— Тэ Кыръядінын вӧлін. Сәні мый шуӧны?

— Ставсё тайос и висьталісны. Тшөктöны партячейка ёнмöдны, выль шленгясöс примитöны Совет власть дор сулалысьяс пиысь, да кулакгяс вылысь сингяс не вештыны. Мыйкө кө — сразу жö падгь-вгтöг йöртны томан сайö. Сідз веськыда и шуисны: энöй пö узьйö.

— Вайлöй мен кыл шуны, — чеччис лабичсыс да сувтсөн, шулга кинас шенасьмөн, весиг чышгян көртöд йылö öшöдөм кинас öтчид öвгыштліс, гора кутіс сёрнитны Миш Горди. — Вот мый шуа: сідзкө мянлань жмитöны войвывсянь и асылвълсянь. Сідзкө Гөрд Армияса отрадгьаслөн кө вынныс оз суйтчы, еджыдгьас мянөдз вермасны локны? Вермасны. Сідзкө мянлы аслыным ко-о-олö ко-отырт-ны гөрд партизанскöй отрад! Локтасны кө, шуам, татчöдз — мед ми вöлім дасьöсь паныдалны да пингьяснысö кистьалны налысь! Миян сиктгь-ясын тырмасны и лыины, и воюйтны кужысьяс, и повтöмлуныс коми кыйсьысыяслөн тырмас. Сідз ме сёрнита?

— Сідзтö эськө сідз да, мыйөн нö кутам пушкаясөн да пулемётгьясөн вооружитчөм еджыдгьаслысь пингьяссö кистьны? Кыйсян пищальясөн? Ни öти винтовка абу, — нгөжйөнникөн юаліс Епим Опонь Михайлö.

— Судзöдам. Котыртам отрадсö да вынсьöдам партячейкаын, сэся корам вынсьöдны кыргядінса военкомöс. Сы бöрын мянлы, и винтовкаяс да патронгьяс, гранатаяс да, колөкө, и пулемёт на сетасны. Абу кө Кыргядінын, ассыным мортöс уездö ыстылам. Вот, татшөм вöзйөм менам. Оз позь лэдзчысьмөн виччысьны еджыдгьаслысь локтөм. Висьталіс тай Митрей, мый лөма коммунистгьаскөд Мылдінын.

— Миш Горди пуксис. Керкаас вель дыр сулаліс чөв-лөнь, зілісны, буракö, Гордилысь вöзйөмсö артыштыны быд боксянь.

— Горди делö вöзйө. Колö котыртчыны көтгь ассыным сиктгьяс дорйыны, — гөлөссö сетіс Егор Косьта.

— Сэся некод оз көйы сёрнитны? — Митрей видзөдласнас кытшовтіс пукалысьясöс. — Сідзкө, первой сёрнитантор кузя ассыным шуөм гижам. Гиж, Лизавета Павловна. **Шуим:**

Первой. Ёнмöдны партячейка выль йөзöс примитөмөн.

Мöд. Быд партячейкаса шлены кыпöдны революция да Совет власть вöсна тöждысьмө да кулакгяс вылысь сингяс не вештылны.

Коймöд. Ыстылны уездö ассыным мортöс нянь отсөг корны.

Нельöд. Котыртны гөрд партизанскöй отрад.

— Энлöй, колö сразу гижны, коді кыл кутысьыс партизанскöй отрадсö котыртöмысь, — Митрей бара шыödчис пукалысьяс дорö. — А нöшта и командирсö талун пуктыны.

— Коді котыртас? — гыжйыштіс баялбөжсö Опонь Михайлö. — Ачид, көнкө, партячейкаөн веськөдлысь? А командирыс мян эм нін — Миш Горди Гөрд Армияса командир. Вот, кыкөн и котыртанныд, а ми отсалам.

— Ладнö, сідзкө сідз и гижам: **Витöд.** Партизанскöй отрадөн командуйтысьөн пуктам Туланов Гордей Михайловичöс. **Квайтöд.** Отрадсö котыртны тшөктам Уляшев Митрей Апанасьевичöс да Туланов Гордей Михайловичöс. **Сизимöд.** Кодöс ыстылам уездö нянь отсөгла? Март төлысын пö, гашкө, помас, лоас Советгьаслөн Нельöд съезд. Уезднöйыс. И сэтчө колö делегатöс бöрйыны, мед сэні сійö сёрнитіс веськыда съезд вылас Изгьядор вöлөсть котыртөм йылысь. И сійöс жö колмас тшөктыны отрадлы оружие корсьны, и нянь отсөг бытгь корны. Сідзкө, вай вуджам мөд сёрнитанторйö: Кыргядін улысь петөм да ашшөр Изгьядор вöлөсть котыртөм йылысь. Коді көйö сёрнитны?

— А мый сы йылысь сёрнитнысö? Колö торйөдчыны Кыргядінысь да и ставыс. Ылын сійö. Торйөдчам да асланым власть лөб, — мөдысь шыödчис Опонь Михайлö.

— Ме бара көся вöзйыны, — выльысь сувтіс Öндрей Миш Горди. — Локтігөн пыраллі уезднöй партийнöй организацияөн веськөдлысь дорас. Сэні матрос Андрианов. Вот, сэтчө колö ыстывны мян Педьöос. Сійö матрос Андрианов пыр унатор вермас судзöдны.

Найõ, бара, сёрнитчасны. Матрос матростõ кõtь кõни доръяс и отсалас. Сэтшõм налõн модаыс, ме тõда.

— Некод абу паныд? — юалис Опонь Митрей.

— Абу, мед ветлас матросыскõд больгыштны.

— Абу кõ некод паныд, гиж, Лизавета Павловна. Шуим: Усть-Сысольскõ Сõветъяслõн Нельõд Уездной сьезд вылõ делегатõн ыстыны Туланов Педõр Михайловичõс. Сийõс жõ тшõктыны Усть-Сысольскын судзõдны нянь да партизанской отрадлы õружие. Ставыс. Вуджам коймõд сёрнитанторйõ: **уна сикас**. Кодлõн кутшõм сёрни выим?

Сувтис чõв-лõнь. Чõв олыштõм бõрын шыõдчис Опонь Михайлõ.

— Ме Лизавета Павловна йылысь кõсья. Сõвет власть миян али абу? Кулакъяс мырддисны мамыслысь кагасõ да кык воысь дырджык нин кутõны, оз сетны мамыслы. Мамыс сы дыра шогсьõ-вийсьõ, а некод отсалысь абу... Власть ми али абу?

Опонь Михайлõ гарыштис Елизавета Павловналысь нимсõ, да сийõ первойсõ чошкõдчылис. Но кор кылис Петюксõ жалитана кывъяс, сьõлõм пытшыянысь кõ ылькнитис синваыс-а: кыкнан синсыс кутис тюрõбõн тюрны, да Лиза кутны эз вермы. Первой дзõляник чышъянõн кõсийс косõдны чужõмсõ, синъяссõ, а синваыс сõмын õддзис петнысõ, пельпомъяссõ Елизавета Павловналысь кутис сыркõдны. Сийõ ыджыд чышъяннас тупийс чужõмсõ да сыркъялгытърйи тэрмасьõмõн петис гортас, пласът уськõдчис крõватяс да вõля сетис синваыслы... Коймõд во!... Ко-ой-мõдõс вед, коньõр, Лиза сьõкыд шогсõ пыкõ, курыд синвасõ гусьõн кисьтõ!.. Виччысьõ, кор пиыс быдмыштас да ачыс шуас: мамук, ме тэнад дорõ кõсья... И котõртас сы дорõ, а Лиза кватитас сийõс, топõдас морõс бердас... Топыда, топыда, лэдзлытõм вылõ, мед некор нин сесся эз воштыв ассыс Петюксõ... Но шоглун бõрся шоглун волис, а ассыс Педюксõ сидз эз на и удайтчыв сьõлõм бердас топõддыны. Пиля Педотъяслы казачитысь Еленаыс кага нин вайис, мõдõн, висьталõны, сьõкыд ветлõдлõ, а сылысь Петюксõ оз лэдзны мамыс дорõ. И со талун Лизаõс, коньõрõс, жалитысь аддзысис, сийõс доръян кыв шуысь... Сийõс жалитõмысь и нормис сьõлõмыс Лизалõн, эз вермы кутчысынысõ.

Мужикъяс кыв ни джын эз шуны Елизавета Павловналы петигас. Сõвет керка õдзõс крапкысьõм бõрын сõмын шызысны.

— Збылысь, кутшõм сэтшõм закон серти вермõны Пиля Педотъяс мырддыны Елизавета Павловналысь писõ? Абу сэтшõм законъясыс! Тэ, Митрей, буракõ, кулакъяслы честьõ уськõдчыны кõсьян, Елизавета Павловна мед сир курыд синвасõ кисьтас, — пõся шõр вокыс дор сувтис и Емель!

— Кор Пиля Педот ылõдõмõн пышйõдис Елизавета Павловналысь писõ, законъясыс — и сар закон и вичко закон — дорйисны Пиля Педотъясõс. Мед пõ бõр локтас венчайтчõм мужик дорас, — шуис Опонь Митрей.

— Тэ, Митрей, буракõ, кулакъяслы честьõ уськõдчыны кõсьян. Елизавета Павловна мед сир курыд синвасõ кисьтас? — пõся сувтис шõркост вокыс дор Емель.

— Миянлы сар да вичко законъясыд!.. Ми асланым, большевистской законъяс серти кутам решайтны! — пуис Опонь Емель.

— Тэ лёк кылтõ пинь саяд видз, — õлõдõ сийõс вокыс.

— Елизавета Павловна Сõвет власть, большевикъяслõн партия дор сулалысь, — шыõдчис и зэв лабутнõя кутис сёрнитны Ёгор Кõсьта. — Сылõн олõмын кõ сьõкыд здукõ ми сийõс ог дорйõй да ог отсалõй, кодõ миянлы кугас веритны? Миянлы колõ лоны вво-о! — петкõдлис чорыда чабыртõм кулаксõ. — Колõкõ, Лизавета Павловна и миян партияõ жõ пырас, õни нин кõ миянлы отсасьõ.

— И ме сидз жõ думайта, — ассыс кыв шуис Миш Горди. — И нинõн сесся дырсõ тан кылясõн шыбласьны. Талун, гашкõ и, колõ ветлыны Пиля Педотъясõ да чорыда найõс чирыштны, и налысь кыл босьтны: мед аски асыл жõ кõмõдасны-пасьтõдасны да нуасны Ели-

завета Павловналы писо! Мамыслы Тайо лоо революционнӧй спра-ведливость! Оз ко кызлыны — ассыным власть да выннимос петкӧд-лам! Тадзи и колӧ гижны асланым сёрни гижӧдӧ. Ме тадзи вӧзъя.

— Петал, Михайло, да кор Елизавета Павловнаос. Мед лӧньӧдчас да волас сёрни гижӧдсӧ помалны, — тшӧктис Михайло воксӧ Митрей.

Елизавета Павловна век на куйлис крӧватяс кымыньӧн. Опонь Ми-хайло пуксис орччӧн, небыда пуктис веськыд кисӧ Лиза пельпом выло.

— Митрей корӧ тэнӧ сёрни гижӧдтӧ помалны.

Елизавета Павловна бергӧдчис мыш вылас. Бергӧдчигмозыс кык-нан кинас кутис Михайлолысь кисӧ да аттьӧалана топӧдлис морӧс бер-дас щӧка улас бур сьӧлӧма мортлысь чорыд ки пыдӧса, ошлӧн кодъ ён ки лапасӧ.

— Аттьӧ, Михайло. Жалитӧмнад сьӧлӧм лӧньӧдыштӧн. и нормӧдӧн.

— Нинӧмысь бара. Корӧны тэнӧ, — Михайло сувтис да ӧдзӧс дорас нин Лизаос виччысына сувтовкерис. Елизавета Павловна чеччис жӧ крӧватъсьыс, чышкалыштис чышгьян помнас чужӧмсӧ, кияснас пырк-нитис-лӧсьӧдис юбка-ковтасӧ да воськовтис жӧ ӧдзӧсланьӧ.

Опонь Михайло да Елизавета Павловна Сӧвет керкаӧ бӧр пырис-ны ӧта-мӧд бӧрсяныыс. Елизавета Павловна лӧньӧдчыштӧма нин, но синъяссӧ чышкалис на.

— Лизавета Павловна, сёрни гижӧдтӧ колмас помалны. Коймӧд сёрнитантор "уна сикас" кузяыс гиж **шуӧм**. Энлы, час думыштлам. Вот тадзи: Революция закон серти шуим: дзоля писӧ Шомысов Петыр Васильевичӧс должен быдгыны-велӧдны мамыс Шомысова... Татчӧ колӧ тшӧтш содгыны воддза овсӧ, Габовасӧ. Артмӧ Шомысова-Габова Лизавета Павловна. **Тшӧктам** Шомысов Педот Пилиповичӧс талунъя лунсянь ӧти лунъя срокӧн бӧр сетны Шомысов Петыр-кагаӧс ма-мыслы — Шомысова-Габова Лизавета Павловналы! Кодӧ паныд татшӧм шуӧмлы?

— Код нӧ вермас лоны паныд? — медся зӧля да яра сёрнитысьыс талун рытывбыд вӧлӧ Опонь Емель. — Ставным та вӧсна. Талун жӧ ставным и ветлам Пиля Педотгьясӧ да пуж петкӧдлам сылы. Ӧдйӧ, небось, кагасӧ Лизавета Павловналы бӧр сетас.

— Сӧдзкӧ, абу ко некод паныд, сӧдзи и гижам, кыдзи шуим. Сӧмын талун сэтчӧ ветлыны.. сёр нин да, ме чайта, оз кол. Аски ми колана бумагаяс лӧсьӧдам талунъя партячейка шуӧм да тшӧктӧм кузя, Сӧвет печатъӧн вынсӧдам, и ме ачым, кыдзи Сӧветын юралысь, Пиля Педот дорӧ ветла. Ставсӧ висьтала, мый ми думайтам сы йылысь да тшӧктам. Тайӧн став сёрни помасис, абу ко сзэся некодлӧн нинӧм.

Виччысьтӧг юрсӧ лэптис да шыӧдчис Елизавета Павловна.

— А меным позьӧ?

— Позьӧ, дерт, мыйла оз.

— Менӧ партияныд примитанныд?

— Вот, мый ме шулӧ! — нимкодя горӧдис Ёгор Кӧсьта.

— Ладнӧ, — ӧвтыштис кинас сы выло Митрей. — Примитам коркӧ, шыӧдчӧм гиж...

— Гижа, кӧть ӧни.

Елизавета Павловна джажнитис-косялис тетрадьысь лист да тэр-масьӧмӧн кутис гижны. Сзэся мыччис Опонь Митрейлы.

— Вот. Шомысова (Габова) Елизавета Павловнасянь. Шыӧдчӧм. Кора менӧ примитны большевикгьяслӧн Коммунистическӧй партияӧ. Кута большевикгьяслӧн партия тшӧктӧм серти ёнмӧдны Сӧвет власть. Сзэся улиас кырмпас Е. Шомысова. Кодӧ мый шуас? — Опонь Митрей кыгшовтис видзӧдласнас пукалысьсысӧс.

— Шыӧдчӧмас колӧ содгыны: кута тышкасьны кулакгьяскӧд да мукӧд пӧлӧс контрреволюциякӧд. Большевикгьяслӧн партия индӧм серти жӧ, дерт, — содтӧд вӧзйис Миш Горди.

— Бур, ме сэтчӧ содта, — сӧглас сетис Елизавета Павловна.

— Вай, сӧдзкӧ, гӧлӧсуйтамӧй. Кодӧ Елизавета Павловна Шомысова-

Габовабс партияб примитом вoсна, лэптoй китo, — тшoктис парт-
ячейкаoн веськoдлысь.

Кинысo лэптисны ставныс, некод паныд эз сувт. Коді нo вермис,
лоны Елизавета Павловналы паныд, сійo кo накoд тшoтш кoсійo тыш-
касны контрреволюциякoд Совет власть вoсна, гoль уджалысьяслы
шуда oлoм вoсна!

— Вот, ми лоим сизимoн нін, — нимкодя кыв кoрталіс Опoнь Мит-
рей. — Тайoн сэссия талунья чукoртчылoм помалам.

Бара лабичсьыс кыпoдчыліс Миш Горди.

— Ми коммунистьяс чукoртчылігoн бoрас вoлі век султoмoн
ссылам “Интернационал”. Ме oні вoзья султoмoн жo ссылны
“Интернационал”. Сійo миян партиялoн гимн шусьo.

И Миш Горди сутшкoм майoг моз веськыда злoдчис, гoнгoдіс
юрсo да горoдіс: “Ставай проклятый заклеименный весь мир голодных
и рабов...” Сувтисны ставныс, но Гордилы сьывны отсавны некод эз
вермы: кывьяссo сьыланкывсьыс оз тoдны. Сідз сылы oтнаслы
помoдз ковмис сьывны. Сoмын Ёгор Кoсьта некумынысь ымoстліс.
Миш Горди сьылoм бoрын сэссия эз и пуксылыны, а Опoнь Митрей
Елизавета Павловна дoрo шыoдчoмoн тшoктис:

— Лизавета Павловна, кывьяссo колo гижны бумага вылo да мoд
чукoртчылігкежлo быдoнлы велoдны.

* * *

Аскинас Опoнь Митрей Пиля Педoтьясo муніс пажынoдз на.
Бумагаястoг. Лoсьoдлісны эськo, и печать шлопкисны, но эз на бoсьт.
Гашкo, сідз сeрнитчасны.

— Менам сeрни эм тeкoд, Пилипыч, — видзасьoм бoрын шапкасo
кисыс лэдзтoг Опoнь Митрей воськовтис-чoтіктис порoг увсяныс
водзo.

— Лок, пуксы-шoйччы, Апанасьыч. Сeрни-басни бур мoрткoд,
Апанасьыч, небыд би водзын пукалoм кодь — оз сoт, а сьoлoмтo и
вир-яйтo шонтас.

— Сідзтo эськo сідз да... Сoмын ме талун, гашкo, эг дзик сьo-
лoм шонтан сeрниoн пыр. Ме Лизавета Павловна йылысь. Сылoн пи
йылысь да.

Вашьялысь Пиля Педoт збылысь пыр жo и букуштчис.

— Ми та йылысь, Апанасьыч, коркo сeрнитлім нін да... Мый
сэссия сійoс дoжалнысo.

— Коркoтo эськo сeрнитлім, Пилипыч, но... важoнкодь нін вoлі
тайo, а oлoмыд тай вежсьo...

— Миян нінoм эз вежсьы. Олам, кыдзи oлім.

— Эн шу, Пилипыч. Тe вежoра мoрт, ачыд думыштылы: Васьыд,
збылысь кo, вылысь гoтрасис. Асланыс кага чужис, oні сo Елена-
ныд мoдoн сьoкыд... А Лизавета Павловналы oнoдз он сетoй сылысь
писo... Тeнo, Пилипыч, Изьядoрын ставыс пыдди пуктoны, а вот Ли-
завета Павловналысь писo кутoмысь eна дивитoны.

— А меным пoсь, ни кoдзыд. Дивитoны, оз ли...

— Сійo и лeкыс...Мамлысь рoднoй писo мырддинныд, бур мам-
лысь, шань анылысь... Сійo шoгсьo-вийсьo сo кымын во нін, а тіяны
пoсь, ни кoдзыд. Абу тe сэтшoм сьoлoмтoм мoрт, мед мoртлысь ньoти
шoгсo не кылы. Абу...

— Петрованыс вед и миян Васьлoн пи, и менам пoльoн шуысь.

— Тeнад вед абу нін oти пoльoн шуысь, да водзo на лoo — пия-
ныд ставныс том, верстьo йoз, и Иваныд сo найoс суoдo — рeгыд
жoник лoo. А Лизавета Павловналoн oтик пи, да тi и сійoс мырд-
динныд. Тaдзи оз пoзь, Пилипыч, эн янoд асьтo йoз водзас.

— Коді менo янoдысьыс? — скoрмис Пиля Педoт.

— Эн скoрал, Пилипыч. Ме вед тeнo пыдди пукта да сійoн лoкті
бурoн сeрнитны, мися, гoгoрвоас Пилипыч. Ачыд кo бoр нуан Пет-

рвантё Лизавета Павловналы да лосьыда сёрнитан, бурён — Лизавета Павловна тэныд пөльөн шуысьсө, бур мортос вермас быдтыны-велөдны. Эз на өд сьөлөмыс сьлөн дзикөдз чорзъы? Да и чорзём сьөлөм на вед позьё небзьөдны. Нинөм абу небзьөдны вермытөмторйыс — нянь көть, яй көть, кучик көть. Быдтор позьё небзьөдны, көстьян кө да колө кө. Оз лөкөн — пөльөн шуысьтө, Петровантө, дерт, воштан. Сөвет власть оз лэдз мырддыны мамысь писө. Тайос ме тэныд шуа кызди Сөветөн юралысь. Вот и думайт, Пилипыч, рытөдзис. Ещө өтчюд сёрнитны та йылысь сэссия от кутöй!

Опонь Митрей өшйөдiс шапкасө юр чук йылас да бөр чотиктiс-петiс керкасыс.

...Пиля Педот ассыс пөльөн шуысьсө вайис пемдөм бөрас. Пырис Елизавета Павловнаясө, лэдзис моздорсьыс гын сапөгъяса, гөна пая да кузь пеля шапкаа Петырөс джоджас, пөрччис шапкасө, казялис водз пельөссыс Ен образ да паськыда пернапасасис.

— Но, вот, Петрованушка, мун мамыд дорө. Да пөльтө эн дзикөдз вунөд...

Елизавета Павловна уськөдчис Петюкыс дорө, кватитiс аслас моздорө да кутiс окавны сингъяссө, нырсө, бан бокъяссө:

— Зарнийöй... мусаöй... донаöй!.. Сьөлөмшөрöй менам! — Лиза бөрдiс и сералис, Петюкыс сьлөн кепыся кинас кутiс чужөмсө вевтыны да.

— Чузөмöй көтаси-ис, — сэссия өтарө-мөдарө кутiс юрсө бергөдлыны, пышйөдлыны мамсыс чужөм бансө, нырсө.

— Сө зөлөтöйöй менам... Мамукыд чужөмтө көтөдiс. Час чышкалам, — Елизавета Павловна пуксьөдiс писө крөватяс, пөрччис сылысь шапкасө, нюжөдчылис стенас өшалысь кузь чышгъялла да небыда, мелiа кутiс чышкавны пиысылысь чужөмсө, и көтасьөм, и косiнсө.

— Но, Петюк, чужөмыд косьмис? — бара чупнитiс писө бан бокас.

— Да.

— Во-от, вай сэссия пөрччысям...

Пиля Педот аддзылис Елизавета Павловналысь нимкодъысла, шудысла садь воштөмсө. Сийө надзөникөн, мед эз весиг казявны сийос зня-пия, воськовтiс лабич дорөдзис да пуксис, видзөдiс Петрован мамысь радлөмсө. Да, тадзи вермас радлыны сөмын рөднöй мам. "Мыйдтөм жө сюри сылы шог пыкөмыс, коньөрлы, — сөрмөмөн думыштiс Пиля Педот. — А сийө вед мыжаыс, Опонь Митрей прав. Бур, мый көть öнi вежөрöй тырмис да мамыслы писө вайөдi. Оз кө кут лөгавны — ставыс бур лө". И Пиля Педот ньөти эз дөзмы, мый зня-пия вунөдiсны, и эз весиг казявны, мый сийө танi на пукалө.

Петрованос пөрччөдөм бөрын мамыс сылысь чужөмсө мыськыштiс да бара пуксьөдiс крөватяс. И вөлисти видзөдлiс Пиля Педот вылө. Но кыв ни джын эз шу. Агтьö ни пасибө.

Мед, Пиля Педот бара эз дөзмы Лизавета Павловна вылө.

— Кхе... Вот, сэссия... Бура олөй... Сэссия көсья прөща корны... Көсий, мед бөр локтiн да. Эн лөгал, мый тадзи ставыс лои... Оломад тай быдсямаыс оллө... лөкыс и бурыс... Сэссия, Лизавета Павловна, көсья юалны, эн дөзмы: позяс оз коркө пыралны... Петрован дорө?

Елизавета Павловна топыда дзигөдiс писө да чөв олис, синкым увсяныс видзөдлiс Пиля Педот вылө. Дыр мысти вочавидзис:

— Позяс... Мамукыс дорө велалыштас да, быдмыштас да и асьсө пөльысьясө кута гөститны ыстылны...

Пиля Педот чеччис лабичсьыс, кинас джоджас инмөдчылөмөнөдз копыртчылис Елизавета Павловналы.

— Ен мед видзас тiянөс. Ен мед видзас... Ме кута келмысьны тiян вöсна. Кузь нэм да бур шуд тiянлы, кузь нэм да бур шуд. Мыйкө кө колмас, Лизавета Павловна, шыөдчы, лөксө вунөд да, эн өтдортчы. Ме вед тэныд абу бокөвöй морт. Тэнад пилөн пөль. Бура узыны сэссия тiянлы, зня-пиялы.

Пиля Педот сiдз куш юрөн и петiс керкасыс. Кильчө вылас

сõмын пыдисянь ышловзис, бергõддыштис шапкасõ киясас, пернапасасис да вõлисти шапкасõ суйыштис юрас.

Сёрõнджык пыралис Опонь Михайлõ. Пиыс Елизавета Павловналõн чõскыда нистис-узис нин мамыс крõватын. Лиза аддзис, кодì пырис найõясõ, да нимкодъыс югзьõдис сылысь синъяссõ, чужõмсõ. Кияссõ водзõ нюждõдõмõн порог дорõдзис ветлис Михайлõõс вочавны, отсалис пясõ пõрчыны да тув йылõ õшõдны.

— Пõрчысьыштлы, Михайлõ, пукалышт миянкõд. Õти шог кõ пõ, шуласны, кыкõн шогалõны — джын шог лõõ. А радлун, кыкõн кõ радлõны õттшõтш, кык пõв жõ содõ. Тэ менсьым радлунос, шудõс ыдждõдны и пырин. Аттьõ тэныд, Михайлõ. Кувтõдз ог вунõд, мый тэ вõчин меным, — пõрчысьõм бõрас нин Елизавета Павловна аттьõалана топõдчылис ён, паськыд пельпомъяса Михайлõ бердõ, да нуõдис пызан дорас югыдинас, а ачыс пуксис мõдар пызан помас.

— Вайõдõмаõсь жõ сэссия Петыртьõ.

— Пиля Педот ачыс вайõдис. Прõча менсьым корис и.

— Сийõ бара кужõ, наян ручыд! Первой пурыштисны, гырда да коль мортлõн сьолõмас, а õни сэссия бõжсõ легдõдõ. Эз кõ эськõ вайны, ми эськõ налы пуж петкõдлим!

— Меным нимкодъджык, мый Пиля Педот эз кут пыксьыны, Митрейтõ кывзысис.

— Сидзтõ эськõ, дерт на, лõсьыдджык быттõ да. Ме сидз шуа, быттõ эз кõ эськõ кывзысьыны...

И сёрни визьныс ори, некоднанныс эз тõдны, мый йылысь водзõ сёрнитны. Видзõдлас Михайлõ Елизавета Павловналõн сьõд синтасъяса мича чужõм вылõ, чõвтлас видзõдлассõ небыда пельпомъясõ вуджысь сылы да воссьыштõм морõс вылас, да лолыс быттõ сибдылас пытшкõсас. А õмидз рõма нимкодя нюмъялысь вом доръясыс Лизалõн быттõ чуксалис Михайлõõс матыстчывны. И вир-ййыс, и юр вежõрыс, и сьолõмыс Михайлõлõн — ставыс зэалис да кылис сõмын Елизавета Павловналысь матын пукалõмсõ, тырис сы дорõ сибõдчылыны, топõдчылыны кõсийõмõн. Воча ныр, сõмын пызан торйõдис найõс, пукалисны да, дерт на, Елизавета Павловна казялис, мый õни керсис Михайлõкõд, и кылис сылысь зэалõмсõ, и ассьыс видзõдлассõ дзебис кузь синлысьяс саяс.

— Ме кõ... Кольчча кõ тэ дорõ талун?.. Лизавета Павловна? — õдва лолыс шедис, шыõдчис жõ сэссия Опонь Михайлõ.

— Эн... Талун эн, — муртса кывмõн синлапъяссõ кыпõдлытõг вочавидзис Лиза. — Аски... Лõсьõдчышта да...

— Ме эськõ и век кежлõ на верми кольчыны... Тэ кõ эськõ, быттõ, сõглас вõлин...

— Аски, Михайлõ. Волан кõ — аски сёрнитыштам. Талун пи йылысь кындзи нинõм йылысь ог вермы думайтны... Аски, гашкõ,.. — Михайлõ вылõ веськыда видзõдлõмõн нин сёрнитис Елизавета Павловна.

— Ладнõ... Сидзкõ, ме талун муна сэссия.

Лиза, посводз õдзõссõ сиптигмоз, Опонь Михайлõõс кольбõдис кильчõ вылõдзис. Бõр пырис да лõсьõдыштис узысь сьолõмшõр вывсьыс шебрассõ, пуксис пызан саяс, чинтыштис лампа бисõ, да баялõбõжнас стенас жмитчõмõн, синъяссõ куньмõн сетчис аслас думъяслы. Со бара, буракõ, сийõ олõм туй вылын том мужичõй петкõдчис... Ёгор Кõсьта вõлõ... Эз сибõд сийõс ас дорас... Сэссия и тойыштис, кõtь и радейтõ вõлõм... А Педот Васлы сõглас сетис... радейттõг... И лёка жõ вочсьõма... Мый нõ, сидз сылы и шуõма олõмас помся ылавны-сорсьыны? Аски Опонь Михайлõлы мый шуны, локтас кõ? Лэдзны сийõс ас дорас? Кõсийõ кõ аскõдыс овны босьтны... Кодлысь та йылысь юавны? Кодì сõвет сетас, кыдзи овны крукасьылтõг да доймымõн усъласьтõг? Некод тай абу Лизалõн матын сэтшõм сõвет сетысьыс.

Водзõ лоб на.

Менам анделӱй

1

Менам анделӱй
 лэбалӱ муыс да енэжыс костын.
 Менам анделӱй дзирдалӱ,
 анделӱй — дзирдалысь востым.
 Менам анделӱй чардалӱ, гымалӱ,
 бӱрдӱ да сьылӱ.
 Менам анделӱй качӱма,
 качӱма вылісьыс вылӱ.

Менам анделӱй усьӱма,
 усьӱма улісьыс улӱ.
 Менам анделӱй! Анделӱй!
 Анделӱй — кулӱ.
 Менам анделӱй бӱрдӱ —
 да зэрӱ тай медбӱрря зэрӱн.
 Менам анделӱй бӱрдӱ —
 да зэрыс тай лоӱма шерӱн.

Войыс, пемыдыс
 лунсӱ да югыдсӱ венӱ —
 менам анделӱй,
 анделӱй энӱвтӱ менӱ.
 Кадыс кольӱма, лымъялӱ —
 воӱма тӱлыс.
 Воліс анделӱй,
 лымйыс кодъ сӱстӱмӱн воліс!

Вӱліс анделӱй, вӱліс
 да абу тай орччӱн —
 сӱсся мыйта кӱтъ юрбит
 да мыйта кӱтъ ёрччы!
 Пемыд вой шӱрын садьма да,
 садьма да — ӱтнам.
 Югыд анделӱс аддзывла,
 аддзывла вӱтнам.

2

Пемыд вой шӱрын садьма да —
 чужӱмӱ рытив тӱв швичкӱ,
 ыджыд пуяссӱ пӱрӱдӱ,
 томъяссӱ му бердӱ личкӱ,
 ӱти гудырӱ гудралӱ
 лунсӱ да войсӱ,
 гигзьӱ-сералӱ,
 омлялӱ,
 бӱрдӱ да ойзӱ.

Чуньяс, кекеньяс, чуқыръяс, векуштчѳм вомьяс.
Ичѳт кагаяс, чиганьяс, пѳрысыяс, томьяс.
Куим рубаяс, витаяс, дасаяс, сѳяс.
Талун, аски да аскомысь, луньяс да вояс.

Сиктын, вичкоын, ывлаын, керкаын, карын.
Войын, лун шѳрын, празникѳ, тулысын, арын.
Куим рубаяс, витаяс, дасаяс, сѳяс.
Талун, аски да аскомысь, луньяс да вояс.

Ворсѳ гудѳкѳн, юрбитѳ, гадайтѳ, ѳрѳ.
Кисѳ нюждѳ, кевмысьѳ, нянь вылѳ корѳ.
Куим рубаяс, витаяс, дасаяс, сѳяс.
Талун, аски да аскомысь, луньяс да вояс.

6

Сисьяс, дзоридзяс, венокьяс, лентаяс, гортьяс...
Томьяс, верстыѳяс, тѳдсаяс, тшѳтшьяс, ѳртьяс...

7

Пемыд вой шѳрын садьма да —
пельѳсын сулалысь Еныс
мелань видзѳдѳ,
янѳдѳ, велѳдѳ,
ѳлѳдѳ менѳ.
Менсым турѳба лолѳс
да шышьялысь мѳвпьясѳс тѳдѳ —
сылѳн синьясыс чузмѳма,
чужѳмыс лоѳма сьѳдѳн.

8

Мортлы уна оз ков.
Рудзѳг нянь тор да сов.
Сѳсся нинѳм оз ков.
Мортлы уна оз ков.
Сійѳ адысь оз пов.
Сылы райыс оз ков.
Мортлы уна оз ков.
Аслас — ним-вич и ов.
Аслас — сьѳлѳм и лов.
Мортлы уна оз ков.
Аслад олѳмѳн ов.
Сѳсся нинѳм оз ков.
Мортлы уна оз ков.

□ □ □

Юрий ВАСЮТОВ



Төдысь Савать Вась

КАЗЬТЫЛАНА ВИСЪТ

Овлöма Кыргортув вöлöстын, Кöрттувъя грездын Савать Вась. Мутшак кодь ачусь, а суюсьлуннас Каменкаöдз кывсьылöма. Кылöдас пурсö да Ружниковлөн заводö оти керйöдз ставсö сдایتас. И оз сöмын асьыс, но и ас сиктсаыслысь тшöтш. Оз сöмын Вашка кывтыдасяс дивуйтчыны, заводсаяс асьныс полöны: "Синнымöс кö нин пöртмалö-а, ньöти брак абу". Öслöпинаяс Вашка кывтыдасясыд, öта-мöд выланыс сос пуджлалöны, вирöдз косясьлöны, дөрöмнысö риза-руза чажйöд-ласны, öта-мöднысö мыждöны брак керъяс вайöдöмысь. А Савать Васьлы и чунь помөн оз инмöдчывны. Пароходөн катö сийö гортö-дзыс, зептас деньга кöшельыс потö, а кодсюрöлы и подөн колö вöсь-лавны, кузь вöлökъяс вуджны: шыр пиялöма зепгьясаныс.

Тайö колхозъяс дырйи нин вöли, ыджыд война водзвылын. Сэки Савать Вась, пöрнöй морт, колхозса председательлөн вöли, но прöстöй мужик моз пуръяс кылöдлiс. Татшöм дядьöыс öти вöли став Удора пасьятыс.

Ошйысьысыс Удораын унаөн вöлöмаöсь. Рöштво рытö том мужикъяс чукöртчасны — ставөн збойöсь да суюсьсь, вөр-ваын бур вöралысьяс-кыйсьысыяс, пондасны вынөн да кужанлунөн ошйысьны: öти ошкöс чергöдöма, мöд ручöс пöръялöма, коймöд туланöс бöжöдыс тшапкöма. Савать Вась кывзас, кывзас да и броткыштас:

— А ме кö звöз помö капкан окта и сэтчö кöч шедас.

Серам петкöдлысьыд, дерт, колö жö татшöм рытö, кор на и нывъяс найöс кывзöны.

— А-ха-ха! О-хо-хо! Но и Савать Вась, шуис со! — гөрддöны ёртгьясыс. — Айтö бур вöралысьсö, кöть ин янöдды!

А батыс Савать Васьлөн, Сава Савать и збыль бур кыйсьысь вöлöма. Öтнаслы став вöралысьяс лыдысь сöмын сьöд руч веськавлöма капканö. А шöркост пиыс, Вась, со карта öдзöс дорсьыс кöч кöсий кыйны.

— А туланыс керка пельöсад оз на позъясь? — китшкö-сералö Педöр Вань, Савать Васькöд тшöтшгья зон. Öти асылö пö найö таладор югыдсö люкалöмаöсь, öти лунö, сiдзкö, чужлöмаöсь. Педöр Вань быль сингьяса, век быттö кодöскö кöсий серам выв лэптыны. Озыракодь олiсны ай-мамыс да чунь öти пиныс вылö пуксьылыс ас коддьöмыс водзын да дöмаса дөрöм эз новлы Савать Вась моз.

— Вомтö öнi кежлö топöд, а заклад вай вартам! — оз öвсьы Савать Вась. — От кö аски жö кый карта öдзöс дiнысь капканö кöч, быдöнлы

парта винаон пукта, а кыя кё, быдон парта вина меным зымнитан-
ныд, "казёнкаысь" ньобанныд да. Аски югдём бёрас и локтёй! — шуис
Савать Вась да мунис гортас.

Мод асывнас локтасны Сава ордё витён. Устём-тоштём бурлак-
зонъяс ыши-паши, зуп-зуп тувчаломён каясны кильчё содйод, крипён-
крапён восьталасны ёдзёсьяс, "көдзыд ошкёс" водзыланис лэдзёмён
ызгыясны шоныдён ымралысь керкаё.

→ Эта мында верёспу воисны шондї мыччысигён! Встречайтёй,
нывьясё-ой!.. — малалё зыр кодь паськыд еджыд тошсё Сава Савать,
Васьлён батыс. Куим пи да сизим ныв сылён быдмё, некодї на абу
торйөдчөма-юксёма, ставён на өти пызан сайын сёйёны-юёны. —
Ставныдлы вылө тырмас гөтырпуыс, сөмын бөрйөй!.. — шуё Сава
пырысьяслы. — Пөчыс, — гөтырыс дорас нин шыөдчө көзяин, — кода
сурнад ошйысьышт, гөститөд бурлак зонъяссө.

— Инлы, айё, — петіс инпөв сай жырйысь Савать Вась Савалён
пыс. — Юны бёрынджык пондам, а өні, вайё, петаламё звөз вылө
ставён.

Петісны. Восьтіс Савать Вась сарай өдзөссө, кыті вөла-доддён
турун пырталёны, а шондїыс Чика-Яг сайсянь ыргөн кымөссө буретш
на мыччөма, еджыд лымйыс югөръяс улас быттё зарни лыа дзирдалө.
Свя-сва төвруыс ворсөдчө лым чиръяснас, йөр майөг-потш гөгөрыс
лымсө гартыштө еджыд кань бөжөс моз.

— Видзөдөй, зонъяс, — индө Савать Вась веськыд кинас йөр
бокө, көні гартчыштө лымйыс.

Видзөдлісны сэтчань, кытчө индїс Вась, а сэні звөз дортїыс мунысь
йөр бокас көч куйлө, капканө шедөма и весиг туркъялө на. А кок
туйыс көчыслөн веськыда Чика-Ясянь джуджыдкодь кыр йывсянь,
код горулын и сулаліс Саватяслөн керкаыс, чеччө-лэччө да сөн бадь
пыр котөртө веськыда ыж гид ыбөслань, быттёкө лым усътөдзыс
сэтысь и петаліс, да өні локтө гортас, но эджык во, веськаліс көрт
налькйө.

— Но и пакөсь! Сё дивө! — дорлөдлөны юрнаныс зонъяс, вомнысө
калькөдөмаөсь, синъясныс кольча кодьөсь, олөма аныяс моз сітан
бекъясаныс шлапкөны кияснаныс. Быдсяма ног кыйсьөмсө нин, гашкө,
адзылісны пармаса том пиян, но мед гортад, карта дінад, дзик звөз
помын көч кыйны, да мед көчыс выльөн усьөм лым вывтї веськыда
капканө локтис — татшөмтор эз на весиг и кывсьыв ни Вашка, ни
Мозын пөлөны.

Быть сэся яктөд Савать Васьөс, ворссисны зонъяс. Нуөдісны
сюсь кыйсьысьөс "казёнкаө", сэкса юанён сійө кадө вузасянинө. Тайө
революцияөдз на вөлі, Савать Васьлөн том кадө. Юёны зонъяс роч
вина, сулея бөрся сулея зымнитөны пызан вылө. Лун-мөд сайын на
озыр прөмыссө вузалісны да зептаныс зильөдчө на деньгаыс. Юёны,
шмонитөны, ёртнысө ошкөны и асьнысө оз вунөдны... Коддзисны
ставён, өдва гортаныс воисны. Со кутшөм налы лои сійө рөштво
лунся празникыс. А Савать Вась гортас воис, быттё сё ура сетөмаөсь.
Питшөгас вит сулея вайис роч вина, а ачыс быттё абу и праздни-
чайтөма-юёма.

Дивуйтчө и Сава Савать. Оз гөгөрво, кодї отсалө Вась пиыслы та-
дзисө вөчны. Бать казяліс "вынсө" ёна водзджык эськө, но мый збыль
вылө зверь-пөткаыс сылы паныд ачыс локтө, тайө нин и сылы, бур
кыйсьысь-вөралысьлы дивөөн кажитчө.

Ар дасөн Вась өшөдіс пельпом вылас пищаль да, кыз шулісны
вокъясыс, асмогасны сытөг карта сайө эз петавлы. Вөрө эз вошлы,
ваө эз вөйлы и тыртём лазйөн гортас эз жө волы. Тулыснас лунвылысь
воысь чөжсө лыйис косьтымөн. Арнас сьөла кыйны мөдөдчас,
сьөрсыйс Опөнасья чойсө босьтас, кор нин, дерт, бурджык кый-
сысьён лои весиг ыджыдджык воксыс. Откөнсө лэччөдны оз вермы,
сы мында вөлі кыйө.

— Отчид, — висьталіс чойыс, — сөмын на кайим Чига-Ягө, верст

на иг мунёй, а Вась вокё и шуё. — "Тэ, Опонасья, кос гортад". — Мыйла нё сідз? — юала. "Со тай кырнышыс лэбис да гоз-модыс сёмын и крунснитіс. Гоз-мод сълатё ме и зептам лэччода". — Ковмис косны. Этша и вайис сэки Вась вокё. Кырнышyd, дерт, сяма лэбач, но висътавны, уна-ё пырёма лэчкё!.. Вась вёлі гёгөрвоё тайё лэбачсё. Он вёлі тёд, шмонитё сійё али збыль шуё, вом дорыс век нумсыё юмыртчёма".

Ар дас квайтис эз на вёв, айыс шуис и Васьёс ылыс угоддьё мододны. Но Васьлён вёлі оти ыджыд тырмытёмтор: кадён сійё вёлі вывти крут. Коркё весиг понсё лыйёма, пуас кайны пондас да, ур кыйигён. "Тэ ёд абу ур!" — скормас вёралысь. А Йёвва йылын, кытчё шуис мододны Васьёс айыс, вёлі куим чом коста угоддьё. Сэні кыйсёны вёлём тшётш и мозынсаяс, падвежасьлёны накёд чёс туйясныс, а эмёсь на пёвстын вожа-чалля, крука кылаяс да отнассё эз лэдз, Опонасьяёс жё ковъяліс, оти воён и ичёт сыысь, но сюсь жё и грамотаа, да и ота-модныскёд вёр-васё орччён таялыштисны нин.

Сьёла-дозмёр кыйисны, став вёралёмыс лючки-бура, неминучасъотг коли. Пыж тыр кылёдісны, чери на сольштисны и, пуд нель, ком-сёкат ставыс. А сэн и тонькнитіс-кынтіс, ур кыян кад воис. Васьлы кажитчёма Йёвва йылыд да корис айыслысь мед сэтчё лэдзас мунны вёравнысё да чойыскёд жё. Кыдз ай шуас, сідз и лоё. Савё Савать вёлі кипода и кыв-вора: шуас — вёчас. Кётъ и дасён быдмисны йылёмыс, а шум ни зык ёдзёс сайё эз петавлы. Сёмын на кыласны челядь айныслысь кок шысё кильчё помысь, пёлатъ-паччөрё гузгысысны. Пиньнысё-кывнысё томан сайын видзисны весиг и быдмисны нин да. Опонасьялы сійё тёвнас колё вёлі Важгортё мунны мод ступеня школа помавны, мед сёссия учительшаё велёдчыны, кыдзи кёсйысьліс коркё вежа айыслы, Спиридон поплы да Вера свестяислы. Кётъ пё отиёс да велёда жё эта аравайсь. Но, тыдалё, коскыс вёсниджык лоёма тайё арё. Вежон чёж мёвпалём бёрын пиыс дор муніс.

Кыйсыны чоя-вокалы да Катшыс понлы колё вёлі рёштвоёдз. Арыс вёлі ура. Катшыс оз дышёдчы, бура увтё. Опонасья чер тышён пуё кам! Савать Вась пицальён гым! Лунтыр вёраласны, а рытнас Вась ур кульё да Катшыссё вердё, Опонасья вёлёга пуё аслыныс, чышкё-мыськё. Узьыштасны съёд войсё, а асывнас бара нин чуксалё найёс Катшыс, вёравны нуёдчё.

А отчыд йёз пон увтём шы кылісны. Регыд и паныдасис том мужик, кизьёриник гёрд тошка-уска. Висътасис Сёльыбысь, Селя рёдысь пё. Пуксисны кос конда вылё куритчыны.

— Ёдва на югдыны удитіс, а вит ур нин увтис Тябё. Но и пон! Став понйыслы пон, — ошйысьны пондіс Селя, кыдзи нимтіс ас мёвпнас сёльыбсаёс Савать Вась. — Со весиг понйыдлы кажитчёма, мед оз пышйёд-а. Хи-хи! — Вомыс пельёдзис, вашъялё. А Тябёс энъ пон да Катшыс пыр и исасьны-нювсыны пондіс ськёд. — А вокыд оз куритчы на? А то менам роч табакыс, куритчёда бур табакнас.

— Чой менам, — вочавидзис Савать Вась.

— Чо-ой?! — весиг койюрыс шлап уси мышкас, сідзи чатёртчис татшём юёрсыд мозынса чуймём дядьё, вомыс вашмуні да водзлань чургысисны вёв пиньясыс. — Вёрын колё Тябё, а оз баба, — быттьё кыв кёрталіс сёрнисё Селя, шутёвтіс понсё да регыд найё саялісны пашкыр лапъяса коз пуяс сайё.

"Мед и мунас гортас вит урнас", — вомгорулас шуыштіс Савать Вась, дзёрёдіс Катшыссё, коді пондыліс вётчыны Тябё бёрся, да чоя-вока модёдчисны асланыс туйёд водзё.

Лунтыр бура вёралісны чоя-вока. Весиг туланёс мойвиис шызьёдны Катшыслы. А Савать Васьлён синъяс ёсьёсь да и берданкаыс абу кытшыль дулёа. Зёв шудаёсь воисны чоя-вока ас керка дораныс пемыднас нин. А сэні найёс Селя нин виччысьё Тябёыскёд.

— Ылавсьёма. Маткаёй абу събрам лоёма. Тябё татчань кеждіс, —

дöня, быттö весиг мыжапырысь висьтасис гöсть. — Гашкö, лэдзанныд асылöдз?

— Узь бара, тöран, — нюмдiс Савать Вась, а Öпöнасылөн сьölöмыс ёвкмунiс: "Эз-ö кöть ме понда? Колö тай меным татшöм вöв пиняыд да былъкья синмаыд!" — мöвпыштiс тадзи да эз кöвьяс ськöд сёрниö. Эз гаровтчы сёрныис и кык том кыйсысь костын, кöть унатор йылысь пондылiс панны сийöс Тябөлөн кöзяиныс. А Тябö, быттö висьмöма, кыдзи куйлiс воиганыс коз пу улын, эз и чеччыв, кöть Катшыс быд ногыс кöсийс сийöс ворсöдны. Эз узь пöшти войбыд и Öпöнасыя. Сийöс босьтiс кутшöмкö полöм тайö кизьöр уска-тош-касыс, кодi рытивбыд мыйкö быттö корсысис налөн оланiнысь, быттö воштöма мыйкö, коркö волöма да, адзлас кодь лэчыд синъясыс быд потасö пыралiсны. А сöмын мöдöдчигас нин, асывнас, пидзöс вылас усис Савать Вась водзö:

— Прöстит, братö, менам сöс кылысь, бөр пукты Тябöös нырис вылö. Том на тэ, но адза: кывйыд вына. Вит урнам и бовьялi тöрыт. Коклябөрöс лунтыр талалiс Тябö. Мыйсö иг вöч... бурөн сёрнит и, чужъялi и... Рытнас сöмын гөгөрвои, мыйын помкаыс. Прöстит, Васильö. Миян пöляс öд öтвыв на кыйсылöмаöсь тани...

— А мыйла тэ ме йылысь серам сорөн мöвпыштiн? — юалiс Савать Вась.

— Некор сэсся тадзи ог вöч. Пиянлы и пöльлөн шуысьяслы, лоöны кö найö, ныраныс тшупа: — Энö вөрöдöй Савать котырсö!

— Мед кылыд тайö ниа вылас öшйис да сизим кöлена водзын кевмысис...

— Мед лоö сiдз!..

— Мунöй, Ен мед водзö вылö видзас!

И мунiсны. А Тябö регыд, пельөн кылана ылнаын и увтчис нин. Вөлöмкö, Селяыс тöдысь рöдысь жö вөлöма. Савать Васьлөн батыс, Сава Савать, бур вöралысь, оз зэв кöсиймөн вөлöм кай Йöвва йылö, медым оз паныдась Селя рöдкöд да найö эз смекайтчыны кызкö сы вылын. А тайö рöдсыс кодкö нин "дойдлöма" Сава рöдсö. Сьölöмыс оз и кыскы олöма мортöс накöд матын вöравнысö. А писö ыстiс. Гашкö, эскис: пиыс оз сетчы Селяяслы.

Кор Савать Вась висьталiс батыслы вöрын лоöмтор йылысь, Сава Савать нюмдыштiс ус-тош пырыс да шуыштiс пиыслы:

— Сöмын ин шалит, пиö, ин чег некодöс, грек сийö Ен водзын.

Тадзи Савать Вась пондiс гөгөрвоны, мый сы пытшкын и збыль вылö выйим кутшöмкö тöдтöм-тыдавтöм ыджыд вын, кодi отсалö сылы. Öтчыд весиг ошкöс косьтöг вермис тайö выннас. Пондiс ошкыс чöс туйсö кыйны Савать Васьылысь. Асьсö и кык нёнпом пиянсö на вердö.

"Ины, ме тэнö гусясьöмсыд велöда!" — шуис Савать Вась да тшöтш и пицаль босьтiс сьöрсыйс, кöть чöс туй кыйигөн оз öшöдлы сийöс пельпом вылас. Мöдöдчис кыйны чöс туйсö гортас воан туй помсяныс, а эз вöрас пыран помсяныс. Ошкыд öд сiдз жö мунö, кыз и кыйсысь, сылөн важ кок туйöд, мед не вочаасыны, но ылын водзын. Савать Вась петiс ошлы паныд да тöкөтöй эз зурась ськöд кымöс на кымöс. Берданкасö тшап пельпом вывсыс, а сийö осечка сетiс, эз лый. Ошкыд то ли скөр йывсыс, то ли сьölöмыс вөрзис повзьöмысла эз слöймы вөрö пышйыны, сувтiс бөр кокъяс вылас да кыз тай сяркнитас гыжъяснас, весиг би киньяс быттö чеччыштiслiсны кыйсысьлөн синъяс водзын. Эз и тöдлы Вась, кыдзи пицальыс лэбзис сылөн киясысь, а ош, кодi вöли лысьöмнас сысысь ёна джуджыдджык, лэптiс лапаяссö, мед чашнитны сылысь юр кучиксö кос кондаясö тöчитöм гыжъяснас. Сьöд чутъяс кодь ичöt синъясыс донöдöм емөн моз кырисны Васьылысь синъяссö. Но сийö эз кунь найöс, ёнджыка на паськöдiс, кабыртiс чунъяссö, дась кутчысыны гундыркöд тышö. Лаз мышкас эськö öшалiс чер, бокас кузь пурт, но найöс перйыны кадыс нин эз вöв.

— Мун бурон аслад туйод, — сомн и шуыштис Вась ошлы син-
мас видзодомон. — И водзо выло менам лэч туйын эн кыйсы.

И ош, ума-ама мурзигтыр, пондис борынтчыны пияныс борся,
кодьяс котортисны нин мамныс мыш сайти. А сэсся и ачыс шыбитчис
бокыв да саялис пуяс косто.

Савать Вась сэки быттьо сайкалис, казялис, мый ошкыс моз жö
сылон укват кодь варгыл кокьясыс сырмоны, плешкыс, киняулыс,
мышкыс брöд ва.

"А öд төкөттьо пуртос эг нетшышт, — аслыс кывмон шуис ошлön
пышйом борын нин повзюм зон. — Сэки, гашкө, этатшом гундырыд
менö туплялис да сёйс". Савать Вась öд туша джынйодзыс вöломä
судтанас ошкыслы. И, дерт жö, кызди чайтис ачыс Савать Вась,
пытшкөсса выннас вермис вöрса көзяинос.

Казялис Савать Вась мый и дойяс бурдодны вермө, ассыс и му-
көдлысь. Но, мед көть и адзылис Вера тьотыслысь бурдодчөмсö,
код дорö тшөкыдакодь волисны сиктсаяс, но серам туйö пуктылис
бурдодчөмсö. Воас, шуам, ар дас кыка нывка тьот динас: чирей
быдмысь мортсö öдöлитөма. Вера тьотыс пурт йылон чирк-черк
кресталас чирейсö, сэсся сидз жö стенысь ув туй гижйодлас, мо-
литва лыддяс — чирей пö сэсся лун-мөдön и бырö. Унаон и пывсянö
тьот динас волисны. Дерт, юасьтөг эз ов племянникыс, кызди Вера
тьотыс бурдодчы. Йöзыс öд висьталöны аттьö бурдодмсыс. Вась весиг
велөдчис лыддыны Енлысь важ вера кадся книгаяс, Вера тьотыс и
велөдис. Батыс, Савать, школаын велөдис сомн Опонасьяс. И сомн
сы понда, мый ёна тайос корисны вежа айыс да төлка-сяма свес-
тяыс: мед нин пö учительницаодзыс воас. А пиыслы, Васьлы, видз-му
вөдитан да кыйсян грамотаыс, шуывлис, — ас саяс. Ми пö тай шко-
лаясö эг ветлөдлөй да йөз моз жö олам, Василь пиö со школатөгыс
пырөдчис грамотаас, сяркөдö-лыддьö библия, көть öни попön пукты.

Попön лоны Савать Вась, дерт, эз кыйыв, но йöзлысь дойяс, ачыс
эз төдлы корсян, бурдодны пондис. Шмонитгмоз пывсянын öтилысь
вөрзюм сойсö веськөдас, виньгертчөм кок лутшсö бөр ас инас пук-
сьодас, сюрса лысö личкалыштас-кыскалыштас да лөняс дойыс.

Бурдодис Савать Вась и ичөтджык воксö, Гришос. Сийос Пиньог
Верколаö ыстылисны монастырö инөкавны, ар дас куима-неля сийö
сэки вöли. Куим во кежлö ыстылисны. Виччысисны бурлак-зонмос, а
воис öдва ловъя. Манакьяс вöлön вайөдисны, тыдалö, кувны нин.
Косьмөма Гриш, сартас кодь, непөштö сёйны-юны, бур ногön ас-
могасыны оз вермы. "Пес пилитим, му кыскалим, став сьода уджсö
тилим, — висьталö инөк, — тыдалö, доймышти кытикö". Манакьяс пөвс-
тын, дерт, и бурдодчысь кодкө выйим, но отсавны абу тай вермөма.

Пывсянö лэччисны вокьяс да Савать Вась нывъяс йылысь пондис
висьтасыны доймөм вокыслы. А Сёрдлаын пö выйим сэтшөм ныв, ви-
дзөдлан и усян сылы крөватяс. А Гришалон став ки-кокыс орзюм
чирейон тырөма. Кутшөм сэн сёрни нывъяс йылысь. Савать Вась
бура пывсьөдис воксö, кутшөмкө туруна ваон кыскалис, а кор кось-
мис ставыс, кодж водзас нин юалис:

— Кутшөм мыль медводзон петис? Гриш висьталис да Вась сийос
и мавтис зельбонас. Аскинас видзөдисны: косьмавны кутөмаөсь
Гришлөн ки-кокысь мыльясыс. А кор дзикөдз бырисны, бара пыв-
сьөдис, кунваон мыськис, а рыгнас сылön торъя жырийö вайөдис орчча
сиктысь том дөваос да томлалис найос асылөдз. Мый найö сэннi вö-
чисны, öнөдз некодi оз төд, но Савать Гриш пöрысьнас нин вись-
тасылис, мый сы бөрын эз чирейоссыывлы. А кор серам сорон юав-
лисны сылысь, мый жö найö сэннi збыль вылö вөчисны, нюмпырысь
жö и шулис:

— Эз тшөкты аныс некодлы висьтавны.

А вокыслы шулис:

— Тэ, Васьö, көддун кө-а?

— Абу көддун, вокö, а төдысь, — вочавидзис Савать Вась. — Ме
Вера пöчыдысь став библиясö нин лыдди. А вежа йөзыслөн, свя-

тöйясылөн, олөм-выломаныс быдгорйис вöломә... Эз öмöй тэнö велöдны манастырад? Муй нö тэ сэн карин?

Нинөм Гришалы татчö висъгавны. А Василь вокыс и збыль, кыдз сөмын прöстджык кад сюрас, Вера пöчыс ордö Венъдинö гөнитлас вөлөн, дас квайт верст сайö. Мый сэнi найö вöчлисны, кодi төдас. Но Вера пöчыс, ыджыд мамыслөн чойыс, Вашка кузя нималис, сы дорö бурдöдчыны волисны Лоптюгасянь да Коптюгаöдз, мөд ногөн кө, ю йввсянь да медся улыс коми сиктгясöддзис. А книгагясыс Вера пöчлөн вöлисны ыджыд сундук тыр. Но Савать Вась ачыс некор эз ошйысылы мый төдмалис тайö книгагясыссыс либö мыйö велöдис сийöс Вера пöчыс. Но томөн-бурөн на пи вылас дивуйтчисны ай-мамыс, сиктсаыс да весиг ачыс Савать Васьлөн вежа айыс, сиктса поп Серапион. Бурдöдчан сямсыс ошкылисны, вежавтöг, бурысь.

Савать Васьлы коркө воис и салдатö мунан кад. Сикт кузя верзьöма вöлаяс вöйсöдлöны-рöдтöны. Буретш и празник. Рекрутгяс гуляйтöны. Вöвъясыс вомкортгяссö йирöны, быг петö льöб увсыныс, юръясныс дзодзөгөн гогоритчöмаөсь, мича тугъяса сермöдабсь, мегыр уланыс дзирдалысь ыргөн тильгунгясабсь. Кыргорт гөгöрын важысянь нин тадзи муно: рекрутгяс верзьöмөн ордйысьöны. Казакын пö коркө служитлöмабсь Сибирын кыргортсаяс, сэсянь и кыссö, казакөн и нимтöны рекрутгяснысö, ставөн вöv вылынöсь, йöктöны вердаса том ужгяс. А Савать Вась улын гöран сёкырыс: кыз рушка, кузь гöна кокъяса, кок тшай гыжгясыс блюд пасытабсь сьöкыд уджсыс, чышкысян рос кодь бöжыс муöдыс кыссö.

— Турунла или пeсла мөдöдчин, Савать Вась? — сералöны ёртгясыс, вövгясысыныс гораджыка гөрдлöны.

— Казакгяс! — вочавидзö Савать Вась. — Кодi медводзын лоас ордйысьöмын, сылы и козынала енэжын гымалысь Петыр-Павеллысь тайö бордгя вövсö.

— А кодлы тайö колö? Куйöдыд, гашкө, быдөнлөн на тырмö. Көти вылö кө нин кучикыс а, — гигзьöны казакгяс.

А вөр-ваыс виртö вөрзьöдö. Усьöма весыт судта медводдза лым, йи гольöг кодь мусö шебралöма. Енэжас шонди-мамыс вöртассö энөвтöма да кизьöриник кымөр сайсянь кыйбöдчö рекрутгяс бөрся, оз көсий янöдны асысö на водзын да и вөлөстгьсö быдсөн джуджыд потшöсөн сулалысь вöрыскöд öтлаын тшöтш быттьöкө дөзьöритö.

Ордйисигөн кодкө век юрнуöдысь эм. И збыль, Кыргорт сиктсаяс пövстысь öти дядьö со пищальөн нин петöма ывла вылö да горзö: "Сувталöй! Öти радö сувталöй, казакгяс! Ляя пищальысь да сөмын сэки заводитöй скачитны-ордйысьны",

Вövгяс педзöны места вылас, быттьö төлысь зөр вылын некытчö доддывлытöг найöс сулöдöмабсь.

"Шко-ов!" — гымыштит лыйöм шы. Öти вöv повзьöма да чеччыштит боквыв. Сы вылын пукалысь казакыс шлопнитчис кын му вылö, ойзö, пищальөн лыйысьсö либö вövсö видö, он гөгөрво. Мөдлөн вöлыс, мыйлакö, бөрлань кутис петитчыны, быттьö ош сэнi водзвылас сийöс виччысьö. Коймөдлөн вöй чибöыс оз жö кывзысь көзяинсö: кытшөн-кытшөн бергалö, видзöдчысыясöс төкөттьö оз таяв. Мукöдыс эськө вöйсöдлöны жö вövгяссö, но и налөн вövгясыс дзутсисны, ыргянитны кутисны. Рекрутгяслөн ай-мамыс, шöвк чышгянгяса невеста нывгясныс тшöтш падмисны яндзимысла, оз төдны, мый и лои вövгясныскöд, мыйла дурмисны. Дзик нин быттьö некор абу весиг кывлöмабсь лыйöм шысö. Талун вичко дорын став гажыс да грездса став йöзыс сэтчö и чукөртчöмабсь. Кодкө горзö, кодкө сералö, кодкө и бөрддзöма нин: то ли коддзöма асыя сур көшысь, то ли рекрут-казак пийс жаль лоöма.

Савать Вась медбöрын вичко дорсянь петис катыд помланьö ордйысьнысö, а кывтыд помсянь медводзын нин тыдовтчис да медводзын и воис кильчö дорöдз, Вöлыс кыпöдчылис бөрья кокгяс вылас да зöм сöвтис, быттьö медбур кавалерийскöй вöv сийö.

— Вот тэныд и гóран сёкыр! Вот тэныд и Савать Вась! — дивуйт-чоны видзодысьяс. Оз эскыны и асьныс рекругъяс: “Бара комодис мянös “книжникид”! — со тóдмалöмаöсь нин, мый сийö важ вичко книгаяс лыддö.

— Но, Савать пи, велöда ме тэнö лым улысь пув вотны! — тайös нин Педör Вань шуö, озыракодö олана керкаысь петöм казак.

— А тэнад, Педör Вань, ыж гид вывсьяд лымйыс на зыртöм, вевтыс чегö, — сералö Савать Вась.

Гигзöны-ваксьöны-гыöны мужикулов и ань чукöр, гырысь и посни, вöлön ордйысьöм йылысь кывнысö песöны. Рёмдыны нин пондис, шондi-мамыс дзевсьöма нин сьод потшös кодö вөр сайö. Йöз кутисны разодчыны гортаныс. Мунöны сикт кузя, видзодöны: Педör Вань вичко дорысь водзджык мунöма да лым зыртö батыслөн кызь юр ыж видзан гид вевт вылысь.

— Йöймöма али муй Педör Ваньыс? Абу тулыслань кадыс, абу весиг төв шөр на, весьт судта на абу медводдза лымйыс, сöмын на синлы тыдавмөн, а сийö... — дивуйтчоны йöз, нинöм оз гөгөрвоны.

А Педör Вань асьсö оз аддзы, зыртö и зыртö баяясылөн гид вылысь байдög гөн кодö лымсö. Эз, батыс эз тшökты, ачыс кайöма.

Öльök Педör аддзис писö да төкötö гид вывсьыс увлань юрөн эз лэдз дона писö.

— Йöзыс гажöдчöны, а тэ... Рөбötник лöбмьд! Он кө лэччы сэт-тысь öдйöджык! — скöралö Вань вылö батыс.

...Картiөн шлөчкöны-ворсöны рекругъяс, медбөръя рыгъяс кольöмаöсь кузь туй вылö петтöдз. Шожымöдз кык сё сайö версттö подөн, дерт, ковмас шлопкыны коктö чегъялана кын му вывтi. Вöv кок гыж крöшитчö, а мортлы колö терпитны, царь корö, сылы колöны казакъясыд да гренадёръясыд. Со, видзодлыны кө Педör Вань вылö: абу гренадёр али мый, пельпомгьясыс сыв пасьятаöсь, а Савать Вась, дерт, казак, гренадёрлы киняулöдзыс сöмын да кокъясыс укват вожъяс быгтьö. Савать Вась сöмын на пырис керкаö да сувтiс, стагöссö вуджис да. Сийös оз босьтны бөръя кадö картiөн ворсны ёртъясыс. Öтнас тыра зептөн ворсöм помас кольö, ставнысö куштас, көтъ озырöсь таво Кыргорт вölöstьса зонгъяс, арыс козьналис бур прöмысөн. Оз уджöдны ай-мам пияннысö вежон чöж, мед личöдыштасны ки-коксö кузь туй водзын. Со и шлөчкöны “очкоысь”.

— Казакъяс! — шыасны зонгъяс динö Савать Вась. — Менö öд нывъяс ыстисны. Найö рытпукö тиянös вичысьöны.

— А ми Маланьысь тайö керкасö медалiм нин, — оз гөгөрвоны зонгъяс, — и нывъяс көсийсны воны.

— Тырмас, тырмас очкоасыны! — Савать Вась чукöртö зонгъялысь картi колодасö, броткö вомгорулас: — Дарга* чери моз йитшкысьöмаöсь ва пыдöсас. Ноко, ставөн ывла вылö! — И ачыс медводдзöн котөрөн петö. Сы бөрся ызгысьöны и картiөн ворсысьяс, кодъяс падмылисны здук кежлö, а öни көсийöны бөр мырддыны ворсанторнысö. А Савать Вась нин öлыштчö шыбитны колодасö керка вевт вылö.

— Ой, Васьö, ин лэбöд! — Удитö кодкö горöдчыны, а картi колода пышкай чукöр моз жбыркнитö вывлань да — о, дивö! — жölöб помсянь чеп моз öшödчö муöдзыс, пельös-пельösö картiясыс сибдöмаöсь, медся вылысыс пельösөн жö öшйöма жölöб помас. Чуйман али он сэтчö.

— Бара пöртмалис синнымös Савать пи! Оз вермы тадзи лоны. Оз вермы!.. — вензьöны унайн.

Сулалöны зонгъяс пась вомөн, көсийöны эськö матöдчыны пасьнитчöм картi колода дорö, а быгтьö сибдöма кокныс кынмöма муас. А Савать Вась нин лöсьöдö ки пыдöссö картi улö и шырк — став колодаыс чукöрын, бөр нин сы кыин. Быгтьö ыджыд фокусник.

* Д а р г а — гурина.

— Со тiян колоданы, ог шыбит некытчö, шлячкöй, колö кö, а ме нывъяслань ветла, — быттö нинöм эз и вöв, шуис да мöдöдчис, но рекрутъяс, быттö Савать Васьлөн бöж, гузыгöны-мунöны сы бöрся...

Салдатö мунгөн рекрутъяс Ошлапейын узьмöдчисны. Рöдыслөн важ патераö сувтис и Савать Вась. Чай юигөн и юалö кöзьяиныс: — Эн жö на öд гöтрась, Васьö?

— Воа да гöтрася, — шуö Савать Вась. Ачыс пуксьöдöма пидзöс вылас кöзьяинлысь куим арöса нывсö да лампасейөн гöститöдö.

— А выйим нин сьölöм косьтысьыд?

— Выйим...

— Кутшöм рöдысь нö, гашкö, он дзев?

— Бур рöдысь, мыйла дзевны, Падей рöдысь...

— Па-адейысь? — чуймö Падей Микул. Коді нö мян рöдысь тэ-ныдлы кодь невестапуыс выйим Кыргорт гөгöрын?

— Мыйла Кыргорт... Воа салдатысь да тэнсьыд нывтö и босьта.

— Бур эськö, Васьö пиö, да тэ вылö ме нывсö эг куж дасьтыны, зонъяс сöмын шердын тыр, а пыдöсас этайö кагаыс, Анюшным сöмын.

— Но и мый, верöс сайö он кöсьы сетны дрöчка-нывтö, быдмас öд салдатö ветлiгкості.

— Колö на öд и быдмыны...

— Воиг кежлам быдмас, Микул дядь.

— Тэ, Василей, батыд кодь жö шмонитысь. А вот Сава пöльыд вöлi: сизимысь думыштас да сöмын сэки шуас.

— А мян пищальным век сьöрын, мыйөн аддзам, пыр и лыям.

Тайö вöлöма 1911 воын. А воас гортас Савать Вась 1925 воö. По-малас войнаяс австрияккöд, Польшакöд и Колчаккöд. Легендарной Чапаевлөн ординарецъяс пöвстын вöвлöма...

— И на Тихом океане свой закончил я поход... Блюхеркöд орчöн, — казтьывлiс Савать Вась, кор чукöртчывлiсны сиктса вöвлöм гöрд армеечъяс да ошйысисны кызди найö воюйтлiсны.

Воис Савать Вась гортас гöтырөн и мöскөн-вöлөн. Весиг ай-мамыс медводдза здукнас юрнысö гыжйыштлiсны, пыдди эз кöсьыны пуктыны ни гöтырсö, ни асьсö, дона пинысö, код вöсна нин панихида сьылöдiсны вичкоын, юөр волöма, мый вошöма кытчöкö.

“Тыдалö, муын нин көнкö куйлö”, — письмöас вöлi гижöма ёртыс. А со, юасьтöг-висьтасьтöг, корасьтöг-свадьбатöг ловийөн-бурөн воис, быттö каститчысь.

Фронт вывысь локтигас Ошлапейö, Падей Микölö жö Вась пырис. А сэни Анюш — невеста ныв, чайөн салдатöс пöтчуйтö. Ачыс мича-сьыс-мича: чужöм банъясыс кисьмöм яблөгъяс быттö, вом доръясыс öмидз рöмаöсь, синъясыс — сьöд сэтөр, морöсыс — пöжассьöм кык ид нянь тупöсь öдъя пачын быттö пöжалöма. Кыдз нö вермис терпитны Савать Вась:

— Мунан-ö ме сайö, Анюш? — юалö, а ачыс мövпалö: “Оз кö мун, пышйöда, бөр муна Сибырö да дзевся ськöд кутшöмкö сиктö”. Но Анюш и шуö:

— Муна.

Батыс тökөтö йиркöдзыс эз чечыштлы чуймöмысла:

— Тэ öд, нылукö, медводдзаясыс на аддзан тайö мортсö, и сийö тэ дорын — пöль!

— А ме, батыö, — шуö ныв, — быттö ва-ажөн нин тöда Савать Васьсö... Да и тэ ачyd коркö висьтавлiн, шулöма пö... Енмыс и кылiс со.

— А тэ, тесьö, шулiн, быттö ме вылö тэнад нылыс абу чужöма, — вашъялö Савать пи да сывъялö нин дона гöтырпусö. Аскинас и вичкö ветлiсны. Приданой пыдди вöв да мöс сетiсны тестя-т्योंщачыс. Аслас Анюшлөн сундук тыр мыйкö чöжөма-вöчөма, кыöма-вурöма.

Тадзи со и воис гортас Савать Вась. И эз весиг ковмы юксьыны-торйöдчыны ай-мамсьыс, выль овмöс лöсьöдны. Уна лыда чой-вокыс разалöмаöсь: кодi Кардорö кывтöма, кодi Сибырö пышйöма, кодi нöш-

та кытчö. Абу нин ловъя и Вера пöчыс. Сылöн книгаясыс вошöмаöсь. Путь-пасьвартлöма еджыдъяс да гöрдъяс костын войнаыс и тані олöм-вылöмсö, но выль власть ассыс кöсийöмсö пöртöма олöмö: му вöдитысьлы сетöма му, ставлы — мужиклы и аньлы, зонлы и нывлы — кöсийсьöма лöсьöдны шуда олöм. Позьö на и, муяс паськöдöм могыс тыла сотны, кöсьян кö да выныд тырмас.

— Но и овмöдчам ми, но и овмöдчам, Анюш! — этшас оз тöр Савать Вась. — Кто был ничем, тот станет всем! — рочасьö.

А рекрутъяс пöвстысь, кодъяскöд мунісны коркö öтлаын, воöмаöсь гортö сöмын витöн, мöд витыс, кыдзи овлö войнаяс дырйи, пуктісны ловсö. А мыйла тадзисö вöлі колö, некод некодлысь эз юав. Воöмаяс пöвстын вöлі и Öльк Педöр Вань. Сійö воöма весиг водздзык. Воддза война дырйиыс пленö веськалöма, Германияын лагерьясын пукавлöма. Дас öкмысöдын лэдзöмаöсь, белöйлы ни краснöйлы абу служитлöма, бумага сертиыс висьлöс воöма, лыыс да куыс сöмын. Но Педöр Вань асланыс сюсь морт, кыккирудз эз жö понды пукавны, ёнмыштіс да, кöть му гöрны-кöдзны эз кутчысь, но вöр прöмысöн овны-озырмöдчöмö эз жö сетчы.

Удораса туйяс кузя бушков моз мунісны-локтісны белöй-краснöйыс кыкысь. Бура ёна чирскисны олысь-вылысьöс: öтилысь вöвсö, мöдлысь медбöръя мөссö нуисны, коймöдлысь керкасö сотісны. Непöштö сёян-юаныс, дозмукыс эз коль сиктсаяслы. Сёй гырнич и сёй латка бырис. Муысь пö петлöма, муö пöрöма. Тайöс бура гөгöрвоис сюсь Педöр Вань да котыртіс Йöвва грездö сёй дозмук вöчан кооператив. Весиг вайöдöма кужысь мортöс кыськö рочысь. "Пöжалöны" кооперативын сёй дозмук, вузалöны Вашка и Мозын бердса сиктъясö. Йöзлы бур вöчöны и аслыныс деньга воö. Гöрны-кöдзны оз ков, бур сёяна кынöмпöт вылö нажövитöны. И друг — дивö: вевт увсыыс, джаджъяс вывсыыс, кытöн косъмöны вöлі дозмукъясыс öжыгайтöм водзвылын, кодкö öти войö став дозмуксö путь-пасьвартöма, ни öти латка ни гырнич дзоньöн абу кольöма.

Милицияöс корасны, сельсöветöс — кок туй ни ки туй оз адзыны. Шөгö усьö Педöр Вань, кодкö гачтöг кöсийö сійöс кольны. Но коді? Ачыс ветлöдлö керкаысь-керкаö, прöща корö: öтилысь водзвыв босьтöма дон, мöдлысь удждысьöма, коймöдлы кöсийсьöма "додь тыр тöвар"... Савать Васьö пырис. Эз на удитны аддзысьлыны коркöя рекрутъяс гортö воöм бöрас. Пукалöны вöвлöм салдатъяс, казтьылöны важсö и выль сёрни водзö олöм йылысь панлöны. Со пö олöмыд кутшöм, шуö Педöр Вань: "Муні царöс дорйыны, а лои сійöс зоръялысьöн!"

— А тэнад, видзöда да, царыс и аслад юрад тырмымöн выйим, оз омöля овсыы, — шуö Савать Вась ёртыслöн лöсталысь чужöм вылö видзöдöмöн. И синъясыс быттьökö пыдöджык вöйöмаöсь госсялöм вöснаыс, чуныясыс киясас небзьöмаöсь, видзаасигас Савать Вась быттьö том аньлысь яя кимöдзяссö кутышпліс. "Оз, тыдалö, ачыс гырничьяссö тапкöд-лапкöд", — мөвпнас нин синыштіс.

— Сöвет власть — уджалысь йöзлөн власть, Василий Саватьевич, — чопкöдчысь вом доръяснас меліа сёрнитіс Педöр Вань. — Но кодъяслыкö оз кажитчы тайö, кинисö сотö.

— Эз-ö кöть нин тэнад чилянад кодкö майöг ётшкы? — юалö Савать Вась. Сійö, дерт, гөгöрвоис, мый Педöр Вань эз прöста лок сы дорö.

— Эз колесаö суйны майöгсö, а сьölöмам бура ёсьтöмöн бытшкисны. Дерт, кывлін нин, кöнкö? — Педöр Вань висьгаліс кооперативын лöбмторсö. — Коді тöдмалас, корсяс мыжасö, бур и мынтыся эськö!..

— Ачыд аслыд и мынтысян, — Савать Вась эз на вунöд, кутшöм вöвлі коркö том дырйиыс öнія кооператорыс: грöштö на вöлі шöри юкас.

— К-кыдзи а-ачым аслым? — весиг мыктавны пондыліс Педöр Вань.

— Со тэныд туйс, — Савать Вась петкөдiс инпöлысь ичöтик туйс, кутшöмын тай вый видзöны. Кыргорт гөгöрын сийöс вый туйсөн и шуöны, да мыччис шогö усьöм мортыслы: — Босыт татчö Яг горув дурзянысь ва, мун гортад, узы, а аски юдiгас, час нель-витын кымын, (а вöлi август тöлысь), пет гортсыд да туйстö шуйга киад кутöмөн восьлав шөр улича кузяыс шор дорöдзыс да сэтi жö и бөр гортад лок. Кодi медводзөн паныдасяс, сийö и...

— Тэ нö, Васьö, збыль көлдунö велöдчин али муй?.. Али шмонитан кызди век? — оз эскы Педөр Вань.

— Мый шуисны, сийöс и вöч. А то... — мытшкерис Савать Вась да содтiс, — лоö сёр.

Кутшöм сэн узыöм. Педөр Вань войбыд пукалис öшинь дорын, синсö эз куньлы. Гортсаясыс эз на помавны вöтасыны, киас ва тыра туйсөн петiс явла вылö. Енэжыс вöлi руд, но явлаыс югыд нин. Юбердса бадьясын сылыс колип лзбач. А сиктын дзирк ни дзурк на эз кыв. Мунö Педөр Вань полiгтыр, быттьö гöтыр борд улас том дöва дорысь локтö.

"А паныдасяс кө поп? — Мөвпалö мыжаöс корсысысь. — Сийö тайö кадö вуграсьны лэччывлö". Но сэки кодкö картопель коръясысь быттьö вуджортiс да быгыльччис Пома Парасьлөн йөр вомөн. Пома Парась том на дöва да и öтка, сы дорö пö воывлөнны мужикуловыд.

"Кодi нö эськö тайö?.. — мөвпалö Вань, а сы водзын нин... аслас мастерыс. Сийö тэрыба кизялö сюртук кизьяссö да сэтшöм жö тэрыба юалö сылысь:

— Куда в такую рань, Иван Фёдорович?

Педөр Ваньлөн калькалис вомыс:

— Да вот... собрался... — а кытчö "собрался" и шунысö оз куж. А мастер водзлань нин шөлгайтö-мунö, оз весиг бергöдчыв, көть сылөн начальникыс дыр на сылөн мышкö видзöдiс.

"Со кодлы абу яндзим том дöва дорсыд локны гортас, баба ни баля абу, шог ни печаль, йылöм ни олöм-вылöм, чунь öтиыдлөн, сунистöм ем кодь!, — мөвпыштiс тадзи Педөр Вань да ачыс аслыс жаль лоис. И казътыштiс, кызди мастерыд пузис, кор аддзис мый лоöма гырничьясысöд, кызди котортiс вөлөстьö, вайöдiс милиционерöс, сиктса властьöс, кызди горзiс, мед найö пыр жö аддзисны мыжаöс, öд сы мында вын сийö пуктiс да сы мында кужанлун.

Ю дорöдз, быттьökö пыжсö видзöддыны, а сзсся бөр гортöдзыс мурталiс туйсö кром сапöга кокъяснас Педөр Вань, дыркодь на сулалiс кильчö вылас, но быттьö нарошнö, став сиктыс узис, быттьö водзвыв сёрнитчöмаöсь, тöдöмаöсь сылысь асья мушкөритчöмсö да.

"Но, Савать Вась, но квас туйс, бара на шмонитiс ме вылын", — дзикöдз дözмис Педөр Вань, горöдчис гöтырыс вылö: — Мыйкö век на узян? — Узъысь питорсö шызыöдiс потанысь, каньсö, веськалис кок улас да, чужйис, туйссö кысыс крöвать улас öлыштiс, сэтгыс Катшыс чепöсийис никсiгтыр — керка тыр шум да зык. Сэтшöм деливö лоис сьölöм вылас, көть рельö öшöдчы. Кык лун чöжас ку пытшкас эз тёр, некодкд бур ногөн сёрнитны оз вермы. А коймöд-нас век жö мунiс Савать Вась дорö.

— Тэ, другö, кор дугдан ворсöдчынытö? Ус-тош быдтöмыд, а сямыд катшалы кокыштмөн абу и содлöма, век быттьö рекрутасян! Тадзтö öд верма и скөрмыны! — öдзöсöдыс на пырö Савать ордö, а пондiс нин пинясыны Педөр Вань.

— Некодi сiдзи из и тэс? Воча из лок? Из кывлысь? — чуймис и ачыс Савать Вась.

— Аслам мастеркöд паныдасыли, но öд эз жö сийö тайöс вöч? — арыштiс синъяссö Педөр Вань. — Ачыс вöчлис дозмукъяссö. Ой, ёна и скөрмыли. Милиционерöс вайöдлiс и... "Корсьöй!" — пузыöма. Эз, эз сийö!

— Сiдзкö, паныдасинныд?.. А тэ шуан... шмонита, Иван Фёдорович, — ыдждöдлөмөн жö, кыз шуласны, водзöс косöдiс Савать Вась.

— Не может быть! — рочассис Педор Ваньон.

— Может, может! Всё в нашей жизни может быть, Иван Фёдорович, — рочон жё и вочавидзис Савать Вась.

...Мастерос кутисны нин Важгортын. Сё сайо верст нин кывтёма пыжон, косийома Усть-Вашкаодз воёдчыны рочодз, а сэни нин ачыс Енмыс отсалас дзёбсьынысё, ас кыла йоз повстас. Милициялы сэсся и висьтасяс мортыд, жуглі пё ачым, а мый мекод лоліс, онодз ог гогорво. Дерт, неуна юыштёмаон сэки вёлёма, но мый сэтшом код, мед ставсё вунодчёмон жуглыны ассьыс вочёмторьяссё, сэтшомнас эз вов. Югыд юрон, сідзкё, ставсё вочёма. А кор сэсся казялас, мый тайо зэв ыджыд мыж, дзёбсьыны косьяс.

— Кыдзи тэ тёдін? Аддзылін али муй? — бёрыннас нин юасё Савать Васьлысь гольмом кооператор. — Али тэ збыльысь тун?

— Ачыд од тёдмалін, эг ме; — сёмын и вочавидзис Савать Вась. Тайон и помассис сёрныс.

А сэни и колхозьяс пондісны котыртавны сиктъясын. Быд ичотик грездын — асланыс колхоз. Вёзйоны выльторсё и корттувьяса войтырлы. А юрнуодны колхоз-сельхозартельон косийоны индыны Педор Ваньос. Сылон пё эм нин юрнуодан кужанлун, кооперативон веськодліс. Но грездса мужикьяс шуисны:

— Кисьган-жуглан тшупод вочысь миянлы оз ков. Вай бёрьямё ми Савать Васьос. Сылон ён овмос, кужо вёдитны видз-му, абу вир юысь, йозос ас вылас эз уджодыв, ачыс мыркё ай-мамыскод да мича том готырыскод. Косьян, Савать Вась? — юалоны Як Микол, Веня Вань да мукод киа-пода и кыла-вома йоз.

— Пуктаннды ко колхозныды нимсё Чапайлысь, пукся, — оз пыксы Савать Вась.

— Чапай ко и Чапай, мед сідзи и лоо. Аминь! — Эз пыксы тайо нимсыс некод.

Чапаев нима колхозса юралысёс недыр мысти пондісны нин шуны Чапайон. Да и ачыс сійо збыльысь неуна муніс тайо легендарной геройыс выло, код дорын и ачыс пё воюйтлома: новліс бёрвыв жё кусыньтёмон руд ыж ку папаха, сэтшом жё уска да и нимыс Василий — мыйон нё абу Чапай, кодос унаон аддзылісны киноысь. Чапай нимыс сідзи ковьясис председательлы, мый сэсся и челядсё нин пондісны шуны — Чапай Марей, Чапай Галя, Чапай Ганя, Чапай Коля.

Дас нель во предаліс колхозын Чапай. Быдторйыс вёвлі, коркё и матявліс кодоскё, коды сьёкыдаджык шедіс трудоденыс видзмусьыс, кодоскё и малыштыліс юродыс. Но быдонны отмоз, бура тшөктыліс уджавны — и оломалы, и томыслы. Челядь вов дөзёоритісны тувсовья войясын кольом вося идза под вылын, одва-одва мыччысьом веждо вылын, агсасисны, а төвнас куйод кыскалісны — быдонны уджыс тырмис. Весиг пөчьяслы удж аддзис — печкыны тшөктіс, гез гартны, чувки-кепысь кыны. Ог шу нин пөлясёс, кодьяслон ошйис на кианыс чер ли пурт. Ставлы удж тырмис: нянь быдтісны рудзот и ид, мөс-кук видзисны и отувья картаын, и ас гидйын, ыжыс сёмын колхозыслон кыксё лов вөлі да быд сарайын аспомыс витсянь кызьбодз. Лук и капуста, сёркни и галанка — мый сёмын эз быдмыв ыбыввса муяс вылын, шабдыс и шобдыс воис. Көть төв шорнас керка стеньяс потласисны пашляк кодзыдсьыс, но гожомыс гожомон и вөлі: шондіа, унджык кадсё лун төла и та вөсна муясыс лышкыда мынтысисны йозыслы.

Дерт, эз быдон сёлөмсяныс локны колхозас медводдза воас, гөля олысьыс и радліс сёмын. Но кор воліс районсянь морт да стрөжитіс, мый коді оз пыр колхозо, ыстасны сиктысь, кызд и Оврамос, кодос удитісны нин кулакавны. Тайос төд вылын тшөтш кутёмон, пөшти ставіс гижсисны.

А сэни и ичот челядя бабаяслы кокньод вөчис Чапай — ясли вось-

тіс сиктса посни гражданалы. Кагаа нывбабаяс прѳстмисны да босьтісны кианыс коса, куран, чарла.

Райцентрын быд во котыртлѳны выставка. Мый быдтѳ колхоз, сійѳы и нуѳны сэтчѳ петкѳдлыны: мешѳкын тусь, картупель, турнеп, кольтаын пыш. Медгырысѳѳ бѳрйѳмѳн, дерт, да та вѳсна мукѳд колхозъясыс нинѳмѳн абу омѳль, а, гашкѳ, на и бурджык кодыскѳ-мыйкѳ. Выставка лунъясѳ райкомын нуѳдѳны пленум, став колхозъясса предьс чукѳртчѳмаѳсь. На дорын Савать Вась — Чапайсыс на Чапай: юрыс чатѳра, кывйыс калич вывсыс чеччыштѳма, кийс шенасьѳ, быттѳѳ сѳні век на шашка. Пыдди пуктѳны Чапаев нима колхозса юралысѳѳ.

А воас гортас, дзык мѳд — мукѳд коды жѳ прѳстѳй мужик, кытчѳдз, дерт, оз коддзышт. Юыштас да и збылысь Чапай. Субѳтаѳ Савать Вась пывсьѳ. Пывсьѳдас медводз ассыс пиянсѳ, а сы бѳрын нин и китѳм-коктѳмѳс, высысѳѳ пыртѳдѳны. Пывсьѳд пѳ, бурдѳд, Малалас да ниралас, быд лы пом кияснас видлас. Коктѳм, видзѳдан да ас кокѳн петѳ, коскѳн висысь вундѳны чарлаѳн аскинас жѳ петас, синмѳн майшасьыс лыддѳысны кутас аддзыны. Сиктсаяс лѳвтѳны, ылысь воысыяслы ошкѳны:

— Савать Васьлы кѳть кутшѳм доймѳм мортѳс пывсьѳдны пырт — бурдѳдас.

Пукалѳ Савать Вась пывсян бѳрын да газет лыддѳѳ:

"Социализм — Му шарвывса быд олысьлѳн мѳвп". А рытнас, стѳч-джыка кѳ, вой шѳрнас, водас узьны да радио кывзѳ. А сѳні сьылѳны: "Весь мир насилья мы разрушим до основанья, а затем мы наш, мы новый мир построим, кто был ничем, тот станет всем..."

"Гашкѳ и колѳ тадзи, гашкѳ и колѳ", — мѳвпалѳ Савать Вась. А сѳся аскинас жѳ и юалас аслас счѳтоводлысь да друглысь, Як Микѳллысь:

"Мыйла нѳ зськѳ асьнымѳс жуглам? Коркѳ сьывлім: "Впереди идет наш Троцкий, первый красный генерал!" а ѳні сійѳ — враг. И абу сѳмын сійѳѳ. Зиновьев — Ленинлѳн медматыс ѳртыс, Бухаринѳс — любимец партиѳн шулісны. Мый нѳ тайѳ? Микѳлѳ, тѳ мыйкѳ гѳгѳрвоан-ѳ? Тѳ ѳд краснѳй партизан!"

"А кыс миян. Ош гуын олам. Мѳскуасяныс ѳд ылѳджык тыдалѳ. Ог тай тшыгйѳн олѳй" — сѳмын и вочавидзлас.

Як Микѳл абу уна сѳрниа, ковтѳм кывтѳ оз шу, кѳть ас кежас мѳвпалѳ жѳ та йылысь, но мый вермас шуны, кор оз жѳ тѳд нинѳм и оз гѳгѳрво, мый вѳчсьѳ странаын.

Педѳр Вань воывлѳ правлениеѳ. Сійѳѳ сиктсѳветѳн юрнуѳдысь. И сылысь коркѳ юалис Савать Вась странаын лѳмторьяс йылысь.

— Тѳ вай дутды, Василий Савватъевич, контрреволюция сиктын гудравны. Ежовлѳн ѳкыш щѳтя кепысьѳ кѳ он кѳсйы веськавны, — шуис ѳтчѳд.

— Мый нѳ, сѳся и юавны нинѳмтор йылысь оз позь? Лои жѳ олѳм!

— Тѳ мый, Сѳвет властьлы паныд? — скѳрмис Педѳр Вань.

— Господѳй! Воуйтѳ, воуйтѳ Сѳвет власть вѳсна! Колхозын партиялысь визь жѳ нуѳда — ме жѳ и паныд? Мыйла тѳ, Иван Педѳрѳвич, ме вылѳ гуга синмѳн видзѳдан? Али ме абу Чапай?

— Эн пыр воча пузы, шомман, коркѳ, Чапайѳ. Вомтѳ вай каличав. Йиркыс и джоджыс ѳні синма-пелясьѳ.

Быть ѳд сѳся вомсѳ каличав, эз ѳд на вун, кор Косьюдѳн сиктысь ѳти рытѳ 12 мужикѳс нуѳдѳсны, и лы ни ку.

Бѳдждѳ война пансьѳм йылысь юѳрсѳ Савать Вась кыліс радио пыр. И, кор воис ю сайысь Кѳрттувьяѳ Педѳр Вань, мед та йылысь юѳртны, став сиктыс вѳлѳ чукѳртчѳма нин правление дорѳ. Гѳра-кодза помалѳма, йѳз дасьтысьѳны нин турун заптан удж вылѳ петны, ставѳн сур пуѳны, а со тай, гымыштѳс неминуча.

"Весь мир насилья мы разрушим!" — татшѳм кывъясѳн шыѳдчис

ас сиктсаяс дорё колхоз правлениеён юралысь. А помаліс таdzi:

— Ме, Чапай, медводзён гижся доброволечён, мед пёртны оломо партиялысь кып!

Коть пёрной мужикуловыс 37-38 вояс бёрын сиктъясё эз нин уна коль, Савать Васёс салдатё эз босытны, пёрысь пё нин, гортад пё нин олышт, бабаясён да челядён веськёды. Кольччис, но кык пиёс ыстис ас пыддыс, мед и найё порок тшынсё тёмаласны, доръясны Рёдина.

И веськёдліс ёд колхознас бура, коть уджалысьыс пёрысьяс да дзоляяс колисны. 1941-42 воясын видз-му вылын быдмылісны озыр урожайяс, кыз и воддза кык-куим воясын жё. Удора районён веськёдлысьяс быдлаын ошйысисны: "Удора — мёд Украина!" Медся ёна горзысьыс вёлі райисполкомён веськёдлысь Суров. Эз кывтёг тайёс овны и Сыктывкарын, гашкё, и Мёскуаын на. Украина немеч улын, а кёнкё ылі Войвылын, асланым нянь воё. Мыйла нё, сідзкё, няньсё сэтчё мёдодны страналён амбаръясысь? Мыйла Войвыв нимсё аслыныс кёлалёны да содтёд сём дзумгёны зептанисы?! Киритисны Войвыв нимсё Удоралысь. И быттё кыліс тайёс, вывсаян аддзис ли, ачыс Енмыс. 42-43 воясын пужьяліс июлын. Рудзёг да ид пыдди муяс вылысь лои чукёртёма шыр сит кодь сёд туся шепъяса идзас. Пёжалісны татшём тусысь нянь да ыстисны тайё гёснечсё Коми республикаён медыджыд юралысьысы, тшётш, дерт, и Суровлы. Но найё эз нин вермыны бергёдны Войвыв нимсё районысы, мед бара няньсё татчё кутісны тшётш и вайны, а эз сёмын нуны. Начальникъяслён морёсъяс вылын ошалісны нин война кадё тылын ыджыд удж вёчёмысь орденъяс.

"Ставсё — фронтлы! Ставсё — Победалы!" — кыліс быдлаысь, кён вёлі морт. А Оборона фондлён кынёмыс пыдёстём. Волас районса уполномоченной да колхозлысь жытник йёртёдыссё бордийён кураласны сылён индёд серти. Нуёны оз сёмын нянь, но и картофель. Бабаяс пуасны, вуңдаласны, косьтасны либё крахмал пызь вёчасны, но оз аслыныс пызан вылё веськав, — фронтлы ставыс мунё. Ачыс Чапай сёйё картофель жмыкысь пёжалём кёвдумъяс, дона Анюшыслысь пёжассё.

Мед нин колхозыддысь, но ёд и быд мортлысь на государствоыс пычкё ыджыд налогъяс: яй, вый, кучик, вурун да нёшта на и облигация вылё гижсыны колё, кутшёмкё кёпейка кё мынтыштлас колхоз гёрысь-кёдзысьы. Война корё и деньгаён и сёянён.

Отчыд районса уполномоченной да сиктсёветса юралысь Педёр Вань локтісны Савать Вась дорё:

— Колё Дарья дорё ветлыны, гижавны кёлуйсё и керка-картасё, налог оз мынты! — скёралёны.

Мунісны.

— Гижалёй, колёкё, — шуё Дарья. — Но менам ёд нинём донаторыс абу со тайё потём чугунысь кындзи. Гашкё, укват на туся?

А керкаыс и збыль тыртём. Сёмын пёлатсянь квайт повзёём син дзоргисны комиссия вылё. Яндзим лои и уполномоченнойлы. Шуисны киритны налогсё мынтысьяслён кабаляысь Дарьяёс, а челядсё детдомё сетны, мед тшыглы оз кувны.

Мёдысь со мый лоис тайё налогъясён. Кёкъямыс кило вый колё сетны государстволы быд овмёсысь. А мёскыс кё мортислён абу? И вот висьталісны, мый вый пыдди позьё сдایتны лук... Нелямын киллограмм. Сиктса аняяс шыёдчисны колхозса юралысь дорё:

— Вай миян кодлыкё нелямын кило лук!

Сетіс ёд Савать Вась. А вёломокё, позьё на и вузавны сійёс лавкаё. Оти морт вузаліс, а мёд сылён деньга вылё жё нёбис тайё луксё да бара жё вузаліс сійё жё лавкаас. Сідзи жё вёчисны и мукёдыс. Чапаев нима колхозса войтыр ставныс таdzi и мынтисны государстволы вый вотсё.

Районса пленум-сессияс вылын колхозъясён веськёдлысьяс бёрдёмён сорён корёны тулыс кежлё кёйдыс. Ставсё пё нуинныд оборона

фондо, а мыйон мунымос кодзам? Лунвив районгясо муноны предьяс пычкыны колхозгяслы койдыс. А мудер Чапай немытчо оз мун, не-коддыс оз кор. Сылон аслас эм койдысыс. Вөлі гуся амбар, кодос коркө аслыс лэптыліс, ас овмөсөн олігөн на. Сэн и видзис дзедас койдыссө. Но отчыд казалис, кодкө гусявлө колхозлыс гуся койдыссө. Амбар горувсянныс розялөма напаргяон джоджсө, сэти и киссьө до-наторийс. Оти войон Анюш гөтырыскөд став мешөксө кыскалісны правленияса аслас кабинетө, а ачыс петис вежөсө, коні уджаліс счёто-вод Як Микөл, пачыс пө киссис да ог ломтөй сійө жырсө, висьталіс мукөды, а счётоводыс эз дзед.

— Сідзкө, колө видзыс, — шуис Як Микөл.

— Содтөд вом, — оз көсий тайос пред. Сійө эз на вунөд, кызди райкомлөн оти пленум вылын сылы ковмис висьтавыны: "Восемь жен-щин запрягал да так и пахал". Унджык вөвсө өд война вылө жө нуисны, лыда коли гөран пемөсыс.

Но счётовод оз көсий уджавны сэн, кытөн орччөн лун и вой нянь куйлө, а гортас йылөмыс тшыг ниссьө пөт олоны. Полө: няньсө кө и водзө кутасны гусявны, вермасны өд и сы вылө чайтны да оз сетчы предды:

— Нинөм он вөч, другө, ерөмакань. Ставөн тшыгөсь, некод вылө надея абу. Сідзкө ковмас кранитны койдыс сюсө, — шуө.

— Но кодос индыны стөрөжнас?

— Коркө Закарлы кызы ура денгя сюрөма ывла вылыс, прав-леньбө пыртис, абу-ө пө тьян кодлөнкө либө оз-ө кодкө висьтась воштысьбөмөн. Сөтөй. — юөртис счётовод, — Закарсө и индам.

— Закарөс? Сылон эськө абу семьясы да, гөзийн и жыкруйтөны. Бур, сідзкө, — Савать Васылы кажитчис главбухыслөн мөвпыс. Корис Закарөс правленьбө.

— Тани, — индіс жыр өдзөсө колхозөн юрнуөдыс, — став сикт-нымлөн оломыс — нянь койдыс. Гусявлыны кодкө амбарыс мөдіс. Татчө лои кыскавыны. Ог кө өд кодзөй тулыснас мунымос, ставөн сэки тшыгла кулам. Койдыс кө лоө бара на ловгя колям. Мед оти тусь из вош. — Гөгөрвоин, Закар?

— Ивө Закар — абу сакар, — кытшласьбөмөн, көзалөн кодь тошсө малалігмоз вочавидзис Закар, ар квайтымына дядьбө. Закар истанлөн кодь кузы, вөсни кокгяса, көть ачыс и ичөтик тушаа. Кодзлаыс, сюс сингяса тайө мортыс гөжөмгясын стөрөжөн жө уджалвіс, сёркни да капуста градгяс куштөмыс видзис.

— Лун и вой али кыз видзнысө? — юалис Закар.

— Войын сөмын, кор ми абу танөсь. Но ковмылас и луннас. И мед некоді, гөгөрвоин, не-ко-ді из төд, мый видзсьө тани. Правленьбө, висьтав, стөрөжитан и ставыс. Коркө и телепон звөнитлас войнас — вот, шу, и индісны дежуритны.

— Ме ачим йөзкөд рад тшөтш понда кодзны, — унаыс шулывліс Савать Як Миколлы. — Мед эськө и кодзигас эз вош сэсса ни оти тусь.

Но отчыд вьсьтис Савать Вась сю видзан жырийсыс томансө, лыд-дис мешөкгяссө да төкөтбө эз усь: ки-когыс сырмыны кутіс, чужөмыс кельдіс: оти мешөк койдыс эз тырмы.

— Закарлөн тайө уджыс, Закарлөн! Мешөкнас өд шыр эз пыш-йөд позгяс! — Як Миколлы висьтавліс Савать Вась. — Мунам, пу-зувтам керкасыс ставсө, карта пытшкөссыс ставсө гугөн бер-гөдам! — Сой пөлөдыс тшапаліс ассыс отсасысысө да кыкөн и мөдөдчисны Закар ордө пөшти котөрөн. Быд пельос гудийсны, но тусь ни пызь.

— Закар, бурөн кора, вай бөр мешөк сюсө да пукты местаас... Но, көть мый коли, сөйинныд кө, нинөм ог вөч, некодды ог висьтав, — көть пидзөсчанияс стөрөжыс водзын председатель. А мөдыс отитор долбө:

— Незаконной өбыск! Незаконной өбыск!

Коді сылы татшом законъяс йылысь и висьталома? Савать Вась быттьо вот тодо: Закар гусяліс няньсö, сэсся некод. А налön быттьокö весиг и няньыс абу гортаныс некутшом, картупель да сёркни вылын, олоны гозья. Сідзи, нином аддытöг да тодмавтöг и лои бөр мунны.

Мод лун асывнас Савать Вась ордö воисны сельсоветса пред Педөр Вань да милиционер Борисов. Закон торкаломön öбыск вöчöмысь босьтісны колхозса предöс да нуодісны райцентрö. Видзисны сэни куим лун, а сэсся и Човйö лэччөдісны Шожым мусюр пыр подөн.

Шогö усис Савать Вась. Пукалө дзик мыжтöг тюрмаын. Савать Вась — тюрмаын? Чапай — тюрмаын? Колхозön веськөдіс котыр-төмсянныс лючки-бура и со, мыжтöг, и некутшом öд судтöг веськаліс тюрмаö. Сөйом ни юом. Нином оз пыр Савать Васьлөн вомö. А сөян-юаныс сэни — ассыс Катшыс понсö эськө эз верд татшомнас, көть эськө бөръя кадö эзв жö ёна тшыгъялісны гозья. Нель быдгасысь öти ныв сөмын коли дінаныс. Сійö верөс сайö нин удитліс петавны, но верөссö нуисны война вылö. Письмö ни юөр сэксянь: ловья-ö абу, некод оз тöд. Ичөт пи Коляыс моз жö воши. Сійö тай кызди муніс, сідз и вöйис быттьокö ваö, письмö ни юөр жö эз воы.

Пукалө Чов тюрмаын Савать Вась, а юрас öтарö вооны и мукöд тшыг кадö сьöкыд уджын кольбөдөм луньяс. Уна терпитіс мортыс аслас оломын.

Коркө öтчыд еджыдъяслы пленö веськавліс. Локтіс разведкаысь сиктас, пырис штабас, а сэни нин краснөйяс пыдди белогвардеецъяс пызан сайын пукалоны. Пышйыны сэтысь кызкө вермис, а ас йөз дінö оз сибав, быдлаын еджыд бандитъяс овмөдчөмаөсь. Тöлысь джын вöрын дзевсясис, пу качөн, пельсы чалясөн, лыскөн тшыглунсö ылөдліс, уль тшак сөйис. Коркө, муніс-муніс да петіс жö ас йөз дорö, а сійöс бара томан сайö йөртісны: вузалін пö мяннös, лыйлыны көсйöны. И мездісны тайö пöрйö еджыдъяс нин. Найö войнас уськөдчөмаөсь сикт вылас. Гөрдъяс пышъясны, а томан сайын пукалысьöдз некодлы мог абу. Гөрдъяс ассыныс юрнысö öдва удитісны керыштöмысь мездыны, а еджыдъяс оз тöдны, мый көнкö, кутшөмкө чижовкаын пукалысь эм. Некоді сы йылысь нином оз тöд. Чижовкаыс вöлі öшиня дорөм көрт решёткаа сөмын. Аддзö Савать Вась: чижовкасянь неылын, туй кузя муно том ань. Шутөвтіс да аныс и матөдчис öшинь дорас.

— Висьтав, мый ме тэнад жөник, мыйкө гусялі гөрдъяслысь да сыысь и пуксьөдісны. Еджыдъясыс менö сэки пыр и лэдзасны. Дöва вöлома. Сідз и вөчис аныд. И лэдзисны öд гөрдъяс вöсна стра-дайтысь морттö. Жугөдісны томансö да немтор эз и юасны. Мун пö гортад. Ен борд улö быттьö сэки веськавліс Савать Вась. Кор аслас частыс бөр воис сиктö, сійöс төдісны да бөр мортөн лыддисны. А том дöва, гашкө, и пи ли ныв колис быдтыны гөрд армеецысь.

Быдсяма лэчкас шедліс олом чөжнас Савать Вась, но некор эз лябыв. А öні со шогö уси. Анюшыс оз вуны юрсыыс: көнкө, коньөр, бөрдö сы вöсна, зарни аныс сьлөн. Быдторсö көть вöчны кужö гөтырыс: эм кө мыйкө, пуас-пöжалас чөскыда — кывтö нылыштан, кыö-печкө и видз-мутö кужö вөдитны, мөс-куктö радейтö и чер кө босьтас, майöгтö йывдас, ковмас кө и керка пельсö на тшупас. Быдлаö морт, а орччөн водас да став вир-сöныд пöсялө-ворсö.

И эз тöд сэки Савать Вась, мый сьлөн Анюшыс сы дорö мөдөдчөма. Гижліс письмö гортас, куритны пö оз сетны да морөсöй косьмö. Анюшыс и ньөбөма сиктсалысь самосад-табак, пуктас мешөкторйö да и мөдөдчас ачыс öткөн, подөн жö Шожым мусюр кузя Човйөдз. Но Шожымын Анюшöс кутасны: табакөн пö петöмыд вузасынь, спекулянтка пö тэ да и асьсö Човйö жö пуксьөдасны. Аддзис öтчыд Савать Вась муса гөтырсö да төкөтö садьсö эз вошты. И нимкодь, мый матын и жаль — тюрмаын жö пукалө да. А сывъясыны, матыстчыны сы дінö, дерт, оз лэдз конвойыс. Ылісянь горзөмön сёрнитыштісны. Но садökын пö öд и колипкай оз сыв, уна-ö верман сёрнитны горзөм-

над да нѡшта на и синваыд кѡ сола ваѡн киссьѡ да вомад пырѡ.

Регыд Савать Васьѡс лэдзисны Човсьыс. Абу пѡ мыжыс ыджыд. Но лэдзтѡдзыс на "ош висьѡм" кѡвъясис мортыдлы. Човйысь лои мынѡма, но став гырк пытшкѡсыс дойѡн тыр, биѡн быттьѡ сотѡ. Сэтчѡдз висьѡмыс топѡдѡс, мый вирѡн асмогасьѡ. Аددзысьлісны Анюшкѡд здук, да гѡгырыс тшѡктѡс гортас кайны, мед оз виччысь сійѡс. Косланын тшѡктѡс пыравны зятъыс орѡ, кодѡ коркѡ прокуратураын уджавлѡма, мед пѡ гижас вылѡджык тшѡтш и сы йылысь, кыдзи Вась йылысь гижліс неважѡн. Мед пѡ лэдзасны жѡ менѡ, ѡд некутшѡм мыж пѡ эг вѡч. Табаксѡ ачым нѡби аслам верѡслы гѡснеч вылѡ, а эг вузавны. Мед жѡ мездас и сійѡс Стапей Кѡсьтаыс, Ѧпѡнасья чойыслѡн верѡсыс.

Човсянь пароходѡн туйѡ петѡс Савать Вась. Шожымсянь подѡн колѡ вославны сѡ сизимдас верст Косланѡдз, а сѡсянь нѡшта сизимдасѡс — гортѡдзыс нин.

"Абу татшѡм туйяс келавлѡма да муртавлѡма, вуджа и тайѡ вѡлѡксѡ", — мѡвпалѡ Савать Вась. Но Эжва кыркѡтшсянь эзджык во Мозын ластаѡдз тюрьмаысь петѡм морт. Вожаѡльса кушник керкаысь асывнас петны эз вермы. Енѡжыслысь корис, му-ваыслысь корис, вѡр-пуясылысь корис, мед сетасны гортас воѡдчыны вын. Но эз сод вын-эбѡсыс, пышйѡма сійѡ лысьѡмсьыс висьѡмысла. Весиг Ен ни рѡдительяс эз отсавны, кѡть и налысь ѡна корис. Быттьѡ некор эз и вѡвлы тѡдысьѡн Савать Вась, кѡть быдѡнѡс быдсяма нѡрпалѡмсьыс бурѡддѡс, но асьѡ со оз вермы.

— Нѡшта ѡти вой узя, — шуѡ кушниклы. — Сѡки ѡнмышта да Бутканѡдз кыдзкѡ кысья нин.


Кушник пондас чуксавны асывнас туй мортѡс, а сійѡ нин кын. Вѡр дорас и дзебыштас выль кувсьѡмаѡс, бедь сувтѡдас крест пыдди.

"Гашкѡ, кодкѡ и нуѡдас на гортас, документъяссѡ ыста да", — ас кежас мѡвпалѡ кушник.

Колисны уна-уна вояс, но ѡнѡдз некод оз тѡд, кытчѡ лоины тайѡ документъясыс: ни сиктсѡветѡ, ни Марей нылыслы нинѡм абу волѡма.

— Ыстылі тай а, — тѡдса мортлы висьтавлѡма кушник, кор кутѡмаѡсь корсьны вошѡм мортѡс. Эз во гортас Човйысь и Савать Васьлѡн Анюшыс. Кѡнкѡ, сѡдз жѡ стинитѡс да и шыбитѡсны шойсѡ кутшѡмкѡ коз пу улѡ...

Ставыс-ѡ тадзи вѡлі, ме стѡча висьтавны ог вермы, но тадз кымын казытылѡны ѡти-мѡд Кыргорт вѡлѡстьса сикт-грездын да мый кывлѡ аслам ай-мамсянь Савать Вась йылысь.



Менам кывбурьяс

* * *

Гортö воа да вадорö лэчча,
Мудзöм кокьясысь ваыс мед туйяссö босьтас...
Талун некытчö сэсья ог мун,
Талун гортын ме,
Талун ме шойчча...

* * *

Коркö воан гортад ыджыд мортөн,
Сöмын пыригад эн зурась...
Миян öдзöс беллыд ляпкыд —
Гортад пыриг — юртö копырт...

* * *

Эмось кывбурьяс,
Кодьяс
Ва веркösöd кокниа лэбöны.
Эмось — ва катчös сьöкыда катöны,
Гудырын пидзösöдз собалан эмось.
Эмось и
Пыдöсас изьясөн куйлысьяс...

* * *


Кöсьян —
Ме тэныд пыжөн лоа,
Кывтам тэкöд ылö-ылö.
Кöсьян —
Төлөн лоа,
Сöмын кутны менö удит.
Кöсьян —
Кодзулөн ме лоа —
Менö судзöд...

* * *

Ме тэныд юкмöсысь содз тырйөн
Гумовта васö,
Чöскыдсö,
Сöстöмсö...
Ме тэнад сьöлöмысь гумовта шоныдсö
Сьöлөмөн...
Ог тöд,
Дыр-ö ме, регыд-ö ола,
Отыись пода —
Мед тэнад сьöлöмысь шоныдыс
Другөн оз помась.

Миян войвылад төлыд,
Быттьо рушкау нывбаба —
Өкмыс төлысь чөж
Няргө да дузялө...
...Коркө-некоркө
Чужасны корьяс
Да туруны-дзоридзыс мыччыяс.
Төлыд войвылад
Рушкау бабалөн
Тулыс — кагасө чужтөм-виччысьөм...

Кызди овсьө тэныд, пöрысь морт,
Кызди тайö му вылас тэ төран...
Кымынысь нин дасьтылин тэ горт,
Но со век на керка дорад вöран...
Сьөлөм пыткад чунь кыза нин дой,
Кызди сöмын тiпкыныс на вермө,
Быттьо ланьтас буретш тайö вой,
Сöмын отсöг корны он на тэрмась.
Көнкө ыли муын ныв да пи,
Öтмоза тэ виччысян көть кодсö.
Пыр на налы видзан сьөлөм би,
Пыр на думсьыд налы сетан отсöг...



Православие эз кыпөд Коми-тө

Блі муысь тайө учёной мортыс воліс Сыктывкарө колян वोся майын, кор муніс Перымса Степанөс казытылан международной конференция. Мукөдьяс лыдын сөні сёрнитөма и господин Васои-Вазоли. Сёрнитөма, дерт, английской кыв вылын, а роч вылө вуджөдөма да пыртіс журнал редакцияө гижөдсө Чуд Миш Игнат орд, кодлөн нимыс "Войвыв кодзув" лыддысьяслы бура нин төдса. Вайис сійө и ассыс гижөдсө (петалис журналлөн колян वोся 9 номерын).

Гижны да сёрнитны Перымса Степан йылысь, торъя нин колян во, лоис моднойторйөн. Котыртлісны весиг татшөм гижөдьяссьө нимөдан конкурсьяс (вермысьяссыслы вичмысны вель лышкыд козиньяс). Дерт, налы, кодьяс сөмын помся ошкисны Перымса Степанөс да ставсө, мый сійө вөчлөма Комиын.

Но эмось и мөд видзөдласьяс, кодьяс ас ногыс донъялөны Комиө православие пыртөм да коми войтырөс рочьяс кабырө суйөм. Татшөм йөз вылас видзөдөны букуша — православие лои өд государстволөн политикаөн, быдлаын со, сьом да выньяс жалиттөг, выльмөдөны коркө кисьтөм-жульөм вичкояс да монастырьяс, а көні найө абу на вөвлөмабсь (Воркута-Ухта кодьын) — кыпөдөны выльясөс.

Чуд Миш Игнат орд донъялө Перымса Степанлысь миссиясө Комиө медводдза колонизаторьяслөн воёмөн. Найө жуллисны да бипурьясын сотісны комияслысь важся вежайньяссьө да эсканторьяссьө, талялісны нэмөвійся культурасө.

Гос. Васои-Вазоли видзөдө комияслы православие көвьялөм вылө кутшөмакө Чуд Миш ног жө. Но сійө донъялө Перымса Степанлысь миссиясө да коми войтырлысь уна нэмьяса оломсө му шарывса мукөд ичөт войтырьяслөн судьбакөд орчачаөдөмөн. И ылі австралияса учёнойлөн мөвпьясөн коми йөзлы зэв весиг колө төдмасыны.

Коми-зыряналөн апостолыс — Перымса Степан — нималө паськыда, төдса, позьө шуны, му шарлөн уна пельөсьясын. 1968 воын америкаса нималысь академик Чарли Фергюсон аслас гижөдьясын пасйыліс, мый уна лыда да разной сикас миссионерьяс пөвстын Вежа Степан босьтө торъя места. Коми войтырлы шуд вылө пө, сійө вөлөма мывкыд, вежөра мортөн. Кристослы эскөмсө паськөдіс эз куш крест да меч отсөгөн, кыдзи вөчлісны тайөс Карл Великий да мукөд апостольяс, шуам, инквизиция кадө. И эз сідз, кыдзи Степан бөрын нин пыртісны Кристослы эскөмсө Мексикаын да Перуын. Епифаний Премудрыйлөн да Георгий Лыткинлөн гижөдьясысь сійө сувтө мян водзын вежөра мортөн. Ассыс төдөмлуньяссьө да сямсө веськөдөма сы вылө, медым паськөдны Кристослысь велөдөмсө. И вөчлөма тайөс коми-зыряналысь оласногсө пыдди пуктөмөн. Сійө абу зильлөма рочмөдны комиссө. Мөдарө, ачыс велөдөма зыряна сёрни, лөсьөдөма комияслы анбур, медым сы отсөгөн кыпөдны да озырмөдны коми войтырлысь культурасө.

Ставсыс өддор, Степан кужлөма кыскыны йөзсө ас дорланысь. И вөлөма, "дерт, повтөм мортөн. Казытыштлөм нин Чарли Фергюсон гижө тадз." коми язычникьяскөд Степан тышкасис нем жалиттөг, медводз накөд, кодьяс сулавлісны Пама дор; сійө жугліс да бипурын сотіс ставсө, мый вөлі йитчөма зыряналөн языческой эскөмкөд, а языческой капищеяс местаө кыпөдавліс вежа Енъяса православной вичкөяс. Но мөдарсянь, Степан, кор пансьыліс зык да вензьөм роч да коми йөз костын, тшөкыдджыка сувтліс комияс дор.

Анбур лөсьөдөм бөрын вуджөдіс коми кыв вылө литургиясысь медшөр юкөньяссьө, пыртіс коми кывсө вичкоса службаө да школясө, кодьясөс ачыс и подулавліс".

Мый бур — сійо бур: Степанон паномторьясыс лосьялісны и коми войтырлы, и православной вичколы. Но тадзи вөлі зэв дженьыд кад-коласт. Степан кувсьом бөрын Коми крайлон олмыс мододчис дзик мод туйод. Нөшта отчыд бергодчылам, мый гижліс Фергюсон:

"Степан кувсьом бөрын коми войтыр вит нэм чөж зэв пыдди пуктөмон нимодіс ассыс апостолсö, сы велөдөмон православие ногон эскис Крестослы, кодсорö ёнакодь ышнясисны сійон, мый комияслон ёна водзджык мукөд войтырьяс серти лои аслас гижанног. Но Степан бөрын мод татшөм мортыс эз чукты — ни рочьяс, ни коми пөвстысь, и некод коми кыв сөвмөдөм вөсна сэсся эз төждысь. Гижода важ перымса кыв коли сөмын Степанон лөсьодөмторьясын. И модысь гижөдысон водзмөстчөмыс чужис сөмын 19 нэмын, кор коми пөвстысь ас чужан кыв пыдди пуктысьяс пондісны лөсьодавны откымын выль гижөдыс, весиг и художества литература. А ставыс вөлі сы сайын, мый царлон власть эз лэдзлы вөдитчыны коми кывион некөні, вичко службаясыс өддор. Степанлон гижөдысыс кольясны "ловьяон" куйм нэм чөж гөгөр, медсясө мөскуаса книга радейтысьяс, а эз коми войтыр пөвстын. Надзөникон Степанлыс коми анбурсө вунөдісны, и вичкоса гижөдыс коми сиктясын бөр лоины важ славяна кыв вылын. Сэсся и службасө вичкоясын пондісны нуөдны сөмын рочон".

Тайо и ставыс, мый позьо шуны бурсө коми кыв сөвмөдөм вөсна Перымса Степанлон водзмөстчөм йылысь. Но ми ни өти здук кежлө огө вермөй вунөдлыны сы йылысь, мый православиесө Комиө вөлі пыртөма абу сөмын Крестослы эскөм ради (лов кыпөдөм могысь), сэкся олөмлөн мукөд могьяскөд некутшөм ногон йитчытөг. Збыль вылас Степанлысь став зильмөсö и вөчөмторсө некыдз оз позь торйөдны роч муяс паськөдан туйвизысь, кодөс нуөдісны мөскуаса өксы. И тайо туйвизыслон эм сөмын өти ним — роч колониализм. Та бөрын лоас гөгөрвоанаджык, мый Вежа Степан збыль вылас пөртис политической мог, шуны кө нин веськыда да вөсьсөн. Гөгөрволіс-ө ачыс, мый сійо вежа (лов кыпөдан) уджнас посйө туй мөскуаса өксы кытшлы, медым паськөдны да содтыны муяссө да озырлуньяссө, коми войтырөс да сылысь чужаниньяссө ас кабыраныс Крестос нимон пыртөмон? Юавсьө, вөлі-ө Степан Енлы зэв эскысь мортон да төждысис-ө сөмын Крестослысь паствасө содтөм вөсна, али сійо, кызди вежөра да мудер морт, кужөмон пөртис олөмө мөскуаса юралысьяслысь индөдыяссө, вөлі налон агентон? Тайо зэв бур юалөм налы, кодьяс збыль вөсьса синьясон туялоны либө лөсьөдчөны туявны Россиялысь да сэтчө пырысь войтырьяслысь историясө.

Донъявны кө сэкся лөомторьяссө нинөм дзебтөг, он вермы кольны казавтөг сійөс, мый Комиө Крестос вера пыртөм отсаліс медводз рочьяслы колонизируйтны войвывса муяс да сэтчөс войтырьясөс. Рочьяслысь империя паськөдөмыс пансис сюрс во сайын да кыссис бөрья кадөдз. Дзик на неважон тайо помтөм-дортөм империяыс нюжөдчыліс Берлинсянь Владивостокөдз.

Коми крайө да орчөн олысь мукөд войтырьяслон чужан муясө рочьяс пондісны воавны ёна водзджык Перымса Степанөдз. Несторлон "Повести временны лет" гижөдын Перымса крайөс казтыштөма нин кызди рочьяслы вот мынтысьөс (чайтөны, мый летописьсө Нестор гижлөма XI нэм пансигон, а гашкө и водзджык на). Сы йылысь, кызди славяна нем жалиттөг паськөдчывлөмаөсь мукөд войтырьяс тшөт весьтө да ылөджык и ылөджык пыравлөмаөсь налон чужан муясө, эмөсь и мукөд гижөдыс, кодьяс төдсаөсь история туялысьяслы. Новгород кан-карсаяс, тыдалө, медводзөн рочьяс лыдысь писькөдчывлөмаөсь войвывса войтырьяслон чужан муясө. Войвывса озырлуньяс вылө вежныс петлөма уна горш йөзлөн. Но 1370 воясө Мөскуа венөма став мукөдыяссө да "асалөма" татчөс муяссө и вөр-васө Енмон сетөм став озырлуньяснас.

Новгородса, ростовса да мөскуаса рочьяс аддзисны, мый асывывывса да войвывса муясын овмөдчывлөмаөсь ичөт котырьяса да дзик мод

сёрниа войтыръяс. Тайӧ вӧліны зэв озыр местаяс, Карелиясянь босьтӧмӧн асывлань да войвывлань, Урал Изгъясӧдз да водзӧ. И быдлаті юковталӧны ва туйяс. Рочьяс первойсӧ вузасисны татчӧс олысьяскӧд, вежласисны вӧчӧм-шедӧдӧмторгъясӧн. Сэсся асьныс пондісны овмӧдчавны. Сы бӧрын татчӧс олысьяслы (вужвойтырыслы) кӧвъявлісны вот да асьныс лоины нин господа-кӧзьявӧн. Мед лыддӧдлӧм вежсьӧмгъясис, кодгъяслӧн збыль нимыс колонизация, вӧліны мӧрччанаӧсджык, кадысь кадӧ нуӧдлісны военной походгъяс, ыстывлісны чиновникгъясӧс (налог ӧктысьясӧс, дерт). Но и миссионер-священникгъяс вӧчӧны асьыныс уджсӧ, медем кӧвъявны войтыръяслы Крестос Енлы эскӧм.

Надзӧникӧн вужвойтыр чужан муас кольӧ локтӧмгъяс серти этшаджыкӧн да пӧрӧ инородецгъясӧ. Найӧс кӧ дзикӧдз эз бырӧдны, то эм уна позянлун кувны колонизаторгъясӧн вайӧм висьӧмгъясись либӧ винаӧн юсьӧдӧмысь, наркоманиясы. Оз кӧ вужвойтырыс помӧдз кулав и та помысь, сылы вичмӧдӧма кизьбӧрмыны вӧм колонизаторгъяс пӧвстын, вунӧдны мам-бадь сёрнисӧ, ас оласногсӧ, вот сэски сэсся вужвойтырыс бырӧ бӧръя мортӧдзис. Но найӧ кӧ сэтшӧм крепыдӧсь да асныраӧсь, мый вермисны кольны ловъяӧн, эз вунӧдны ас кывсӧ да лов кыпӧдӧмсӧ — китыра кольӧм вужвойтырыд ӧдйӧ лэдзчисьсӧ, кокниа сетчӧ лекторгъясислы, найӧс дугдӧны пыдди пуктыны, лыддысьны накӧд кӧть кутшӧмакӧ, налӧн бырӧны морт нога олӧм вылӧ позянлунгъясис. Шуны кӧ дженьыдджыка, найӧ лоӧны цивилизованнойгъясӧн. Татшӧм ногӧн, колонизируйтӧм муясса вужвойтырлы лоны цивилизованнойгъясӧн либӧ колонизируйтӧмгъясӧн — тайӧ ӧти и сійӧ жӧ тор.

Коми край рочьясын колонизируйтӧм пансис тӧдчымӧн водзджык Пермьса Степан вотӧдз да кыссис дыр кад чӧж. Колонизация кывйис тані лӧсялӧджык 1470 вобӧрса кадлы, кор Новгород дзикӧдз веськаліс Мӧскуа улӧ и Комиын пансис кадколаст — рочьяслӧн юралӧм. Пермь Вычегодская (зыряна), кыдзи и Пермь Великая (пермякгъяс), век кежлӧ веськалісны Мӧскуалӧн кӧрт кабырӧ. Лов кыпӧдан олӧмын сідз жӧ пӧшти дзик ӧтносӧн пондіс ыджыдавны православной вичко. Ӑтка-ӧтка сикт-грездӧ овмӧдчӧм старовергъястӧ позьӧ кольны пыдди пуктыгӧт. Найӧ эз вермыны водзсасыны выль православилы.

Зэв шог, мый тані некор эз вӧвлы сэтшӧм веныс, кутшӧм пансыліс да дыр кыссис Европаса католической вичкоын, коды воча сувтіс Реформация. Но Европайд Комиынь вӧлі зэв ылын: Реформация ӧна йӧткыштіс Европадз водзлань — гижӧмыс тані паськаліс эз куш вичко службаын, а петіс ортсӧ, чужтіс литература, паськаліс йӧзӧс грамотаӧ велӧдӧм. А пай вылӧ Комиылы, коді вӧлі Европаясьны ылын-ылын, кольліс сӧмын роч империялӧн сьӧд, энотӧм пельӧсыс. Рочьяслӧн ыджыдалігӧн быдтор гӧгӧр зілісны рочмӧдны, сы лыдын и комиыль сёрнисӧ да культурасӧ. Кор йитчӧны ыджыд да ичӧт культура, тайӧ век кежӧдӧ ӧтар боклань — ыджыдланьыс. А комиӧс рочмӧдан туйвизьӧ кутчысылісны ӧтмоза и власть кутысыас, и православной вичко. И зумыда нуӧдісны тайӧ туйвизьсӧ уна нэмгъяс чӧж. Гӧгӧрвоана, мый комиысылы нинӧм бурсӧ тась эз ковмыв виччысьны. Пример пыдди позьӧ пасыіны татшӧмтор: рочмӧдан зумыд туйвизьыс мытшавліс коми войтырлысь сӧвмӧмсӧ, сы вӧсна мый ас чужан муас сылы век ковмыліс овны разі-пели; коми войтырлӧн эз вӧв некутшӧм позянлун пыртны ас олӧмас карса культура; сійӧ эз вермы сӧвмыны тшыгтшӧдлӧм войтырсянь ӧтувъя нацияӧдз. Чужан войтырӧс тадзи дзескӧдӧмсӧ да ӧдортӧмсӧ пыр ӧнджыка пондісны гӧгӧрвоны и комиас пӧвстысь петӧм велӧдчӧм, сюсь вежӧра йӧз. Торья нин пондіс тайӧ эрдавны кольӧм нэмын. Комиысь петӧм интеллигенция гӧгӧрвоис, мый сійӧ кыв кутӧ ас войтырӧс рочьясӧн увтыртӧмысь мездӧм вӧсна и мый налӧн могыс — отсавны разі-пели торьялӧм чужан войтырлы кыпӧдчыны нация тшупӧдӧдз.

А кыдзи видзӧдісны та вылӧ да мый вӧчисны царлӧн правительство да православной вичко? Тайӧс бара жӧ позьӧ юавны история восьса

синмөн туялысьяслысь — кызди да мый найо вочавидзасны эськө. И мед кутоны тод вылын, мый 1917 вося революциялн бушков бйрн, 20-од вояс, пошти став велодчом коми йоз чепосйисны ловзьодны вужвойтырсö, водзмöстчыны ашöрлун шедодом вöсна. Тайос позьо шуны коми войтырс садьмодомн, выль пов ловзьодомн (волі-ö тайо социалистическöй нога ловзьодом али мод полос — торья сёрни).

И сидз, ми воим 1917 воодз — мый вайис сийо коми войтырлы (кызди и россияса мукод посни войтырьяслы)? Весиг видлыны ко дженьыдика, веркосас вочавидзны та выло, ковмас вель ёна жуглыны юр вемьясто. Сы вöсна, мый сэк комилы да мукод посни войтырьяслы унатор кöсйылсны, унаторйон эскöдлысны, мыйгьис уналон жö юр вежорныс бергодчылис, кольмылысны раднысла. И сэк жö тайо кадсö чорыда волі гартломä порьясьомон да лышкыда киськаломä вирон. Эм мый вылын жуглыштны юрнысö история туялысьяслы, медым воодчыны кутшомкө стöчджык кыв кортöдысö. Ставыскöд öттшöтш колö туявны и сийо висьтавны позьтом сьöкыдуньяссö, шуштом сьöд кадсö, кодьяс вичмисны, усины православнöй вичколы.

Эм коланлун мыйскорö пасйыштны международнöй туй выло кежавломн.

Медводз. Быд колониальнöй вермом да мукод войтыр олмө суйсьом оз вермы лоны порьясьотг, наянитотг. Сийо век вайодо сэтчö, мый вужвойтыр воштö Енмон сетом ассыс озырлуньяссö. Колонизаторьяс вайоны аскöдныс вужвойтырсö увтыртөм да мырдöналөм. Позьö тані орччаодны рочьяслысь колониальнöй ыджыдаломсö ськөд, мый вöчлысны Америкаос ас улас босьтигөн испанияса конквистадорьяс öтвылысь асланыс уна лыда священникьяскöд, кодьяс долисны став йоз дорö Иисус Крестослөн ыджыд радейтом йылысь. Вужвойтырьяскöд некод эз лыддысьлы, морт туйö некор эз пуктывны. Найос позьö волі виавны ас вылад некутшом грек босьтотг. Либö видзодлам, мый вöчлысны йоз муяс босьтигөн португалецьяс, датчана, англичана, французяс да кутшом туйвизьянь кутгьсылсны накод воим священник-миссионерьяс — католикьяс либö протестантьяс. Позьö ловзьодлыны вежораным и сийос, мый вöчисны вужвойтырьяскöд — индеецьяслөн племеняскöд — войвыв америкаса колонизаторьяс. Кор ставсö тайос сувтöдан орччон Перымса Степанлөн миссиякөд, бөрьяыс збыль петкөдчö Вежа мортон. И татшом ногон доньялигөн позьö шуны, мый Комитö колонизируйтисны мирнöя. Вермис лоны и лөкджыктор. Но колонизацияыс öд збыль волі, тайо абу вог либö мойд, и сийо некор бурторйö оз вайодды.

Сөветьяс кадö зильлысны тодчодны, мый Российскöй империяос паськөдом, посни войтырьяслөн рочьяс кабырö веськалом вайодис сөмын бурляньö, мый татшом ногон посни войтырьяс öдийджык вермисны сөвмыны, сюртчыны ыджыд культуралань, мый ставыс тайо волі историческöй коланлунöн. Но тайо сэтшом жö сөрөм, лицемеритөм, кызди рытывывса колонизаторьяс петкөддöны асьнысö африкаса да мукод муясса олысьясос югыд олөмланы петкөдысьясөн. Мый найо велөдöны бурляньö, югдöны вежөрьяссö Енмон эновтом тайо голь войтырьясыслысь. Колонизация век вöвлі и коляс вужвойтырьясöс нартитөмон да увтыртөмон, налысь мырддöны чужан вөрвасö да став озырлуньяссö. Оз вермы лоны некутшом сёрни сы йылысь, мый колонизатор да сы кабырö веськалом увтыртөм морт воліны öткодь инөдаос да öткодь позьялуньясаос. Мукод войтырьясöс колонизируйтөм, увтыртөм да нартитөм — тайо абу сөмын ыджыд мыж вөчөм, но и Ен водзын грек.

Но вайö эновтлам важсö и вуджлам öнйя кадö. 21 нэм водзвылын ставыс гөгөр зэв ёна вежсьö, на лыдын и воддза политическöй системаяс. Унджык империяыс киссис нин либö кисьсö. Öти медшөр визь петö öнй водзö и кылö быдлаын, му шарлөн дзык быд пельöсын — мортлөн инөдыас (правояс). Быдлаын и быд йөзлы, кутшом рөма коть эз вөв налөн чужомныс да кучикныс, кутшом Енлы коть эз эскыны, тшөктöны лөсьодны öткодь инөдыас. Воддза "Му шарывса став проле-

тарийяс, отувтчой!" шыодчом пыдди они паськало мод: "Став му шарывса йоз — йитчой-топодчой!" И тайо кык шыодчом костас торьяломыс зэв ыджыд. Оти-кө, откодь инодьяс коромыс некыз абу йитчома оружиеон тышкасьомкөд. Мод-кө, сылон нином абу отувья кутшомко идеологической венласьомкөд да политикакөд. Модаро, тайо шыодчомсо збыльо портомыс сето позянлуон быдонлы веськыда, восьсон висьтавны асьыс видзодласьяссө, дорйыны найос да с. в.

Войтырьяслысь ота-мод динө матыстчөмсө, отувтчөмсө позьө шеддны сомын сэк, кор найо пондасны откодя пыдди пуктыны отамодсө, кутшом коть видзодласьясө эз кутчысьны. Татшом подув вылын коло матыстчыны и ичот войтырьяс дорө. Нимкодь, мый му шар пасьтала уна ичот войтырьяс, кодыас неважон на вомсө эз лыстылыны восьтывны, они кылөны тыр голөсөн, некодыс да нинөмысь повтөг. На дор сулалөны международной организацияяс, примитома та кузя зэв тодчана документьяс. И цивилизованной государствоясса правительствояс букваысь буквао кутчысьоны тайо документьясас. Ме чолөмала войыв да луныв америкаса вужвойтырьяслысь ловзьомсө да политикао сюртчөмсө; мен нимкодь сыысь, мый тодчымон бурджыка пондисны овны скандинавияса саамьяс; уна вөчөны ичот вужвойтырьяс вөсна төждысьом могысь Канадаса да Австралияса правительствояс (сьомыс та выло вичмөдсө миллиард долларьясон).

Му шарлон тайо юкөнас (Россияын, стөчджыка кө) сідз жө тыдовтчөны зэв гырысь вежсьомьяс, кодыас йылысь неважон на мөвпштны он вөлі вермы. Но тайо вежсьомьясыс войтырьяслы, удж помысь олысьяслы вывті сьөкыдөсь. И мен сьөлөмсянь жальөсь и комяс, и рочьяс, и россияса мукөд сөрния йоз, кодыаслы овсьө талун вывті сьөкыда. Но модарсянь кө, бурыс тыдовтчө жө. Сы йылысь висьталө и тайо чукөртчөмыс, кодөс сиома Перымса Степанос да сын вөчөмторьяссө казыгштөмлы. Россияса Федерацияын они, дерт, ставыс гудыртчөма — экономикаын и, политикаын и, общественной оломын и. Колө сомын кевмысьны, мед кызкө өдийджык сөдзис став гудырыс тыштөг-косьтөг, вир кисьттөг.

Мый вичысьө комиос да мукөд ичот котыра войтырьясөс выль, сомын на пансьысь федерацияын, некод на та выло вочавидзны оз вермы они. Тайос петкөдлас сомын аския лун, локтан оломыс. Но вылыслон төвруыс мыйнсюро кылыштө. Ме казытыла Сыктывкарө асьым водза волөмьясөс 1950 — 1960 воясө. И кор локті они, веськыда нимкодыаи. Ония Сыктывкар өна быдмома-паськалома, но и позьө восьсон сөрнитны быдонкөд, кодкөд көсьян. Оти кывйон кө, талунья Сыктывкар лоома нин Европалон юкөнон.

Водза волігьясө ме кывывлэ, мый көнкө тайкө оз-ө гусьоник чукөртчывлыны Енлы эскысьяс. А они, коркө жульылоь, но ловйон кольөм карса оти вичко быд асыс и рыт чуксало ас ордас жынняя шыясөн. Ме эска, мый Коми лоас коркө збыль ашпөр республикаон, көні отмоза бура кутасны кывны асьнысь коми, рочьяс и мукөд сөрния йоз котырьяс, сідз жө, кызди, шуам, ония Финляндияын. Сэні олысьяс лыдын нель сюрс саам, кык процентыс шведьяс. Но некод на пиысь оз кыв асьсө отдортомон либө кызкө дзескөдомон.

Ме чайта, республикаса юралысьяслон тырмас вежөрныс да сюслунныс, медым колана ногон төждысьны став коми сөрния йоз вөсна, кодыас Комиысь отдор олоны и Большеземельской тундраын, Канин да Кольской полуостровьяс вылын, Урал Из сайын да Сибырын. Эска, мый воас и сэтшөм шуда лун, кор отувтчас оти республикао дзоньнас коми войтыр — коми-зыряна да коми-пермякьяс. Тао чуксало ачыс оломыс, войтырьясөс пыдди пуктомыс.

Өрөп Микиталысь нимлун сёйигөн

Воздвиженнӧ мӧд лунӧ (1886 во, сентябрь 15 лун) Маджаса Сре-тенскӧй вичкоысь старӧста Нестеров Өрөп Микита асывсынынъс вӧч-чӧмӧн пукаліс пызан сайын. Видзӧдіс, кызди гӧтырыс, Семӧ Паладь, кыскалӧ пачысь рыся шаньгаяс, няня пирӧгъяс, рача няняс. Оз-оз да мый йылысь кӧ казтыштас, юалас, индас.

— Сола тшактӧ да сола черитӧ, Паладь, гашкӧ, ковмас на пыртны да? Али тырмас нин, мый дасътома?

— Оз кӧ ӧд тырмы, Илляыд кумад петалас. Майбыр, кӧзӧдыд дзик орчча, — пӧвъяс вылӧ нянь тэчигмоз шуалӧ Паладь. — Сэсся ӧд черинянь эм, тшака пирӧг на пӧжала и. А пызан вылад медшӧрыс — нянь.

— Паладь, праздникъяс, нимлунъяс дырйиыд медшӧрыс — вина да сур. Кодзӧдчанторйыд кӧ тырмас, уна сёяныс оз и ковмы, — тош-сӧ малалігтыр шуӧ гӧтырыслы Өрөп Микита.

Шонді пӧлыньгчис ытывлань, кор Өрөп Микитаясӧ кутісны воавны нимлун сёйысыя. Ӧти чукӧрӧн локтісны винаӧн вузасысыя: Коюшеваяс — Анна, Ӧдӧття да Надя, Нестероваяс — Сандра да Степанида. На бӧрся пырисны Өрөп Микиталӧн да Семӧ Паладьлӧн рӧдвужыс — Павел Матрен Елфимова, Тарас Михайлӧ Нестеров, Кузьма Василей Коюшев, писти вӧчалысь Семӧ Микулай Попов, няньӧн-шывдӧсӧн, кучикӧн вузасысь Матвей Михайлӧ Нестеров.

Өрөп Микиталӧн гӧтырыс — кокъяс улӧдзыс шушуна, коскас кӧрталӧм водзӧраа, чипан сера ситеч чышгыяна — ваяліс пызан вылӧ вӧлӧга, паньяс да чашкаяс, нянь тыра кудъяс. Илля пиыс сувтӧдіс пызан помас самӧвар, а моньныс — Лар Анна — лагунысь кысъяліс сур.

— Видлӧй, видлӧй тагыя сурсӧ. Зэв чӧскыд юантор, горштӧ веськӧдӧ и надзӧник кодзӧдӧ, — шуалӧ Лар Анна айкаяслы сур тыра яндӧвасӧ мыгчиг. — Микита Андреевич, нимлуныд тэнад, тэсянь и пондам юктасынысӧ.

— Аттьӧ, аттьӧ, моньӧй. Кад эськӧн и пызан сайӧ пуксыны, да кызкӧ абу лӧсыд дякӧн Иоанн Васильевичтӧг, — сур юыштӧм бӧрын шуаліс Өрөп Микита. Сэсся перйис водка штоп, кысъяліс ичӧтик кока румкаӧ да сеталіс ӧти бӧрся мӧдлы...

Воссис ӧдзӧс, и порог вомӧн воськовтіс дякӧн Лапшин Вась Иван.

— Локтӧй, локтӧй, Иоанн Васильевич. Буретш тэнӧ и вӧлі казтылам. Тэтӧг, пызан вылысь сёян вежӧдтӧг, мися, ог пуксъӧй, — корис дякӧнӧс Өрөп Микита.

Дякӧн Лапшин чӧвтис пернапас, вомгорулас лыддис молитва, пӧрччис кышансӧ. Матыстчис пызан дорӧ да пернапасаліс сёян-юансӧ, пуксис пызан сайӧ. Өрөп Микита пыр жӧ и мыгчис вина румка:

— Видлӧй, батюшка Иоанн Васильевич, менам нимлун кузя.

— Видлам инӧ Енлысь синвасӧ, — брунган гӧлӧсӧн шуис дякӧн да пӧрӧдіс вомас румкасӧ. — Ичӧтджык дозйыд, ичӧтджык, раб Божӧй Микита. Гулькнитан да кӧрыс вом кӧтшасад весиг оз коль, — янӧдігмоз шуаліс Лапшин. — Гортын ме водкатӧ шыд дарйӧ кыс-тӧмӧн юлывла. Кок чунь йылӧдзыд сэки мӧрччывлӧ.

— Батюшка Иоанн Васильевич, сідзкӧ тшай юан чашкаӧн сета, — чепӧсйис Өрөп Микита. Перйис шкапсыс мича чашка да пыр жӧ и кысъяліс курыд васӧ чукйӧн.

— Раб Божӧй Микита, Өреплӧн пи, Ен ним вӧсна нӧшта ӧти чашкаӧн пӧрӧдам. Ставным тшӧтш.

Дякӧнлысь кывъяссӧ кылӧм бӧрын нимлун сёйны локтысыя здукӧн пуксылісны пызан сайӧ. Өрөп Микита кысъяліс чашкаясӧ вина. И ставныс юисны.

— Вайо нощта юамой раб Божой Микиталон нимлун вoсна, — кодзoм гoлoсoн нин вoзйис дякoн.

Нельoд чашка юoм бoрын дякoнлoн сeрнийс нoштa на гoраммис. Гoраммисны гoлoсeяс и мукoдлoн. Сeрнитисны кoльoм гoжoмo турун пуктoм, вундoм-вартoм, вoрaлoм йылысь.

— Гoжoмыс, Кузьма Василей, чорыд гым-чарда, зeрeясa вoлi да мукoд вoясo дoрысь eнa унджык турунтo пуктiм. Скoтыд бура тoвeяс.

— Турунтo пуктiм, a няньыд этшa вoис, — вoчaвидзo Тарас Микaйлo. — Бара кoвмaс уджoн бoсьтны Кoрткeрoссa мaгaзeяысь, a дoнтoмджыкoн кo сeтaсны, и нoбны кaрсa купeчeяслысь.

— Раб Божойяс, ставыс Ен сайын. Омoля, сiдзкo, кeвмысянныд, омoля вичкoлы oтсаланныд. Енмыс и мыждiс, — дульсo рeзигтыр чиршoдлaн гoлoсoн шуaлo дякoн Лaпшин. — Енмыд ставсo aддзo, ставсo тoдo. И кoдi сийoс пидди пуктo да вичкoo вeтлo — сийoс oз дзeрoд.

— Бaтyшкo! Мe тaй нo пыр вoльвa, Енлы, став вeжaыслы кeвмыся, и сьoмтoр, кoть и этшaникoн, вичкoыдлы быд вoлигoн кoля, a Енмыд эз видз — 145 шaйт зeптысь тaвo пeрйисны, — шoгпырысь шуaлo Кoюшeвa Oдoття.

— Oдoття, эз oд сoмын тeнсьыд зeптo рeктыны. Мeнсьым, Стeпaнидa да Сaндрa Нeстeрoвaяыслысь, Нaдeьo Кoюшeвaлысь тa мындaoн жo пeрйисны, — шуaлo Кoюшeвa Aннa. — Мeным штрaпсo мынтыны кoвмис мoскoс, вoлoс, кyим ыжoс нoштa вyзaвны.

— A мeным, Пaвeл Aннa, и став скoтoс, и сaмoвaрoс, и ыж кy пaсьoс кoвмис нyны, — сoдгiс Прoкo Сaндрa.

— Тeнaд, Сaндрa, oти шoг, a мeнaм мoд нa эм. Mаксим вoкoй вoсна зeв eнa кoвмис мaйшaсьны. Дyмaйтiм Сибирo кaтaргa вылo дoрoмoн нyасны, — вoдзo висьтaлo Пaвeл Aннa. — Нинoм aбyсьыс чижoвкaысь чижoвкao кыскaлoны. Кyлoмдiнын, Кoрткeрoсьын и кaрсa чижoвкaын пукoдiсны. Урaдник Ржaницын нeвaжoн нa aс дoрaс Кoрткeрoсoдз кoрлiс. Нo Енмыс видзис, чижoвкao эз пуксьoд. Уeздa врaч Тур Ивaн Миш дoрйoмa.

Нeстeрoв Пaвeл Mаксим йылысь кылoм бoрын сeрнийo пырисны aйкaяс, a дякoн пыр жo и кыв кoртaлiс:

— Мыжa, зeв мыжa, рaбa бoжья Aннa, тeнaд вoкыд. Oд кыдзи мe тoдa, сийo, Mаксимыд, Из сaйысь лoктигaс мырдoнaлoмa Кyлoмдiн вoлoстьын Нoсим сиктсa кaбaкын Кoчaнoвa Ивaн Aннaoс... Сюрoмaoсь и вeщeствeннoй дoкaзaтeльствoяc: Ивaн Aннaлoн дoрoм мыгйыс, лoз юбкaыс да Пaвeл Mаксимлoн улыс гaч-дoрoмыс. И ставыс, вoлoмкo, вирoсь...

— A oнi, бaтyшкa, Mаксимлысь мырддылoм дoрoм-гaчo бoр сeтисны. Сийoн и гoспoдин урaдник Ржaницын aс дoрaс Mаксимoс Кoрткeрoсaс кoрлoмa, — дoрйысис Aннa.

— Дзик сiдзи и эм, бaтyшкa Иoaнн Вaсильeвич, — сувтiс Пaвeл Aннa дoр письти вoчaлысь Пoпoв Сeмo Микyлaй. — Слeдствие дырйиыс тыдoвтчoмa, мый Кoчaнoвaoс Нeстeрoв Пaвeл Mаксим aбу мырдoнaлoмa. A гaчыс вирoсьсьoмa Из дoрaс кeрaсигaс нa. Уeздa врaчыд видaлoмa да тaдзи кыв кoртaлoмa. A сeсья стaнoвoй Клeoпaтрoв дeлoсo тyпкoмa.

— Микyлaй Сeмeнoвич, миaнлысь кo эськo сiдзи жo дeлoнымoм пoмaлiсны, тyпкисны да сьoмнымoс бoр сeтисны, — кoдзoм гoлoсoн oтaмoднысo вeнoмoн тшoтш гoрзисны Aннa, Oдoття да Нaдeя Кoюшeвaяc.

— Энoй лoвтoй нинoм aбyсo. Мый oд кoсьянныд! Грeкoвoдникъяс! — кoд гoлoсoн сyитчис дякoн Лaпшин. — Нeкoн и нeкoр тiянлысь дeлoтo oз тyпкыны. Рeзoнтыс aбу! Кoдi нo сьoмсьыс oвтыштчaс?.. Дa, дa, oвтыштчaс! Тiянлысь вyзaсьян дзyтoмсo aддзис-кaзaлiс урaдник Ржaницын. Сийo жo и юoртiс Вoлoдaдoдз. A сeсьянь шyисны пeрйыны штрaп, a пeрйoм сьoмыслысь джынсo сeтисны Aлeксaндр Вaсильeвичлы aслыс, кыдзи зaкoн тoркoмсo aддзысь-явитысьлы... Хe-xe-xe!..

Ывлaын мoдiс рoмдыны. Oткымынъяс чeчкисны пызaн сaйысь, пeтaлiсны пoсвoдзo дa кильчo вылo. Aйкaяс шпyткoны-кyритчoны. Энoлoв лeччoмaoсь пoс пoмoдз дa ливкйoдлoны:

Йөктігтырйи тувчөмөй,
Тувчигтырйи йөктөмөй...
Векни борти ветлөмөй,
Паськыд борйын гожиөмөй...

Керка жырйын нязөбтис таллянка, а сы борся кылис нюжйөдлан сьылөм:

Рыгья войө пө, матушка,
Менө рөдитин.
Вой шөр кадө, матушка,
Караб эштөдин...

Шызисны и кильчө вылын пукалысь айкаяс. Матвей Михайлө Кузьма Васькөд шенасьоны кияснас, коклябөр вылас, вежнясигмоз, кытшлалөны Тарас Микулай гөгөр. Микит Илля заводитлис жө зымөдны кокъяснас, но увкнитис вомнас да уськөдчис кильчө перилө дөрө. Ойзө-восө. А йөктөмысь өшинь стеклөсыс труна-трана кылөны нин.

— Гымалөмөн зэрө али мый? — юрсө пызан вылысь лэптигмоз чирөм гөлөсөн юасьө дякөн Лапшин.

— Батюшка Иоанн Васильевич, оз гымав и оз зэр. Айкаяс кильчө вылын йөктөны.

— Илля пиөй сэни увкйө-восө, — лөньөдө Лапшинөс Öреп Микита да кисьтө сылы чашка вина. — Вайөй, бурджык, юрнытө веськөдөй.

Дякөн Лапшин дыр эз думайт, пыр жө и пөрөдис горшас вина тыра чашкасө. Чепөльтис черинянь да няклялитыр петис пызан сайысь, а сөсся "за упокой" нюжөдиг мөдөдчис посводзө.

Дякөнлысь сьылөмсө кылөм бөрын кильчө вылын, поспомын, керкаын йөктысьяс-сьылысьяс лөнисны.

— Рабу Божьему Никите Арепову Нестерову царствие небесное и память вечная! — водзө, кылө, нюжөдис дякөн.

— Кылан, Микита Илля, айыдлы "Многая лета" пыдди Лапшиныд "За упокой, вечная память" сьылө, — тувкнитис восысь Иллялы Тарас Михайлө.

— Кыла, кыла и гөгөрвоа, — ныр-вомсө дөрөм сосьяснас чышка-литыр ымөстис Илля да бергөдчис посводзын сулалысь Лапшинлян.

— Батюшка Иоанн Васильевич, вошинныд, тыдалө. Öд дзык мөдтор сьыланныд. Айөлөн öд нимлун, 67 арөс талун тыри, а ти... — өлөдана гөлөсөн шуис Лапшинлы Микит Илля.

— Лант, мутивөй! Тэон дявөл-кикимера веськөдлө... Кыдз тэ лысьтан менө велөдны! Ме төда, кор да мый сьывны! — лёкысь горөдис дякөн да кыкнан кинас шашаритчис Иллялы морөсас. И мый вынсьыс нетшыштис дөрөмсө да жилетсө.

— Ме көть и дякөн, выной тэ вылө, дявөл, тырмас на! — гөрдөдөм синьясөн, вомсысь дульсө резигтыр горзис Лапшин да мый вынсьыс көвдыштис Микит Иллялы бандзибас. И эз на удит Илля воны ас сядяс, нетшыштис керка öдзөссө да уськөдчис пызанлян. И сэки жө пызан вылысь джоджө лэбисны тасьти-паньяс, нянь тыра кудьяс...

— Тэ, Öреп Микита, чашка-блюдсө вичколөн чукөртөм сьөм вылө лөсьөдин. Гусясьөмөн, сідзкө. Ставсө жулля. Вичко старөстаысь чөвта! — горзис Лапшин. Квагитис чашка-блюд да швачнитис стен бердас. Нюжөдис кисө самөварлян. Но эз удит — Лар Анна шашаритчис дякөн киясө да лёкысь горөдис:

— Жугөдан кө самөварсө, пес плакаөн юрад сөтышта!

Лар Анналы отсөг вылө уськөдчисны айкаяс. Но дякөнөс кутны эз вермыны. Лапшин мый вынсьыс кабырнас косьыштис Öреп Микиталы юрас, и сийө турбыльтчис джоджас.

— Караул! Виисны! Дорйөй! — горзис Семө Паладь.

Öреп Микита Нестеровьясын шум-зык кылөм бөрын отсөг вылө уськөдчисны орчча керкаысысь. Локтысьяс отсөгөн Лапшинөс петкөдисны керкасысь. Но кильчө пос вылын эз вермыны кутны. Дякөн мый вынсьыс косьыштис өшинь рамаө. Зиль-зель, кылө, жугласисны да лэччисны арся муас стеклө торьяс.

Дякөнös петкөдөм мысти мөдөдчисны гортаныс и нимлун сёйысыяс.
Чеччис джоджысь Öреп Микита Нестеров...

— Илля, тэ гижны-лыддысыны кужысь морт, аски жö пуксы да гиж норасьöм кулөмдинса станөвöйлы! — тшöктис пиыслы Öреп Микита.

— Гижа, айö, гижа. Юрöс веськөда и пукся гижнысö. Татшöм кампужитчөмсö оз позь сідзи кольны. Мед судитасны...

(Гижöма ЦГА-ын Усть-Сысольскса полицейскöй управленийөн 6 № фондын Нестеров Илляён норасьöм серти).

Нёбдинса ярманга

Лыйсьö-трачкөдчö пашляк. Ставыс гыөртöма. Пыдөджык лым пиö пырöны-дзевсьöны сёла-тарьяс, öдйөджык котөртö көч — таdzi шоныдджык. Лун-мөд сайын на нёбдинса Спасо-Преображенскöй вич-колөн юрьяс весьтын горзысь-лэбалысь катша-ракаяс ланьтисны, кытчөкө вошисны. Чизыр көдзыд пырö питшөгад, чепляö ныр-вом, кынтö ки-кок да пель.

Нёбдинын уна йöза. Быдлаын ыж ку пася, тулупа-паркаа, ыджыд гын сапöга да вурун кепыся йöз. Ветлöны-мунöны сикт кузя, пырöны-петöны керкаысь керкаö. Быдлаын мыйкө вузалöны, мыйкө ньöбöны. Кылö печораса, изьваса, Луза-Сыктив дорса, Эжва горувса, висерса сёрни... Сэни и тані сёрнитöны рочөн. Чердинса, югдинса, слöбөдаса купечьяс сетöны индöдьяс приказчикьяслы, вензьöны усть-сысольскса купечьяскöд...

Вузасьысь-ньöбасьысь пöвстті пийскөдчö, сикт шөрланьö муно көр ку шапкаа, кыс көма морт. Киясас сямөдысь ыджыд чуманын нуö сарскöй чери-сьöмга. Вөлөстьса старшина Савельев Опоньлы изьваса морт көсийысис вайны чими чери. Полö, мый земскöй судса чиновниклы, полицияса заседательлы, сотскöйлы удтас. А найö пыр жö и тодмышкаласны-вөтласны Нёбдинсы, Кулөмдинö станөвöйлы, либö Усть-Сысольскö исправниклы юөртасны. Нёбдинö Афанасьевскöй ярманга вылö мунод водзвылын изьваса аслас вөлөстьса правлениеысь эз босьт мөд губернияын олөм вылö гижöд — “Вид на жительство”. А сытöг оз позь: Изьва — Архангельск губернияын, Нёбдин — Вөлөгдаын. Та вöсна изьваса и полö: оз көсий сюрөдчыны чиновникьяслы, судын да полицияын служитысьяслы, а вузасьö сөмын крестьянакөд, купечьяскөд, кодьяс оз юавны ним-ов, оз корны кутшөмкө кабада петкөдлыны.

Дерт, позьö вöлі Изьва сиктса управаын пашпорттö босьтны. Но пашпорт— сийö герба, сарскöй бумага, коді дзонь шайт сулалö. А öти шайт — сийö пуд рудзөг пызь. Сэсся изьватас оз өтнас Нёбдинöдз лок. Аскöдыс тшөкыда гөтырсö босьтö, коді вурунысь кыөм кепысь-чөрөсөн, мича рөма вөньясөн да пызандөраясөн вузасьö. Озыр изьватаслөн вит сюрс көрөдз овлö. А накөд пастукьяс. На пиысь морт-мөдös, а то унджыкös на аскöдыс жö босьтлö ярманга вылö. Таdzi чукөрмө морт дасөдз. Быд вылö кө пашпорт босьтны, дас шайт колö мынтыны.

— Вывті дона кык юра кутша-кырныша бумагаыд! Дзикөдз гольма-рöзөритча! Бурджык, став чомнам öдйөджык ветла, ставсö өт-чукөрөн Нёбдинын вузала. Ньöба нянь, тшай-сакар, пуля-порок, роч вина и öдйөнджык бөр гортлань, — висьталö изьватас бур төдсаяслы.

Чери вылö доньяс пыр вежласьöны. Кор уна шедö — донтөмджык. Чими чери (сьöмга) шоча овлö öти пудийысь дас-дас кык шайтөн. (1843 воын чери ёна шедлöма, и доньясыс вөлөмны зэв ичөтөсь: сөмын на солалөм чими чери — нель-сизим шайтөн пуд, удж (нельма) — куим-нель шайт, пелядь да чир — кык-вит шайт. **ЦГА ВГВ № 4 1846 во**).

Нёбдинö ярманга вылö мунигкежлö водзвыв дасьтысьöны. Заптöны сёян: пöжалöны зэв гырысь шаньгаяс, ид нянь тупөсыяс, пирөгьяс, чөжöны рысь, вый, сыр...

Ярманга воссян лун матысмö и матысмö. Керкаысь керкаö ветлöны-жöдзöны тöжд-шог чужöма пöльяс-пöчьяс, верöсьяс-гöтырьяс, ныв-пиян... Сиктса туй пöлөн, керкаяс дорын, быдлаын чери-йй тыра век-ныдик дадьяс. Быд даддö доддьялöма кык көрöс. Дадьяс бердö домалöмаöсь понтьясöс. Көръяссö сувтöдöмаöсь абу кызди веськалö: водзын гырысь-ёньяс, на бöрся ичöтджык-вынтöмджыкьяс...

Воö кад, и ывлаын көръяс да понтьяс кындзи ловъя лов абу. Гөгөр шы ни төв. Быттьö йöзыс некод абу и петалöмаöсь ывлаас. Керка жыръясын Ен-öбразьяс водзын öйöны лампадкаяс. Кузь туйö петысьяс юрбитöны Енлы. Кевмöны, корöны Енлысь сетны бур туй, öдйөн ву-засём-ньюбасём, гортаныс кольысьяслы дзоньвидалун. Пöрысьяс блас-лөвитöны мунысьясöс. Асьныс прöчайтчöны ай-мамныскöд, ныв-пиян-ныскöд. Сэсся, кодьяс вермöны, сувтöны лямпаяс вылö да колльöдöны ярманга вылö мунысьясöс верст кызы и унджык.

Туйö петöны чомьясөн-чомьясөн. Мунысьясысь кык лунөн водзджык петöны лямпаяса туй таялысьяс. На бöрся муноны ичөтик груз тыра додьяс. Таялём туйöдыс нин муноны чомьяс. Овлö, öти чукöрас дас-кызы чомйöдз öкмö. Быд чом юксё аргышьяс вылö. Медводдза дадюлас чомлөн көзяиныс. Сы доддö домалöма көръяслысь мöд пара, на дорö коймöдöс и с. в. Чомйыс помасё сёян-юан тыра, новлöдлан чумьяс — көр куяс да потшьяс тыра нортьясөн.

Төвзöны-котөртöны көръяс. И со воöны пожöма ягьяс. Уджалысьяс лэдзöны көръясöс, нуöдöны йирсьыны. Йирсянинсö кытшаллöны лям-паён. И көръяс лямпа туй сайсьяс оз пышйыны. Сувтöдöны чумьяс, биасьöны, дасьтöны сёян-юан, нурьясьöны. Асывнас бара туйö. Пыр матöджык Эжваланьö. Вөръяс сукмöны. Тшем сулалö дзормöм козьяса парма. Шуйгавылö кольöны Вольдин, Помöсдин, Бадьельйив. А со нин Лымва, водзö — ветымын верст сайын — Висер сикт. Тані кузьджык кад кежлö сувтланін. Висерын изьватаслөн зэв колана могьяс. Тані найö быттьөн пыралöны Ен-мамлөн вичкоö, копыртчылöны висерса Чудотворной божья матерь öбразлы. Юрбитöм бöрын изьватас кольö поп-дякы, пөнöмарлы чими чери, гөрд пöк, көр яй, довъя көръясöс. Петиганыс ньöбöны вичкоса старöсталысь вежа көр сюрлысь торьяс да дзебöны медся пыдйö, — тайö талисман — отсалö видзны көръясöс койньясысь, висьöмьясысь, содтö налысь лыдсö...

Висерсянь Сюзяыб, Зулöб, Вылыб, Ыдждывидз, Джиян да Шойнаты пыр Нёбдинöдз ветымын гөгөр верст. Көръяс сйöс котөртöны здукөн. И со нин шондй югөръяс улын дзирдыштöны Нёбдинса Спасо-Преобра-женской вичколөн зарнийөн вевттьём крестьясыс. Медводдза доддыс Тима сикт дорын нин, а медбөрьяыс Шойнаты дорын на. Мунöны оз сиктъяс пыр, а на пöлөнöд — оз көйыны повзьöдны войтырлысь вöвьяссö. Сувтöны Тима сиктысь катыдджык паськыд пожöма ягö. Тані и узмöдчöны...

Воысьясöс нёбдинсаяс примитöны сьөлөмсянныс, бура. Воыслысь додсö пыр и кытшалöны посныд ныв-зон, сиктса айкас. Быдөн вичысьöны, мый тшöктас вöчны воём мортыс. Зэв öдйөн ставсö пырт-лöны керка жырьясö: зонкаяс кöлач-преник вылö, айкаяс румка водка вылö. А керкаса көзяин сувтöдöма нин пызан вылö самöвар, ыстöма кабакö винала...

Но изьвасаöс нёбдинса керка жырьясысь он аддзы. Найö сув-тöмаöсь Нёбдинö вотöдз на Шойнаты да Тима-Паркерöс сиктъяс костö паськөдчөм пожöма ягьясö, Нёбью пöлөнö. Көръяссö лэдзöмаöсь йир-сьыны, асьныс сувтöдöмаöсь гын чумьяс, пестöмаöсь бипурьяс — жаритöны көр яй. Татчö жö, чомкöд орччөн кодийём гуясö, тэчöмаöсь чими чери, пöк, көр яй...

Мöдöд вежон нин Нёбдинын (январь 18 лунсянь, Опонь лунсянь) вузасьöны-ньюбасьöны. Вузасьöны-ньюбасьöны керкаяслөн улй судтая-сын овтöм жырьясын, туй пöлөн сулалысь жытник-кумьясын, весиг кильчö вывьясын. Со чöрдінса купеч вузасьö вöлөстьса правленнö дорын. Вöйö ньöбны рудзöг да шобдй пызь. Вяткаса мастер вайöма

сийос-завод, көртөн дором телега-тарантас, гөр-агас, пицаль ствольяс. Югдинса да слободаса вөзйоны сомын на вийодом водка, быгтя вина, коньяк. Луза пөлоньсь локтысьяс вөзйоны шабди кудель, пыш, мос вуй. Сюмодысь пестер-чуманьясон, тусьясон вузасьоны выльгортсаяс. Печораса вөзйоны зуд-лэчтаньяс, гөгрөс төчилаяс. Немдинса вайомаось пув тыра зэв гырысь пельсаяс. Висерса иналоны сыола-тар, ур, көч да руч куяс. Медбөрө саймовтчомаось маличаяс, кыс кома йоз. На дорын чуманьясын, шердыньясын куйлө пелядь, еджид чери (сиг), омуль, ёди. Но став чериыс песни. И некони оз тыдав чими чери (сьомга).

— Абу! Абу, бобой, нином! Ставыс, мый эм, со тани. Медбөртя черисо вузала...

— А чими чериыд нө абу нин? Вөли жө. И уналысь адзыли гырысь уджьяс (нельма), омуль, чери пок тшотш...

— Абу, абу, югид шондой! Нином абу!

Здук мысти выльысь изьватас дорө матыстчан. Сийо чериыс, мый вөли, абу нин. Вузалома. Вильос лэптөма.

— А тайо, бобой, абу менам. Чериыс суседлон, татчө тай колис...

Вөломкө, изьваса морт полө: матыстчыыс — формаа, югид кизьяса морт — Усть-Сыольск карыс воом учитель В. Михайлов. А сьод формаа да югид кизьясаыд изьвасаыдлы — тайо чиновник, вермас корны пашпорттө петкөдлыны. Со и оз висьтась, оз косьы сыкөд вузасьны-доньясьны. Дзебө, мый эм. Гырысь чериыс сылон Паркерос сайса гулыд пожөма ягын куйлө. Пастукьяс да уджалысьяс сы вылысь синсө оз лэдзыны. Татчө петкөдлынысө песни чери лэптөма. Чиновникид, сотскөйыд, заседательыд кө адзасны сийос да корасны пашпортсө, зэв өдийон позяс усьысьны. Этшаник посныд черисьыд ыджыд воштөм оз ло.

— Да абу ме чиновник, учитель. Усть-Сыольскын велөда! Нарошнө Нөбдинө сьомгала, сигла да чери покла локти...

— Но инось, югид шондой, абу кө тэ чиновник, сьомгаыд сюрас. Сомын доннас лөсьөдчам. Стөчмөдам, кымын пуд вайны.

Эз на коль и час джың, а изьваса локтис нин. Көр доддын гырысь чуманьясын вайис гөрд чери-сьомга, чери пок, удж (нельма).

Нөбдинса афанасьевскөй ярманга вылын воысь-во иналоны-вузалоны пыр унджык и унджык төвар. 1840 воын вузалөма өкмыс сюрс, 1843 воын — дас вит сюрс шайт дон, а таво (1845 во — А.П.) вузасьомаось комын сюрс шайт дон нин. Нөбдин сиктса Спасо-Преображенскөй вичко амбарьясон, вескиясон, лэбувьясон, патераясон пользуйтчөмысь ярмангасянь воө сиктсалы сюрсон-джынайон шайтөдз. Ярманга помас изьвасалысь черисө ньөбөны чукорнас (оптөн) вяткаса, чөрдінса, усть-сыольскса, югдинса купечьяс. Тасянь жө сьомга, нельма, сиг, чери пок тыра вөла доддьяс мөдөдчөны и Санкт-Петербургө, Вөлөгдаө, Мөскуаө, Казаньө. Усть-сыольскса купечьяс иналоны изьвасалы мича ситеч помаяс, китаякаяс, уна рөма лентаяс. Тайо төварыс налы зэв өна колө — мунасны найө кыс көм, маличаяс, кепысьяс мичмөдөм вылө. Мөд во вурөмторьяссө бара ваясны Нөбдинө да вузаласны.

Вузасьом бөрын изьваса сө пудьясон ньөбөны нянь, пуля-порок, пицаль ствольяс, көрта көлуй, роч вина да петөны туйө. Но сьөдз пыралөны нөбдинса Спасо-Преображенскөй вичкоө. Кольоны сьом, көрьясөс, чери — мынтысьоны вичколы лавкасон, вескиясон пользуйтчөмысь. Пыралөны и нөбдинса ордө. Самөвар сайын, водка юигмоз сёрнитчөны чера-пилаа йөзкөд Изьваын, Мокчөйын, Ластаын, Сизябын көра көзьявалы кык судта короминаяс лэптөм йылысь...

Төв моз өдий мунөны дадювьяс. Со нин и Изьва юлөн ковтысыс. Вооны изьвасалөн медводдза сиктьяс. Изьваса Спасо-Преображенскөй вичко дорын сувтовкерлөны — вичколаны улөдз копыртчылөны да пернапас чөвтөмөн шөпкөны: "Аттьө тэныд, господьөй Енмөй!..."

Збыльмөдтөм проект

Төдмавтөм Войвыв уна нэмъяс чөж кыскис ас дінас вөр-ва туялысь да му-пытшса озырлунъяс корсьысь учёнйяссөс, промышленникъяссөс, купечьяссөс, кыскис и быдсяма авантюристъяссө, кодъяс мөвпалісны кокныда озырмөм йылысь. Уна вын, уна сьом дои пунктöма Россиялысь помтөм-дортөм Войвыв туялөмө. Өти бөрся мөд писькөдчылісны Войвывлань разнөй могъяса экспедицияс. Тайö гижөдас ме көсья төдмөдны журнал лыддысьысыяссө Комилөн войвывкөд йитчөм өти збыльмөдтөм проекткөд.

Кольөм нэм шөрын Петербургын котыртчис Роч географическөй общество (1845). Регыд мысти — 1847-50 воясө — выльөн на чужөм общество котыртис научнөй экспедиция Урал войвылө. Велькөдліс сійөн Петербургска университетысь профессор Э. К. Гофман. Некымын гожөм чөж корсьысьөм эз вайөд учёнйөс да сылысь ёртъяссө мыйкө ыджыдтор восьтөмө. Э. К. Гофман кыв көрталіс, мый Войвыв Уралын абуөсь сэтшөм озырлунъяс, медым котыртны чугуна да көрт сывдөм, мукөд производствояс.

Войвыв Урал водзө коліс овмөдтөмөн, төдмавтөмөн. Тась шочиника позис паныдавны сөмын көр стадаясөн ветлысь яраньяссө, йөграөс да зырянаөс. Найö вуджлісны Из сайса Обвалань либө мөдарө, Европаса паськыд тундра эрдьясө. Өтчыд яраньяс (ненецьяс) көр ста-даяссө Из сайлань вуджөдигөн аддзөмаөсь Харута ю пөлоньысь (өнія Инта район) югьялысь изьяс — тайö вөлі ыргөн колчедан. Яраньяс төдісны, мый зарни да мича изьяс бөрся ёна вөтлысьөны рочьяс да зыряна. И кор воисны Оба вывса Мужичиктө, петкөдлісны ад-дзөм югьялысь изьяссө татчөс олысь Филипповлы.

Пётр Сидорович Филиппов — коми морт, нимавліс изьяс да мукөдтор төдысь-гөгөрвоысь грамотаа мортөн. Колө чайтны, төдөмлуньяссө сійө босьтіс эз сымда книгаысь, мыйта вежөра йөзсянь: татчө өд ыстылісны уна ссылнөйөс. Но и колө кутны төд вылын, мый Филип-пов уна ветліс Уралт: сійөс век корлісны туй петкөдлысьөн да кольөдчысьөн став волысьысы — вөр-ва туялысьяс, мукөд муяслань писькөдчысь-мунысьяс. Учёнйөяс лыдын, кодъяскөд ветліс-кольөдчис Пётр Сидорович, вөліны и сэтшөм нималысь йөз, кызди Брем, Сомья да мукөд.

Яраньясөн вайөм югьялысь изьяссө Филиппов мөдөдіс видлалөм могысь обдорса купеч Карповкөд Екатеринбургö. Купеч Карпов пет-көддөма изьяссө и тобольскса нималысь да озыр промышленник-купеч А. А. Сыромятниковлы. Тайö водзмөстчысь да горш мортыс пырысь-пыр босьтөма ставсө ас кипод улө. Вайөм изьяссө екатеринбургса лабораториясын видлалөм бөрын тыдовтчөма, мый колчеданыс эз озыр ыргөнөн: 33-сянь 46 процентөдз. Ыргөн рудаысь өдтор воалісны юөрьяс и Войвыв Ураллөн мукөд озырлунъяс йылысь. Сідз, колян нэм помланьö тані корсьысис К. Д. Носилов (вөлі сійө и Сибиряковлөн нималана тракт писькөдысьяс лыдын) да паськөдіс юөр, мый Войвыв Уралса өткымын юясын эм зарни.

1885 воын Сыромятников аслас сьом вылө мөдөдө Войвыв Уралö Кошштедлысь экспедиция. Могыс — төдмавны, збыльсь-ө Харута юпөлөнса ыргөн колчедан йылысь юөрьясыс да паныдасьлөны-ө зар-ни чирьяс Манья да Палья юясса лыаын.

Тобольскö Кошштедт воис 1885 вося апрель 1 лунө да дас лун чөж дасьтысьөм бөрын петіс сьөкыд туйө Войвыв Уралань. Из гөраясö

экспедиция веськаліс гожомнас нин, а Харута ю выло — июнь 26 лунё. Ю увланьсьяс, кор Харута надзмём одон нин пискөдчө Урал бердса мылькъяс костөд, Кольштедт аддзис малахитлыс да ыргөнлыс турунвиж визьяс. Экспедицияб медалом йоз вежон чөж пискөдісны шурфъяс. Аддзём рудаыс вөлі вель озыр: колчеданын ыргөныс артавис 35 процентөдз, а малахитын — 49-77 процент. Аслас туйыввса пасйөдьясын Кольштедт төдчөдө: "...ыргөныс уна, и тайө месторождениеас колө панны руда перьян уджъяс: позьө и сывдыны ыргөнсө — ломтас выло вөрыс ю увланьын тырыс, кык верст сайын". Кольштедт пискөддіс шурфъяс и тасянь верст сайын кымын рытывланьджык. Ыргөныс сэн вөлі жө, сідзкө рудаыс куйлө паськыда. Июль 3 лунё Кольштедт мөдөдчис Урал рытыввыв пөлөн луныввлань, а сэсса август 8 лунсянь сентябрь 18 лунөдз сьөкыда пискөдчөмөн бөр вуджис Урал Из асывладорө. Тані сійө корсис Манья да Поляя юясыс зарни. И бара мойвиис. Со мый пасйө Кольштедт аслас гижөдьясө: "Менам чайтөм серти, Манья да Поляя юясыс позьө перйыны зарни чирьяса лыа".

Ставыс вөлі сы дор, медым туялөминьясын панны ыргөн руда перьян уджъяс. Сюри и зарни... Но А. А. Сыромятников эз тэрмась. Сөмын сизим во мысти сійө дасьтө вель экспедиция да ачыс мунө тшөтш Войвыв Уралө. Казьтыштны кө Войвылын водзмөстчыс сэтшөм промышленникъясөс, кызди М. К. Сидоров либө А. М. Сибиряков, Сыромятников дзик эз вөв на нога. Воддзаясыс быдторйө босьтчылісны өдйө, яра, а тайө некуйтчө эз тэрмась, эз пов, мый кодкө вермас креставны сылыс туйсө да пановтны. А, гашкө, Сыромятников эз зэв эскы Кольштедтлы да сы понда и муніс ачыс экспедицияыскөд? Тыдалө, тадзи и вөлі.

1892 вося июль 1 лунё экспедиция, кытчө пырисны А. Сыромятников, Н. Подревский, И. Гурский, А. Баянусь да медалом уджалысьяс, петіс Тобольскыс. Харута юөдз туйыс и зэв сьөкыд, и кузь. Сыромятников аслас котыркөд воис сэтчө сөмын август 6 лунё. Шурф пискөдан уджъясыс мунісны сөмын кык лун — медалом рабочөйяс водзө сэсса эз петны уджавны лөка вердөм вөсна, ыргянитісны, шуисны бөр бергөдчыны гортлань. Но и сійө изьясыс, мый босьтісны пискөдөм шурфьяссыс да ыстылісны видлавны Екатеринбургө, петкөдісны, мый ыргөныс сэн 26-сянь 40 процентөдз. Сыромятников сьөм выло жө Н. Подревский лэдзис книга и сэн 1 гижө: "Ветлөмным мян эз ло весьшөрө. Кольштедтлөн корсьыссьөмыс да юөртөмьясыс ставнас збыльмисны: тайө местаясас позьө котыртны перйысян уджъяс, торья нин босьтны кө төд выло, мыята ыргөныс сэтчөс рудаас. Мытшөдьяс вермасны лоны, и вель гырыссьөс, сөмын туйяс абутөм боксянь..."

И оз ков вунөдны, мый бөрья экспедицияыс ыргөнысь өтдор нинөм эз корсь, Урал асывбокса зарни чирьяса юяслань эз и кежавлыны. Тобольскө воөм бөрын А. Сыромятников да сьлөн өртьясыс сөмын серам сорөн казьтывлісны сьөкыд туйясөд ветлөмсө, кызди гижө Н. Подревский.

Но, а водзө мый? Руда перьян некуйтшөм уджъяс Харута ю дорын эз и котыртлыны.

Миян нэмө Харута юдорса месторождениеяс кыскисны жө ас дінас уна геологөс. Войвыв Урал медся бура төдысьяс лыдысь өти — К. Г. Войновский-Кригер — аслас диссертацияын гижө: "Нянь-Ворга-вож ю йывланьын, шуйгаладорас... эм ыргөн рудалөн важөн нин төдса месторождение... Но төдчанлуныс сьлөн сөмын минералогия боксянь". Мөд ногөн кө, ыргөныс тані петавлө, но сійө зэв этша и оз сулав котыртны руда перьян уджъяссө.

Өні, дерт, миянлы сьөкыд төдны да висьтавны, мый мөвпаліс зарни перйыс промышленник А. Сыромятников. Либө сійө прөста, немтор выло койшытис сьбмсө, кор котыртліс Войвыв Уралө кык экспедиция, либө озыр ыргөн руда йылысь юөрьяссө паськөдөмөн көсийс кодьяс-лыкө мөдьяслы донөнджык вузавны Харута пөлөнса местаяссө.

Ур да шайт

Тайо кывйыс быттьо ставлы тодса. Век жё сы гөгөр уна на юаломыс, тодмавтөмыс. Архангельскын 1938 воын лэдзём "Фольклор народа коми" небөггысь позьё лыддыны "ур зверь" йылысь висьт: "Ему бросали в пасть золото и серебро, и этим вскормили так, что зверь стал злейшим и страшнейшим из всех зверей. Он пожирал людей и скот, опустошил всю область к западу от Двины". Небөг дасьтысьяс пасйёмаось тайо "ур" йывсьыс: "Очевидно, что белка считалась тотемным животным, от которого исходило все доброе и все злое". Тани жё казтывсис "Биармия" ("Биармаланд").

Дерт, позьё казтывны, мый Биармия кывсё культура туялысь-тодмалысьяс пиысь кодюрё пасйис кызди "Би-ур-му" (буретш — "страна, земля огненных белок"). Торйён кө, "Би-ур-му" йылысь пасйивсис А. А. Поповён лосьдөм да Москваын 1936 воын лэдзём "В Парме" небөгын. "Ур" кывйыс тани йитчөма морт олөмын озырлункөд.

...Видзөдлам, мый нөшта гижлісны "ур" кыв йывсьыс. И. А. Куратов гижліс өти (кыв велөдан) уджын: "Ур белка; ...копейка. Сто белок на жерди просто зовется жердь или палка: **шать** (шайт), ...**шать** рубль". Важ уджъяс пиысь позьё казтывны и Г. С. Лыткинлысь гижөдъяссө. Сійö туявлөма жö "ур" да "шайт" кывъяссө. Ур ку важысянь вөлөма вуазсьöмын сьöм пыдди, көпейка вежортасын.

Г. С. Лыткинлөн "О значении слов **ур** и **шайт**" казтылөм нин рукописьын пасйёма: "...Пермяки и Зыряне... славились уже в 9 веке своею торговлею с соседственными народами, славились доставлением пушных зверей, то они и употребляли вместо монет меха..."

Ур да шайт кывъяс йылысь Г. С. Лыткин нөшта пасйёма: "Белка по-зырянски ур... в торговых оборотах означала ...единицу количества, или копейку. — Кроме этого слова ур, у зырян употребляется в названии монет еще и другое — шайт, означающее рубль...", да водзö: "...Зыряне и Пермяки для просушивания беличьих шкурок навешивали их на палочку (шать) всегда по 100..." (авторыс гижөдас өткөдялö "шайт" да "шать" кывъяссө).

Комияслөн да рочьяслөн важ олөм йылысь, на костса йитөдъяс йылысь Г. С. Лыткин пасйёма тадзи: "...у Зырян не было монет в собственном значении этого слова, но вместо них употреблялись беличьи шкуры, счетом которых обозначается и цена вещей и других потребностей быта", да водзö пасйёма: "...в XV же столетии, когда вошли в употребление зырян русские монеты, слова, ...ур и шайт стали означать копейку и рубль, слова, которые сохранились от незапамятных времен, и только при введении русских монет переменили свое общее значение на частное" (тани тшөтш позьё төдö уськөдны и И. А. Куратовлысь вайөдөмторсö). Г. С. Лыткин гижөма и кутшөмсюрö мөд вежсьöмъяс йылысь: "...ценность белки была две деньги, или копейка, почему Зыряне и Пермяки до сих пор слово копейка на своем языке заменяют словом ур — белка, хотя цена ее (белки) ныне от 2 до 3 копеек..." (гижөдыс кольөм нэм шөрся кымын).

Позьё казтывны и бөръяджык йөзөдөмторъяс. 1954 воын "Вөрлэдзысь" газетын петалис Д. Тимушевлөн гижөд — "Кызди артмисны "ур" да "шайт" терминъяс". Авторыс пасйёма жö войдөрся чайтөмъяс йылысь, кодъяс серти "шөтыс" йитчөма ур кывкөд, ур кукөд да "зверь нимыс" вуджис мөдтор вылө — деньга вылө. Д. Тимушев казтөма роч **белка** да **бель** кывъяс; бель — "сьöм и посни эзысь деньга". А сэсся пасйёма: "Ставыс... висьталö, мый коми народлөн... эз вöвлы аслас денежнöй шөт, сійö... пöльзуйтчис рочьяслөн денежнöй шөтөн".

Аслыспөлөсöсь П. Савваитовлөн татшөм, кольөм нэмся жö, гижөдъ-

яс (көні паныдасьлөны и мукöд денга — сьöм йылысь пасйöдьяс):
“Денгаяс овлөны зарнияс, зысысяс, ыргөнъяс и кабалаяс. Зарни империалын дас шайт комын ур зысысөн, империал джынын вит шайт дас вит (ур) зысысөн. Эзысь чөлкөвöй сё ура сулалö, сё көпейка зысысөн, либö куим шайт ветымын ур ыргөнөн”. Торйөн тöдчöдöма, мый аслыспөлс ур да шайт кывъяс бура пыравлöмаöсь гижöдьясö, сэкса сёрниö.

Нöшта на эмöсь торъялана видзöдласьяс “ур” кыв артмöm, сөвмöm вылö. Коми кыв туялысьяс — В. И. Лыткин да Е. С. Гуляев — тадзи гижöмаöсь та йылысь “Краткий этимологический словарь коми языка” небöгын (петавлис Москваын 1970 воö): ур — “белка” (вөлöма важ, “общепермскöй” кадö); мöд вежортас — “денежная единица”, “копейка”. Коми диалектъясысь пасйöма сё ур кыв (вежортасыс — рубль). Учөнöйяс вайöдöны сідзжö мукöд финн-угор войтыръяслысь лöсялана примеръяс (кывъяс), шуам, марийскöйысь — ур — “денежка, копейка” да с. в. Индöm словарын эм и татшöm юалöm: “Не свидетельствуют ли перечисленные слова о том, что на северо-востоке Европы в древности существовал региональный денежный счет с какой-то единицей ур — “денга, денежка, копейка?”. Северно-русское белка в значении “копейка, денежная единица” (в устюжских грамотах) является, по-видимому, калькой слова ур “копейка”, “денежная единица”. Та пöрйö калька — вуджöдöm.

Видзöдлыны кө “Русско-датскöй словарь”, позьö казавны эре — монета кыв. Ас кадö Петербургса университетын ме паныдасьли данияса войтыркöд. Сэки сёрниын казавсис, мый медичöt денгасö (монетасö) нимтöны кывйөн, кодлөн шусянногыс буретш “эре” да “öре” костын, матын миян “ур” дорö. Вермас лоны, мый тайö сöмын ылöсас öткодълун. Швед словарясын “öре” (эре) кывйыс “монета” вежортасын эм жö.

Колö тан содтыны, мый датчана, шведъяс важ кадö тöдлöмаöсь **Прибалтика муяс** (финн войтырлысь да эстонецъяслысь оланінсö). Дерт, скандинавияса кутшöмакö тöдлсны и вепсысö, важ “перым” войтырлысь рытыввысаджык соседьясöс. Вепс кывйысь босьтöм-торъяс (сэтшöмъяс, кодъяс коркö пыравлöмаöсь коми сёрниö) казальöмаöсь жö кыв туялысь-велöдысьяс. Кодсюрö вепсыяссö шулöмаöсь тöдса “чудь” кывйөн. Важ йитöдьяс, волысьсöмъяс йылысь сёрнисö, дерт, позьö нöшта на нуöдны водзö да паськөдны. **Ур**, а сідзкö, **öре**, **эре** да мукöд лöсялана, öткодя юргысь да матысса вежортаса кывъяс, дерт, йитчöмаöсь ёна важ кадкöд.

...Медбöрын нöшта колö казатыштны И. А. Куратовлысь гижöдьяссö, философскöй кывбурьяссö, көні паныдасьлö тшöтш “ур” кыв. 1874 воын И. А. Куратов гижöма татшöm кывбур:

Синтöm корысь грездысь грездö
Ветлö-чотö и бандура
Лöсьöдлiгөн сьылö бура:
“Тшыг кулöмысь, бур йöз, мездö,
Сетö кык-ö-куим ур,
Лёкыс тiянысь оз сюр,
Сетö кык-ö-куим ур”.

Ветлö синтöm ичöt нывкöд;
Вичко дорын сьылöм-йöктöm.
“Ворсö, эн виччысьö тшöктöm...
Нуöдысьöй мича-й мывкыд;
Сы вöсна тi, том йöз, мем
Сетö кык-ö-куим ур,
Аслам мунис дольд нэм...
Сетö кык-ö-куим ур”.

(Вайöдi И. Куратовлөн 1979 воын Сыктывкарын петавлöm “Менам муза” небöг серти).

...Коми историяын, миян войтырлөн важся культураын уна аслысьямаыс, да и тöдмавтöмыс на, коть та йылысь бөръя кык нэмнас петалисны нин уна гижöд да торъя небөгьяс. Кыв да сёрни туялан уджыс муноö водзö.

Мөвпалё ас ногыс

Алёна Ельцовалён кывбуръясыс, поэьо шуны, тайё кутшөмакё кужысь гижысылён кодь тэчөмторъяс нин. И, гашкё, буретш та понда сылысь кывбуръяссё тшөкыда йёзөдоны коми журнальяс да газетъяс.

Чужис авторыс 1979 вося январь 19 лунё Куломдін сиктын. Велөдчис шөр школаын, сэсса 1994 воын локтис искусстваяслөн Сыктывкарса гимназияё, кодёс помалом бёрын пырис Сыктывкарса университетё. Гижё дас ароссянь. Медводдза кывбуръяссё йёзөдісны 1993 воын "Вой-выв кодзув" журналын.

Том автор ёнджыкасё мөвпалё олём йылысь ("Тэ менам төвся мойдöй", "Гытсан", "Коркё аддзывлөм вөт", "Киссьөм сикөтш" да мукöд кывбуръяс). Алёна аддзö да висьталö, кутшөм сьöкыдөн мукöддырйиис овлө олөмыс, коді вермө морттö сконъявны и пöръявны, вайöдны сэтшөм лөкинö, мый йылысь он и куж мөвпыштныгтö. И сэки, дерт, колö мортгыслы аддзыны вын, мед венны сьöкыдунъяссö. Кутшөмакё лов вылысь вештö сьöд кымөръяссö радейтчөм, кызди та йылысь шуöма "Ми тэкöд быттö кык ю", "Öти юкмөсысь васö юлім", "Тэкöд ми", "Ю сайын" кывбуръясын.

Шудсö мортгыслы сетö и ас чужан му, кодёс нимöдö Алёна. Сылөн "юыс öвтчö аслас гыён", а гожөм кадыс петкөдчö "лөзов синма зонмөн". И авторыс кылö асьсö олөм шöрас, вөр-ва шöрас сулалысьсөн: "Олөм — пугыс, а ме сылөн сьöмөсыс, олөм юкмөс — а ме сылөн ва".

Алёналөн кывбуръяссö тэчөма зумыда кыв боксянь, и техника боксянь, рифма да ритм боксянь. Рифмаыс висьталö, мый авторыс видзöдö олөм вылас оз долыда: лөк — шог, зэр-шер, дой-вой, тшын-кын, лэб-жеб, шöйтис-вöйтис, нормö-дзормö, вермö-зөрмö... Но век жö тайö видзöд-ласас эм югыдлуно кутшөмкö эскөм. Авторыс кужö вöдитчыны и сложной тэчаса рифмаөн: вöлі кө — йөлöга, котöртін — код ордын, үнмовсин — унзиль син.

Алёна радейтö инö-артö пуктыны öтигор вылысь мөдгор вылö вуджöдөм вежортасьяс, ёнджыкасö мортгыслы сямсö, торъялөмсö лөвтөм вөр-ва вылö да вежөрөн вөчөм сепасьяс вылö: "Валъяліс виддзыс, кодлөн морöсас дзоридзыс тырыс", "Уль көра төвру Эжва весьтти шöйтис", "Сэк төдмасьлі ме лөзов синма зонкөд, и нимыс сылы вöлі гожөм кад", "Сывъяліс сьöд вөр", "Юыс öвтчö аслас гыён".

Овлö Алёна Ельцовалөн и мөдарö вуджөдөм, кор морт вылö вуджөдсьöны вөр-валөн сямыс да торъялөмыс: "Тэкöд ми — лун шöр да вой", "Тэкöд ми — шонді да төлысь", "гөстьöй — асья зэр".

Зэв аслыспөлөсöсь том авторлөн и метафораяс, шуны кө комиён, кывийн либö кыв чукөрөн мөд вежортасын вöдитчөм: "Олөм — изки, олөм — гыр", "Пышйысь кадлөн биа-бордья вöлыс". Матынсь на дінö öткодьялөмыс: "позтөм көк моз шöйтö талун төлыс", "черань вез моз конки вөлөм жугöдны и олөмтö".

Но öткымын гижөдъяс лыддигөн казялан, мый найö кутшөмакё муноны мукöд авторьяслөн гижөдъяс вылö.

Но татшөм öткодьялөмыс гежөд, и, чайта, нинөм лөкыс эз на ло, а водзö вылö и бырасны дзикöдз.

Орöма зумыд ордпу

Журналын петавлöм öткымын бөръя гижöдъясын вöлины комилöн ордпу (рöд) йылысь пасйöдъяс. Елена Ивановна Чудова, кодй, висътасьöм сертигьс, нэмсö судзöдö да лыддö "Войвыв кодзув", абу веськодъ татшöм пасйöдъяс дйнас.

Архивса гижöдъясын корсьсысьöм бöрын сийö казяöма коми священникъяслысь вель зумыд ордпуяс. Паджга сиктысь петавлöм морт, Елена Ивановна медводз, дерт, гижö аслас чужан сиктса вичкоын служитлысьяс йылысь.

Сыктывдйнса Паджга сиктлы (вöлöстьлы) нельсё воысь унджык нин. Ми öд сикт-деревняслысь арлыдсö арталам сы серти, кор найöс медводдзасысь пасйылöмаöсь роч писцöвöй книгаясö. А Эжва да Сыктыв пöлönса коми войтырлөн уна оланйн медводдзасысь веськавлöма гижöдъясö 1586 воын. Вöлöсть котыртöм бöрын Паджга улö пыравлöмаöсь абу сöмын Гарья да матигöгöрса деревняяс, но и Ньючим да Лöзым.

Пу вичкосö Паджгаын кыпöдлöмаöсь Благовещение Пресвятой Богородицы нимаöс, мый вöсна и вöлöстьсö шулöмаöсь Благовещенскöйöн. Воддза вичко важмöм бöрын орчöн кыпöдлöмаöсь мöдöс, пуысь жö. Но 1780 воын Паджгаын вöлöма ыджыд пöжар. Сэки кыкнан пу вичкоыс сотчöма. Регыд сэтчöс войтыр шуасны кыпöдны вель вичко — каменнöйöс (кирпичысь), кык судгаöс, а нимсö кольны воддзасö.

Вель вичко стрöитасны вöлöстьса став войтыр, а юралысьнас вöлöма отеч Михаил — Михаил Степанович Тарабукин (чужлöма 1791 воын). Паджгаса вичкоын сийö служитöма 55 во, кувтöдзыс. Вичкосö көртөн вевтгысыяснас вöлöмаöсь ас, коми йöз жö — Гарьяысь Николай Григорьевич Конанов да Көрткерöсысь Павел Попов (вичсö абу пасйöма).

Вичко стрöйтöмын отеч Михаиллы ёна отсасьöмаöсь вокъясыс: Георгий, Григорий да Никита (сюсь вежöра да бур киподтуя йöз).

Но со вель каменнöй вичко вöсьсö. Лоöма тайö 1833 вося декабрь 15 лунö. Вежöднысö волас Вöлöгдаысь епископ Моисей. Волöмаöсь духовнöй сана гöстъяс Великöй Устюгысь да Усть-Сысольскысь. Вежöдöмаöсь, служба котыртöмаöсь, но жыннйгъяса юрыс вель вичкоын эштöма сöмын на сизим во мысти — 1840 воын.

Вель вичкоас лоöма куим придел: улыс судгаас — Благовещеннö да Вежа Мöдест нимьяс кузя, вылиас — Богородица Успеннö нима.

Отеч Михаил водз кольлöма дөвечөн, 37 арöссиянь, но быдтöма öтнас бур оласа челядьöс: Степан пыис лоöма Яренскöй уездын вичкоын служитысьөн жö; мöд пи — Никита — Усть-Сысольскса приходскöй училищес помалöм бöрын 1829 восянь 1864 воöдз (35 во) служитöма диакöнөн Благовещеннö вичкоас жö.

Тарабукинъяслөн ордпуыс вöлöма зумыдөн. Отеч Михаиллөн выльнджык казтыштлöм нин Григорий вокыс помавлöма Вöлöгдаса духовнöй семинария да кувтöдзыс, 25 во чöж, служитöма священникөн. Сылөн Георгий пыис, айыслысь туйсö тальöмөн, помалöма духовнöй училище Великöй Устюг карын да бара жö 25 во служитöма вичкоын. На ордпуысь петöм Öлексей Тарабукин велöдчöма Вöлöгдаса духовнöй семинарияын да 1835 восянь 1863 воöдз (28 во) вöлöма пöнöмарөн. Ставсö Тарабукинъяслөн ордпу служитöма вичкоын 168 во!

Тарабукинъяс бöрын Паджгаса Благовещеннö вичкоын службасö водзö нудас Вишерскийяслөн ордпу, коми йöз жö. Висер вожысьсöсь, Поповьясөн вöлöмаöсь водзсö.

Енлы служба панысыс, Ефимий, помалас духовнöй семинария Вöлöгдаын. Воас аслас чужан сиктö — Висерö да, сиктса йöзкöд, рöдвужыскöд сёрнитöм бöрын, водзмöстчас вель вичко кыпöдöмын —

Пресвятѡй Богородицалѡн Рождество нимаѡс. Ачыс Ефимий лоѡ и мастерѡн, и "архитекторѡн". Вѡлѡгдаса епископ Арсений вежѡдас вель вичкосѡ, а Поповъяслы сетас вель ов — Вишерскийяс (Висер юлѡн роч ним сертияс). Поповъясыд пѡ зыряна муад уна нин, — шуас епископ, — да мед нимѡдны тьянлысь бур киподтуя да сюсь вежѡра ордупутѡ, ѡнисянь лоанныд Вишерскийясѡн. Тадзи чужѡма вель ова рѡд.

Аслас гѡтырыскѡд, Татьяна Михайловнакѡд, найѡ чужтасны да быдтасны кык пиѡс — Василейѡс (1812 воын чужлѡма) да Семѡнѡс (1815). Кыкнан пиыс велѡдчѡмаѡсь Вѡлѡгдаса духовнѡй семинарияын да лоѡмаѡсь священнослужительясѡн. Василейыс комын воысь дырджык служитѡма священникѡн чужан сиктса приходын.

Отеч Василий быдтѡма нель пиѡс. Медся нималысьѡн лоѡма Николай, кодѡ чужлѡма 1835 воын. Вѡлѡгдаса духовнѡй семинария помалѡм бѡрын индылѡмаѡсь велѡдысьѡн Усть-Сысольск карса духовнѡй училищеѡ, а кык во мысти (1858) вѡлѡгдаса епископ Христофор посвятитѡма Николай Васильевич Вишерскийѡс Сѣська сиктса Михаил-Архангел нима вичкоѡ священникѡн. 1863 воын отеч Николайѡс вуджѡдѡны Паджга сиктса Благовещенскѡй вичкоѡ. Нѡшта кык во мысти сѡйс бѡрийны Благодичиннѡйѡн 1 округѡ, кытчѡ пырлѡмаѡсь татшѡм вичкояс:

Усть-Сысольскыс Троицкий собор,
Ыбысь Вѡзнесеннѡ вичко,
Зеленечысь Богоявленнѡй вичко,
Вельгортыс Сретеннѡ вичко,
Сѣськаыс Михаил-Архангел вичко,
Нювчимысь Димитриевскѡй вичко,
Паджгаыс Благовещенскѡй вичко,
Межадорыс Веденнѡ вичко,
Волсяыс Рѡжденственскѡй вичко,
Визинысь Троицкѡй вичко,
Чуклѡмысь Кресто-Воздвиженскѡй вичко,
Слѡбѡдаысь Николаевскѡй вичко.

Тайѡ лыддѡдлѡмсыс тыдалѡ, мый округас пыралѡма Усть-Сысольск уездысь джын приходыс. Благодичиннѡйлы колѡ вѡлѡ видзѡдны став вичко бѡрсяыс, сетны колана индѡд да отсѡг сэтчѡс служитьсысясы. Отец Николай бура пѡртлѡма ассыс могъяссѡ, мыйысь ошкылѡмаѡсь, сетавлѡмаѡсь уна козинъяс.

Николай Вишерскийлѡн водзмѡстчѡмѡн 1885 воын Паджгаын восьмѡма кык класса церковно-приходскѡй школа. Колѡ пасыны и сѡйс, мый отеч Николай вичкоса службѡс тшѡкыда нуѡдывлѡма комиѡн.

Паджгаса Благовещенскѡй вичкоын отеч Николай (Н. В. Вишерский) служитѡма кызь вит воысь дырджык (кувтѡдзыс). Вичко йѡрас и дзебѡмаѡсь-гуалѡмаѡсь. Гѡтырыскѡд, Александра Ивановнакѡд, найѡ быдтѡмаѡсь кѡкъямыс ныла-пияѡс. И ставныс лоѡмаѡсь шань йѡзѡн. Вера нывныс велѡдѡма школаын. Алексей пи помавлѡма университет да велѡдѡма духовнѡй училищеын латынь, грек, важ славяналысь да роч кывьясѡ. Модест пи велѡдчылѡма духовнѡй академияын да лоѡма духовнѡй семинарияса велѡдысьѡн. Велѡдысьясѡн лоѡмаѡсь и Павел да Михаил пиян, а Евлогий да Василий мунѡмаѡсь бать туйѡдныс — служитѡмаьс вичкоясын.

Бать кувсьѡм бѡрас Михаил пиыс шыѡдчас, мед сѡйс индасны священникѡн чужанѡнас — Паджгаса Благовещенскѡй вичкоѡ. Корѡмсѡ могмѡдасны, и отеч Михаил служитѡма тайѡ вичкоас нелямын сайѡ во.

Михаил Вишерский да гѡтырыс — Анастасия Константиновна чужтѡмаѡсь да быдтѡмаѡсь ѡкмыс ныла-пияѡс. И найѡ бара жѡ бур йѡзѡн петѡмаѡсь олѡмас — кодѡ велѡдысьѡн, кодѡ йѡзѡс бурдѡдысьѡн, кодѡ... военнѡйѡн. Вичкоын служитьсысьѡн лоѡма сѡмын ѡти пи — Михаил (оз ков вунѡдны, мый Вишерскийяслѡн тайѡ чукѡрыс олѡс нин Сѡвет кадѡ).

Михаил Вишерский кольома ас йывсьыс зэв бур пасъяс. Со сөмын өткымын на пысь. Сылөн водзмөстчөмөн 1902 воын Паджгаын воссьома нывъяслы өти класса школа, көни велөдыснас лоома ачыс Михаил Николаевич. 1900 воын Лөзымын воссьо земскöй школа, нөшта куим во мысти — Гаръян.

Отеч Михаил вөлома велөдчөм мортөн — бура төдөма грек, важ славян, роч, латынь, коми кывъяс. Дасьтылөма да лэдзлөма коми кыв вылын книга — “Кыдзи медводдзаыс велөдны челядьос православнöй вера”.

Отыв Вишерскийяслөн ордпу служитөма православнöй вичколы куимсө воыс дырджык.

Вишерскийяс бөрын (1928-36 воясö) Паджгаса Благовещенскöй вичкоын служитьштлөма на священникөн отеч Иоанн (Иван Михайлович Захаров). Сийö энөвтөма вичко службасö ас көсийм сертиыс: том йөз пö дугдисны волыны вичкоö, личкөмаось сэсса ыджыд налогьясөн (вотөн), а мынтысьны нинөмөн.

Сө во служитөм бөрын вичко Паджгаын тупкыссис.

Со кутшөм документ эм республикаса шөр архивын:

“ВЫПИСКА из протокола № 84 заседания Президиума Коми областного исполнительного комитета от 13 августа 1936 года.

СЛУШАЛИ... материал Пажгинского сельского Совета Сыктывдинского района о закрытии церкви.

Трудящиеся, колхозники Пажгинского с/с, сельский актив, партактив, комсомольцы, в числе 407 человек, ходатайствуют о передаче пажгинской двухэтажной церкви под межколхозный клуб...

Ходатайство президиума Пажгинского с/с о передаче церкви под культурное учреждение Президиумом Сыктывдинского РИК-а удовлетворено.

ПОСТАНОВИЛИ:

Удовлетворить ходатайство трудящихся и колхозников с/с и передать молитвенное здание под межколхозный клуб.

Председатель Коми обласполкома Липин.
Секретарь ОИК-а Чеусов”.

Та вылын паджгаса священникъяслөн зумыд ордпуыс, гижөдъяс серти кө, помассьö.

Е. И. ЧУДОВА,
Паджга сиктысь петавлөм морт.

*Журналын йөзөдтөм гижөдъяс
редакция оз рецензируют и авторыслы найöс оз мөдд*

Техн. редактор **В. Напалков.**

Корректор **Е. Панюкова.**

Адрес редакции: 167610, г. Сыктывкар, Дом печати, комн. 26
Телефоны редакции: 42-47-52 (гл. редактор), 42-51-52 (отв. секретарь).

Сдано в набор 21.02.97. Подписано к печати 22.04.97. Формат 70X108¹/₁₆. Печать офсетная.
Усл. печ. л. 7; усл. кр.—отт. 5,64; учетно—изд. л. 7,54. Тираж 1782. Заказ № 643.
Регистр. № Ф0095.

АО «Коми республиканская типография», 167610, г. Сыктывкар, ул. Первомайская, 70.

